

LAÜLAASÜKAA PÜTCHI SULU'U MMAKAA WOLIWARIAANA WENESUEELA

SÜIKALE'ERIA PÜTCHIKAA

Na wenesueelaje'ewaliikana napushua'ale'eya naa'inmaalu'u sünain akumajaa nakua'aipa sünainje sütchin natüjala jee nachuntataain kaaliaa nümüin Ma'leiwa jee sümaawaa weinshi tü kama'aitkaa nukua'ipa wapüleerua chi taashikai atuma wakua'ipa sulu'u woumain Simon Woliiwat jee müsüja'a namüliala jee yala'yalaa natuma na wayuu watuushinuu kama'aina wapülapünaa jee na achajaakana paala sukua'ipa namaa na akumajakana mapa'aya wanee mma taashisü sümaa laülaain shia shimiiwa'a, kalu'uinnakana waya.

Shia achajaanakaja'a ma'in sukumajünuin sukua'ipa mmakaa suchukua'a süpüla eenjatuin wanaawajirawaa sümaa kajutaa sutuma wayuu süpüshua'a, eewaa sümaa apashaa sünain kasakaa süpüshua'a jee maimajirawaa akua'ipaa, sulu'u wanee mma a'laüle'erüin saa'in sükajee kajutaa anaalu'umaa, kalu'ujeeinjatükaa sukua'ipa shi'yataaya mmakaa atumaa, sümaa kottiraain shikijee suluwataaya, kajutshaanakaa atuma sukua'ipa tü taashaakaa, tü akatalu'uwaakaa akua'ipa, tü anaakaa, tü kaaliajirawaakaa jee müsüja'a kachinjatüin tü anaatiaakaa akua'ipa sümüin wayuu süpüshua'a joolujutu jee na wayuu eejeenakana wachikijee watta ka'i ; eewalaiwa kajutuun tü wayuuwaakaa jee tü kataakalü o'u, kajutuun tü a'yatawaakaa, kajutuun sukua'ipa wayuu, kajutuun tü ekirajawaa jee atijaa karalouta, kajutaa anaalu'umaa sümüin wayuu süpüshua'a jee müsia wanaawajirawaa sümaa nnojoluinjatüin ennaa amüinwaa; süpüla eenjatuin aleewaa sutuma mmakaa supushu'alee jee katchinjatüin tü kottaakaa sutuma tü mmakalüirua, sünain nnojolüinjatuin wanee mma ennüin amüin jee müsüja'a kajutajatüin atumaa tü saa'inrakaa wanee mma shimiiwa'a, eere kajutaawan wayuu supushua'a, een tü wanaawaakaa supa'apünaa mma, anainjatüin tü mmapa'akaa jee müsia kajutajatüin tü eekaa süma'ana wayuu sulu'u maakaa

süpüshua'a.

Sükajee sutchin tü pütchi akuyamajüsükaa paala ma'in sümaayalee paa'inwashiin wayuukana napüshua'a sulu'u mmakaa, sükajee sünainjeejatüin ajutkajawaa Mülo'usu Yaajatü yaa sünain ano'utiraa shikii putchi, sümaa sujutunuin oo'u natuma wayuu jee müsia anaamaajatüin süsakiria süpüleerua.

Ne'itaakalaka tü makat pütchi yaa:

LAÜLAASÜKAA PÜTCHI

WANEE SHIKIJEE SÜNO'UTIA PÜTCHIKAA

Aküjiaa 1. Wenesueela wanee mma joolu'u nünüliamaasü woliwat, eesü süpüla ka'ikat süpüshua'a sünain maakaluujuin sutuma tü taashaakaa sümaa laülawaa shimiiwa'a jee shi'itatalain shikiisüin sukua'ipa jee tü sujutkaa taashaa sümüin, sümaa wanaawaa, kajutuu anaalu'aumaa jee tü anaakaa süpa'apünaa mma, shiaja'a tü ni'ikanainkaa nüpaalain Simon Woliwat, chi ataashijaikai mma.

Sujutajatü weinshi mmakaa tüü, tü taashaakaa, tü waneejataakaa, tü laülawaakaa akua'ipa shimiiwa'a, waneeseein sukua'ipa sünain mmain jee müsüja'a saa'inrajatüin tü anakat sümüin wayuu süpüshua'a yaajatü yaa.

Aküjiaa 2. Wenesueela akumajaasü süpüla eeninatüin sulu'u waneepia wanee wanaawaa sümaa kajutaa mülo'u anaalu'umaa, kalu'ujeeinatükaa ajuitüin sa'anasia akua'ipaa, makatka tü kataakaalü o'u, tü wayuwaakaa, tü taashaaka, tü kajutaakaa anaamaalu'u, tü wanaawaakaa, tü aleewaakaa, tü paa'inwaakaa, tü palajateewaakaa atumaa naali wayuu, tü sü'laüle'eriakaa saa'in wayuu jee müsüja'a tü kajutujirawaakaa sünain aa'inraa kasa süpüshua'a.

Aküjiaa 3. Tü sü'laüle'eriaka mmakaa süpülajatü kaaliain wayuu sümaayalee kajutaa suulia joowaa, wanaawaa sünain achajawaa sukua'ipa tü achekünakaa apashii, eeiwa wayuu kottüin sümaa anaa sünain aküjaa sukua'ipapala anaa jee tü anakaa anainjee wayuu süpüshua'a, ayatüinatüin sukua'ipa tü shikijeeakaa pütchi, ajutuu, aaliaa sulu'ukoo tü laülaasükaa pütchi.

Tü atüjaakaa sümaa a'yatawaa shia cho'ujaakaa ma'in süpüla ayatüinjatüin sukua'ipa tü aküjünüpakaa achiki.

Aküjjiaa 4. Sukua'ipa tü aluwatawaa sulu'u tü mmakaa wenesueela nünüliamaakaa joolu'u Woliiwat pe'ipaawasü sünain kakataawain sulu'wataaya, o'unusu sukua'ipa sükajee shikiijejatü tü laülaasükaa pütchi jee müsüja'a ayatüinjatüin süpüshua'a tü sukua'ipakaa sünain waneesüin mmakaa, kottüinjatüin kaaliajirawaa, aleewaa, kottirawaa, kasülüjüinjirawaa sümaa ka'yataainjirawaa.

Aküjjiaa 5. Tü shikiisükaa laülawaa sünainjeesü wayuu supushua'a, sükajee tü sukua'ipakaa sutuma tü laülaasükaa pütchi sümaayalee eekai anaatiaa aju'itüin sünainjee, jee müsüja'a su'utpünaa ajutaa sukumajakaa akua'ipa tü laülaapia aluwataanakaa alu'ujee.

Tü laülaapiakaa aluwataanakaa alu'ujee e'itaaushi sutuma wayuu süpushua'a, nanainjeinjatükaa shia na wayuukana.

Aküjjiaa 6. Tü sukua'ipakaa aluwatawaa sulu'u mmakaa wenesueela nünüliamaakaa joolu'u woliiwat süpushua'a sümaayalee tü shi'ipakalüirua sulu'u laülawaa, müsü sümaa ayatüinjatüinya ütamuinre'eya shia wanaawain sümaa kajutujiraain akua'ipaa, eejiraain sünain kasakaa süpüshua'a, kakataawajiraain, pachukuajiraain, ka'yataainjiraain, maimajiraain jee müsia saakajee'nnajatüin eekai mojuin suluwataaya.

Aküjjiaa 7. Tü laülaasükaa pütchi shia soushika'ayasünaatia kasakaa süpüshua'aya. O'unusu sukua'ipa wayuu süpüshua'ale'eya jee tü laulaapia-kalüirua sükajee tü laülaasükaa pütchi.

Aküjjiaa 8. Tü sünakaa kuluut shiaawashekaa mmakaa wenesueela malo'ukatüsü, yuuisü jee ishosü; tü shii'irainkaa *Yaletüsü saashiaain woumain* jee müsüja'a tü shejeetshikaa shia shiaawashikaa mmakaa kalu'ukaa waya.

Tü shikiisükaa laülawaa, shia akumajüinjatükaa tü sukua'ipakaa jamalu'uluin shia jee müsüja'a kasapülajatüin shia.

Aküjjiaa 9. Tü anüikii kajutsükaa sulu'u mmakaa tü shiaja'a alijunaiki. Tü nanuikikalü wayuu napüshua'a kajutsü namuinya'asa jee müsia shia kajutuinjatü supa'apunaa wenesueela, sukajee akua'ipaain shia yaaje'ewalü yaa jee sukua'ipainja'a shia wayuu sumamuinree mma.

PIAMA SHIKIJEE
SÜNAINJEEJATÜ MMAPA'AKAA SÜMAA SÜPAAJIRAA YA

Wanee shi'ipa
Sünainjeejatü mmapa'akaa süpüshua'alee

Aküjjiaa 10. Tü mmakaa suumainkaa wenesueela supushua'alee, shia tü eetüjütkaalia e'itaanüin natuma alijuna laülaayuu sümaama'a po'loo mekie'etsalümüin ka'i nülü'üjain kashi auriiru nu'utpünaa chi juya po'lootua po'looin shikii, mekiisattua shikii sünainmüin po'loo, sümaayalee tü aju'itakaa sünainjee tü yootookoo suchukua mma sünüikimaajatüin sünain anain sükua'ipa.

Aküjjiaa 11. Tü laülawakaa sutuma wenesueela sulu'u suumain sünainmüinsu mmakaa shirokümüinkaa palaakaa jee jee shii'iruku mma wunapümüin sukua, türa palaa katajatkaa o'u atuma wayuu, eetüjütka'aya sümaiwa shi'ipajee tü mmakaa. Tü kasakat eekaa katüin o'u sulu'u, sümaayalee kasayaakale'ejee sünainjeejatüin wuchii waraitüsüin, kasa supushua'a eenin sulu'jee, jee müsüja'a kasakaa eenin me'raajuin aju'itusa'alüin nee'e sulu'u wenesueela.

Tü mmakaa shirokujatükaa palaa sünainjeejatükaa mmakaa tüü, shialeejaa türa mmacheinkaa, makatkaa Monje, Aawe, türa rookeyuu, türa otchiira, türa mmacheyon ja'apiuukaa makatka tottuuka, pülankiia, tura erümaana, türa marakariita, türa kuwaawa, tü kooche, tü püraira, tü soola, tü te'tiiko, türa paata,

tura aawe, sümaayaleeja'a mmacheyonkoo jo'uuchouin, mülo'uin. eekai e'iyalaain shirokupünaa süpalaashe tü mmakaa wenesueela, eepünaale süsawatüin mmakaa suwashirüinkaa shimiiwa'a.

Tü wüinkaa süpüshua'ale'eya shia tü palaakaa jee shiinalu'upünaa, shiaja'a tü shipo'utapünaa, wüinkalaja'a, shiinalu'upünaa jee mmapümüin yalajee yala, shiakalaka tüü süpüshua'aya suumain wenesueela sümaayalee palaakaa pejepünaakaa sünain, tü suwashirüinkaa shimiiwa'a jee wüin sulujutukaa. Tü wüinkaa süpüshua'aya shiale'ella tü jamatsükaa mülo'uin, tü süchikaa palantüsukaa. Ma'aka joolu'uya'asa suumainre'eya wenesueela tü wüinkaa mmaapüjatükaa sümaayalee tü shi'ipo'ujeekaa mmakaa palaamüin saapaleeitkaa mmakaa tüü jee müsüja'a tü palaakaa sa'ato'upünaakaa jee tü lotoleekaa shi'ipo'unainjee. Shi'aleeja'a shi'ipa suumain wenesueela tü palaa wopümüinkuatkaa, Türa wunapükaa isashiikaa jee uuchikaa saamatuuikaa. Mmapa'akaa tüü saaliamaajutu sumaa cho'ujaain shia süpüla tü süchekakaa Wenesueela süpüleerua. Chaya iipünaamüin sukua, jee so'opünaakaa palaakaa saa'injüinsü tü mmakaa wenesueela süpüshua'a iipünaamüin sukua aitu'umüinre'eya eere shia kasalajanainjatüin sutuma. Kasakat süpüshua'a aa'innüin sulu'u, sükajeeinjatü sünaatia sukua'ipa pütchi akumajushi wattajee sumayalee sunatia sukua'ipa yaajatü yaa.

Aküjiaa 12. Tü suu'uliakaa sa'anasia ipa jee meno'ulia, epünaale nee'e sujuitüin supa'apünaa mmakaa yaya, shiinalu'upünaale süpalaashe, shiinalu'upünaa palaa shipajeekaa sumaa tü shipo'ujeekaa shiyaale'eya sukorolo mmakaa wenesueela, shia anainjatükaa anainjee wayuu supüshua'a, sünainjee tüü nnojotsü kasama'ainjatüin. Tü palaakaa süpüshua'a kajutajatü nayaalu'u wayuu napüshua'alee.

Aküjiaa 13. Tü mmakaa süpüshua'aya nnojotleeinjatü aapünüin ekii, antennaa, a'ananajinnaa, kasakat süpüshua'a aa'innüin süka, atairü matsainjatüin sümaa otta kama'ainjatülein sümüin wanee naatajatüin jee müsüja'a wanee sukua'ipeeyan atumaa wattapünaa.

Tü mmakaa suumainkaa wenesueela wanee mma süpülajatü anaa waneepia. Nnojotsü eeninatüin wanee naatajatüin anaataain sulu'u sümaa sa'apüla.

Tü shikiisüin mma wattajeejatü atairü sümaajatüin kajutuu wattaje'ewalü, eeshii nee'e süpüla naapain süpülajana nepia na shikiipu'ujana mma wattaje'ewalü sulu'une'e tü mma aapünakaa namüin sünain ayatüinjatüin sujutu natuma, sümaa nayaawataainjatüin nakua'ipa sükajee tü laülaasükaa pütchi. Ayatüinjatüka'aya sukua'ipa laülawaa soo'u tü mmakaa.

Tü mmakalüirua malu'ukaa eeyamakaa sulu'u mmacheyon palairukujatü, sotpünaa otta shiroku süchi, sa'aka wüin mülo'u jamatsü, nnojölüinjatüin jamajüin atumaa. Tü mmakaa yaya süpülajatü een anaa sulu'u, eere yütaleinjatüin shichikii tü ajattirükaa wayuu. Nnjotsü süpüla eeninatüin sulu'u mmakaa tüü, wayuu wattajeejatü sümaa sa'apüla jee müsüja eekai ooniraasüin shikiiraa.

Aküjiaa 14. Eeninatü sukua'ipa sünaatia sutuma tü laülaasükaa pütchi, tü mmakalüirua eekai achajaaushin achekalaa süpüleerua natuma na kepiakana sulu'u sünain natijaainjatüin soo'u na laülaayuushiikana shikiipu'ukana tü mmakaa süpüla soo'omüinjatüin apashii mmakaa shia.

Aküjiaa 15. Tü mmakaa wenesueela süpüshua'a laülaasü süpüla sukumajüin sukua'ipa tü mmapaakaa sülüjüleemaakaa, tü mmacheyon palairukujatkaa, mmairua palaajatü, sainmajüinjatü tü suumainkaa süpüshua'a, laülainjatü soo'u, kaliajatü süpüla tü eekaa sulu'u süpüshua'a, shii'ire een anaa sulu'jee, anaain akua'ipa sünainjee jee aleewain wayuu süpüshua'a sükajee. Eere julüjainjatüin aainn sukua'ipa tü shiipakalüirua mmakaa, sükajee wanee nneerü aapajuushi shiialu'u, wanee sünaatia sukua'ipajatü mma sülüjülejatü, shiainjatü anaatakaa sukua'ipa jee aküjakaa kasapülainjatüin shia jee müsüja'a kasain anain apüla shia.

Piama shi'ipa

Sukua'ipa süpaajiraaya jee sülüjüle mma

Aküjiaa 16. Süpüla sukumajia sukua'ipa tü mmapa'akaa süpa'apünaa wenesueela kalüjüleyaa müsü, eetaalaka shi'ipairua mmakaa, shikiijee mma, mmakaa shirokujatükaa palaa, jee tü mmakalüirua motsoyuuin akumajaain shi'ipa'aya munissipia münakaa a'laüle'eria saa'in, tü mmakaa süpüshua'a komotsojiasü.

Tü süpaajiraayakaa mmakaa kalaülajanasü sükajee wanee anaatia akua'ipa,

shia eenjatükaa atumaa laülaawaa sulu'u tü sümotsojiakaa mma sümaayalee tüü shi'yataainkaa. Tü sünaatiakaa sukua'ipa sukumalaaya tü mmakalüirua matsayuuin eesü süpüla süpansaajüin tü anakalü sümüin, eere shia asakinneein sukua'ipa palajanaa sulu'u tü shi'ipakaa mma eejatülein. Eesü süpüla shialeraain sütchin süpüla aluwatawaa sukajee wanee sünaatia sukua'ipa.

Aküjiaa 17. Tü suumainkaa wenesueela shirokujatükaa palaa shialeja'a tü mmacheyon wattalu'upünaakaa suulia mmakaa mülo'usukoo jee müsüja'a tü mmacheyon e'yalaain shiroku süpalaashe wenesueela. Tü sukua'ipajatükaa, shiaawatijatü jee müsia sütüjaaya soo'u eeren, saa'inmajia sümaa shi'yataaya sükajeeinjatü pütchi laülaa anaatajatükaa sukua'ipa.

Aküjiaa 18. Tü mmakaa Karaaka münakaa shia shikiikaa sü'laüle'eria mmakaa wenesueela süpüshua'a jee müsia shia kalu'ujeeinjatükaa shikii laülaapia yaajatü yaa.

Tü münakaa sulu'u aküjiaakaa tüü nnojotsü süpüla nnojoluinjatüin sutuma sukua'ipa aluwatawaa eepünaajeeren shia atumaa süpa'apünaa wenesueela.

Eejeerü wanee sünaatia sukua'ipa süpüla waneesu'in karaaka sünain anainjatüin suluwataaya namaajiraa na laülaashiikana sulu'upünaa tü mmakalüirua pejepünaakaa sünain makatka tü sulujutkaa shi'ipa mmakaa miraanta münaka. Sutumajee tü sünaatiakaa sukua'ipa eejeere tü sukumajiatükaa, suluwataayajatükaa, shi'yataajatükaa, sukua'ipajatükaa eekai een sulu'u, süpüla anainjee mmakaa süpüshua'a. Eekaja'a shia shianjatü pütchi laulaasü anaatakaa sukua'ipa süpüla eeninatü anaawaa sümaa eewaa sünain a'yatawaa süpüshua'a.

Tü shi'ipakalüirua mmakaa eesü süpüla sa'ajapünnuin jee saapünüle ee'ipa sükajee wanee yootaa anaalu'u natuma na laülaashiikana süpüla anaataa sukua'ipa shi'ipa mma jee müsüja'a natüjaainjatü soo'u na wayuu laülaashiikana sulu'u mmakaa.

APÜNÜIN SHIKIJEE
SUKUA'IPA AJUTUUIRUA, AA'INNEEKAA JEE MÜSIA EEKALÜ
ATUMA TÜ KAJUTAANKAA

Wanee shi'ipa
Einjatükaa süpüshua'a

Aküjiaa 19. Tü sü'laüle'eriakaa mmakaa nayaalujutü wayuu napushua'a shi'ipa'aya sukumalain, makatajuinyuule wayuu, tü ainnakaa jee tü anaakaa sulu'ujee moulaajuusalü, makataluusalü jee kanainjeejiraain süpüshua'a tü najutkaa wayuu, sujutu naa'inraain wayuu, sukumajia nukua'ipa wayuu napüshua'a, sujutu nütüjala wayuu jee tü sukua'ipainjatükaa ayateesü waneepia sutuma tü laülaapiakalüirua sukajee pütchi mülo'usükaa, tü aashajaaushikaa süpüshu'a najutumaaajatükaa wayuu süpa'a mmakaa sünüiko'ulajatü wenesueela jee tü pütchi sünaatia sukua'ipa.

Aküjiaa 20. Kajutshii wayuu napushu'a süpüla nakumajüin nakuaipeekaa nemiiwa'a, shiaja'a nee'e shiaawashijatükaa sujutu nukua'ipa na waneerua jee sukua'ipapala wayuu supushua'a.

Aküjiaa 21. Wayuu supushua'a wanawainjana shi'ipamüin tü pütchikaa anaatutkaa akua'ipaa, shiasa'a sukajee jooluu tüü:

1. Nnojölüinjatü koulukuyaamüin wayuu atumaa sünainjee atapa'awaa, tooloo, jiejyuuwaa, anoujiaa, eekaa atuma anaalu'u jee aa'inraa kasa wanaawalu'umaa, tü ajutuukalüirua jee taashaa akua'ipa namüin wayuu napushua'a.
2. Tü sü'laüle'eriakaa mmakaa eeninatü sutuma anaatiakaa akua'ipaa, süpüla tü wanaawaakaa shi'ipamüin tü pütchi anaatakaa akua'ipaa süpüla shiimüinjatüin sümaa anasüinjatüin shia. Achajaainjatü akua'ipaa nayaalu'u wayuu akatalu'ushii jee müshijja'a na jooain apülaa kaalialeeinjana ma'in na wayuuirua müliakana aa'in sünainjee tü münayütkaa, saa'in nachiki nukua'ipajatükaa otta müsüja'a kasalajanainjatüin tü e'raakaa wayumüin sümaa ajulajaa wayuu.
3. Nnojotsü eeninatüin wanee pütchi anasüin suchuntiajatüin wayuu, shiantüja'anee'etü susakiakaa wayuu tooloyuu, sümaa jiejyuu, ayateerajasa tü asakiaakaa mülo'usüin namüin na pütchimaajanakana sulu'u mmakaa supushu'a.
4. Nnojölüinjatü kajutuain atumaa tü suchuntiaakaa kapülainsüirua makatka tü

reikalūirua jee müsūja'a tü süchonyuukoo.

Aküjiaa 22. Tü süküjiakaa ajutuuirua sümaayalee tü eeninatūkaa atuman sulu'u tü laūlaasūkaa pütchi jee müsūja'a sulu'u karalo'uta akuyamajuushi wattapūnaa süchiki najutumaajatü wayuu, nnojotsü majutūjiraain süchiki sükaje sukua'ipamaain shia wayuu, atairu nnojolūin ashajuushin. Müleka nnojolui tü pütchi anaatakaa sukua'ipa tü sujutukalūirua wayuu, ainnajatia nee'e waneepia.

Aküjiaa 23. Tü eishajaaushikaa, ooniraanakaa ekiira, sukua'ipamaajatü tü najutumaajatūkaa wayuu, sünüikimaajatü wenesueela, wanaawasü sümaa tü pütchi mülo'usūkaa jee müsūja'a katchin shia sulu'u mmakaa süpūshūa, müleka eere shia süpūla anainjatūin wayuu sūnainjee wanaa sümaa türa pütchi laūlaasūkaa jee tü pütchi sunaatiakaa akua'ipaa sulu'u mmakaa, jee musia shia kojutumatūinjatü sulu'ujee tüü anajūleekaa akua'ipaa jee musajaa sulu'ujee laūlaapiakaa süpūshua'a.

Eishajawaakaa tüūirua shia akūjūinjatūkaa süchiki tü laūlaayuukoo sulu'u mmaka, soo'u wanee ka'i cho'ujaakalo'u, nayapa e'itaain maimashii na'akajee na wayuu laūlaayuu ajutkajaakana süpūla akumajaa pütchi anaatiaajatü akua'ipa

Aküjiaa 24. Nnojotsü een wanee pütchi anaatiaakua'ipa suuyantūinjatūkaa atuma, jalu'usa'a jo'uuchonle ma'in tü aainjalaakaa. Tü su'uniakaa pütchi anaatia akua'ipa e'itaanajatü sūnainje'eree een shia, atairū wana'aleein sümaa; akataa sūinain tü kaainjalawo'ukoo ayaawajūneesü tü aainjalaa e'raajuushikai, muika anale shia nūmūin chi kaainjaraikai sükajee pütchi anaatia akua'ipa eekalū wanaa sümaa.

Atakaja'a nee'e, mayaawatuulee sūnatia sukua'ipa, achajaaneesü wanee sukua'ipa anainjachikaa anainjee chi kaainjalashikai.

Aküjiaa 25. Supushua'a tü ainnakaa sulu'ujee tü laūlaapiakaa amoujain sukua'ipa tü ajutuu eeipakaa sutuma tü laūlaasūkaa pütchi otta anaajutkaa akua'ipaa, majutsalū jee mūshiija'a naa a'yataashiikana laūlaapialu'u aluwatawaakana müleka nasirūi sukua'ipa, kasalajanasū namūin ti'a, ataina naluwataalain eekai laūlaayuuin noulia.

Aküjjiaa 26. Kajutshii wayuu napushua'a sulu'upünaa tü süpülanakaa wanee anasütatalain anaatülee ajutuu sümaa akua'ipaa süpüla yaletüinjatüin najutuirua jee tü ke'ireekaa naa'in, tü simüinjatükaa wayuu supushua'a matüjaajuin oo'u, eekai tü ka'laülajanein atumaa eematüinjatü atijaanüin oo'u tü anakaa sümüin.

Tü sü'laüle'eriakaa mma jülüjüinjatü saa'in süpüla eenjatüin wanee kajutaa anaamaalu'u jayoulin, mapüleein, anasüin, pansaasüin, laülaasüin, anakua'ipalüin, akumajakaa sukua'ipa pansaalu'u, nnojolüin waneejatükuümüin akua'ipa, alaayaa'in sünain maimayaa'in atuumajana sukua'ipa kasa.

Aküjjiaa 27. Kajutshii napushu'a wayuu sutuma tü anaatüleekaa akua'ipa sünain kaalianjanain süpüla anaa jee müsüja'a eewaa sulu'u kajutaa sümaa tü eekala atuman sulu'u tü mülo'usükaa pütchi, sümaayalee sukua'ipamaajatüin wayuu nnojolüin ashajuushin sulu'u tü laülaasükaa pütchi.

Takaja'a shia, tü sukua'ipeekaa atumaa pütcheekasü, oo'upalaaajeesü, jayo'ujeesü, matseesü süma'a jee müshija'a chi anaatuikai kajapul'ukalin eeshi süpüla nakumajaamaatüin sukua'ipa tü e'raakaa wayümüin jee tüü meematüin saa'in.

Weinshinjatü jutatüin jee müsia tü anaatüleekaa akua'ipa kapülainjatü sutuma so'opünaa eekai een nee'e.

Eekaja'a saa'inmaanüin tü taashaakaa süma kajutaa namüin wayuu, eere chi wayuu ataünushikai sajpülüjeeshi tüü laülaapiakaa anaatüleekaa akua'ipaa suulia eekuumüin nukua'ipa jee shia aa'innüneesü natuma wanee wayuu e'itaanüin sünain.

Sukua'ipa kajutakaa tüü, nnojotsü sümaayajatüin wanee kasa nnojolein atuman, atairü jamatatawalain sukua'ipa jee müsüja'a nnojoluin een atumaa kajutaa sanainjeejatü pütchi mülo'usukaa.

Aküjjiaa 28. Wayuu supushua'a kajutshii süpüla natijaainjatüin soo'u kasa alatüin, suchiki kasa nanüliamaajatüin jee süchiki kasa een nama'ana, karalo'utalu'ujeesü sutuma laülaapia jee müsüja'a naatajatüin e'raajünüin,

sümaayale'eya natijaainjatüin soo'u tü aainnakaa süka jee kasapülainjatüin shia, jee müsüja'a sünain achuntaa sümüin tü anaatüleekaa akua'ipa kajapulu'ukaa tü sukua'ipa jeketkaa, tü sünaatio'ukaa otta tü suwasajaayakaa, müleka mojusulein otta mojule sukua'ipa ajutuu sutuma. Eeshii süpüla ya'asa ne'raajüin karalo'uta kalu'ukaa kasa anain nümüin wayuu jee wayuu napüshua'a. Kakatalu'usu sukua'ipa tü suujunnuin akua'ipa tü ashajuushikaa sulu'u karalo'uta jee müsia sukua'ipa wanee a'yatawaa ya'asa.

Aküjiaa 29. Tü sü'laüle'eriakaa mmakaa sulu'u wenesueela shiainjatü waneepia asakirakaa süchiirua jee müsüja'a shi'itaainjatüin kasalajanain atuma tü ainjalakalüirua sümüin tü najutumaaajatükaa wayuu, nasitkaa akua'ipa na laülaashiikana.

Tü aainjalaa süliaajatükaa wayuu süpa'a mma, mojutkaa anainjee wayuu, sümaa tü asiruukoo su'utpunaa atkawaa mülo'u matijainsalü ajattaa. Tü e'raakaa sümüin najutumajatü wayuu jee tüü aainjalakaa süliaajatüin wayuu asakinnajatü achirua jee kasalajanainjatüin shia sütüma anaatüleekaa akua'ipa kaainjalaajee. Tü aainjalaakaa amünakaa anoipa'asü sukua'ipa suulia masalajanaa, sümaayaleeja'a tü ajütaakaa achikii jee müsüja'a eekai tü kanülin achiiruajana.

Aküjiaa 30. Tü sü'laüle'eriakaa mmakaa eeninatü süpüla walaainjatüin sutuma tü ainnjalaakalüirua süpüshua'a, sünainjeejatüin e'raa wayumüin sümüin najutumaaajatü wayuu nasirüin akua'ipa, eereinatuja'a tü amülialo'uwaa sümaayalee eekai ajuituin sünainjee.

Tü sü'laüle'eriaka süchajaainjatü akua'ipa sükajee pütchi anaatiaa süpüla eeninatü anakaa sümüin süla'ajaaya jee suwalaajia münakalü sulu'u tü aküjiakaa.

Aküjiaa 31. Napüshua'a wayuu kajuatshii, ssükajee tü pütchi akumajaasükaa sulu'ujee yootoo mülo'usu suchukuamaajatü najutu wayuu, sümaa sünüiki-maaajatüin shia mmakaa wenesueela. Eeshii süpüla nachuntuin otta naashajüle süchiki sulu'upünaa laülaapia wattajatü süpülajanainya ti'a, shii'ireeyaaja'a nachuntuin saa'inmajünüin najutumaaajatü wayuu.

Tü sü'laüle'eriakaa mmakaa sulu'u wenesueela eesü süpüla süchajaain

sukua'ipa anakaa sümüin sükajee tü pütchi laülaasükaa jee müsüja'a pütchi anaatiaakua'ipaa, tü cho'ujaakaa sümüin süpüla anainjatüin sukua'ipa tü achekünakaa sujuitüin sulu'ujee tü laülaapiakaa wattapünaajatükaa aküjünakaa achiki yayaa.

Piama shi'ipa
Sukua'ipa ouumainwaa jee Wayuuwaa

Palajatükaa: Sukua'ipa ouumainwaa

Aküjiaa 32. Wenesueelaje'ewalii sünainjee jo'uuin:

1. Na jo'uushiikana sulu'u suumain wenesueela.
2. Na jemeishiikana sulu'u mma watta, sünain yajeewaliin jo'uuin nashi jee nei.
3. Na jo'uushiikana sulu'u wanee mma watta, nachon wayuu jo'ushii sulu'u vc wenesueela, sünain naküjainjatü süka naa'in nachekalain tü wenesueelaje'ewalaakaa. jee müsüja'a kepiainjanain naya sulu'u wenesueela.
4. Na jo'uushiikana sulu'u wanee mma watta, nachon wayuu wenesueelajeewalii saka nain, kepiainjanain sulu'u wenesueela süpülapünaa nekettaajüin po'loo mekisalümüin juya, jee süpülapünaa nekettajüin piama shikii jaralimüin juya, naküjainjatü süka naa'in nachekalain tü wenesueelaje'ewalaakaa.

Aküjiaa 33. Wenesueelaje'ewalii sükaje nachekalain:

1. Na wattaje'ewaliikana aapünakaa amüin karalo'uta süpüla makataa. Süpüla tüü acheküshii kepiain sulu'u wenesueela majuituinyuule maka po'loo juya, süpülapünaa nachuntuin yaajeein naya yaa.
2. Tü aka'liaakaa sünain kepia eesü nee'e süpüla ja'ralin juya müleka nayale na jemeishiikana espaaña, pottukaalü, Itaalía, mma mülo'uyuu sa'ato'upünaakaa wenesueela jee müsüja'a türa mmairua kariiwajatükaaa.
3. Na wattaje'ewaliin otta wattaje'ewalüirua kawayuusein wenesueelaje'ewalii, müleka nachekalai sukua'ipa sülatapa maka ja'rai juya süchikejee sükettaajüin tü kawayuuseekaa.

4. Na wattaje'ewaliikana tepichikana wanaa sümaa naapain na nashikana sulu'uwaa wenesueela, sünain nachekalainjatüin süka naa'in nemiwa'a wenesueelaje'ewala nnojoluiwa'a nekettaajuin piama shikii waneeshimüin juya jee müsüja'a kepiainjanain naya sulu'u wenesueela, majuitüinyuule maka ja'rai juya süpülapüna nachuntüin shia.

Aküjiaa 34. Tü wenesueelaje'ewalaakaa nnojotsü amülo'ulin muleka saapaa-nülee sulu'uwaa wanee mmaya'asa.

Aküjiaa 35. Na wenesueelaje'ewaliikana sünainjee jemeishiin nnojolüinjatüin asütünüin nouulia nanüliamaain mmakaa. Tü koumainwaakaa sulu'u wenesueela sükajee achekalain shia'la aakalaka tü laülaapiakaa sükajee tü pütchi anaatiakaa akua'ipa.

Aküjiaa 36. Eesü süpüla su'ulaanüin tü wenesueelaje'ewalaakaa. Eekai o'ulaain yaaje'ewalaa wenesueela sünainjee jo'uuwaa eesü süpüla nüle'ejirüin, muleka kepiataaralen sulu'u suumain wenesueela süpülapünaa maka piama juya nachuntalain süka naa'in nemiwa'a. Na wenesueelaje'ewaliikana sünainjee nacheakalain, muleka no'ulaale tü yaaje'ewalaakaa yaa eesü süpüla nale'ejiruin suchukua'a, sünain a'yatüinjatüin natuma tü achuntunakaa sulu'u tü aküjiaakaa 33, sulujutkaa tü pütchi laülaasükaa.

Aküjiaa 37. Tü sülaüle'eriakaa mmakaa sulu'u wenesueela shiainjatü akumajaka sukua'ipa tü aashajaaushikaa wattapünaajatü suchukua koumainwaa, sulu'pünaa tü mmakalüirua sü'ütpünaakaa wenesueela jee müsüja'a mmairua mülo'uyuu aküjünakaa achiki süka 2) sulu'u Aküjiaakaa 33 sulu'ukoo tü pütchi laülaasükaa.

Aküjiaa 38. Tü anaatiakaa akua'ipa shiainjatü aküjaka, sükajee tü pütchi aküjünüipakaa, tü anakaa sumüin sünainpünaainjatüin aapawaa, aneekajaa, o'ulawaa jee ale'ejiraa tü wenesueelaje'ewalaakaa, jee müsüja'a tü saakaje'eriakaa.

Suchikijeejatü: Sukua'ipainjatü wayuuwaakaa.

Aküjiaa 39. Na wenesueelaje'ewaliikana, tooloyuu sumaa jieyuu, nnojolüin

ka'laülajanain jee müsü ja'a na nnojoliikana maa'inraain atumaa, ayatüinjatia wayuuwaa natuma, sükajee ti'a kajutshii, natijo'ulu najutu sümaa tü naa'inrajatükaa sükajee tü süküjakaa achiki tü laülaasü pütchi.

Aküjiaa 40. Tü ajutuukoo süpüla aa'inraa kasa mülo'usüin namüinjatü nee'e na wenesueelaje'ewaliikana, tooloyuu sümaa jiejyuu, shiaja'a nee'e nnojotka eein tü akataluushikaa akua'ipa sulu'u tü laülaasukaa pütchi..

Wanaawasü najutu na Wenesueelaje'ewaliikana sünainjee jo'uuin tooloyuu sümaa jiejyuu namaa na antushiikana wenesueelamüin süpülapünaa akaratshi juya, jee müsia kepiashiin naya sulu'u mmakaa yayaa sünainmüinree laülaain naa'in.

Aküjiaa 41. Namüiwa'a na jemeishiikana sulu'u wenesueela sünain nnojoluinjatüin sünülia wanee mmaya nama'ana, nayainjana eekaa süpüla laülaain shikiipu'uin mmakaa, nutu'ujeejachin chi shikiipu'ukai mmakaa tooloyuu jee jiejyuu, shikiipu'u tü ajutkawawaa mülo'usukoo nümaayalee chi natu'ujeejachin, tooloyuu sümaa jiejyuu na sü'laülakanairua tü anaatüleekaa akua'ipaa laülaasükaa, shikiipu'u tü ajutkawawakaa yaajatü yaa süpüla aneekajaa jee ajutaa, tooloyuu sümaa jiejyuu, laülaashikai shikiipu'uin aa'inmajaa tü eekaa sulu'u mmakaa yayaa, tooloyuu sümaa jiejyuu, na laülaashiikana sünain e'rajaa soo'u tü anaaatiakaa akua'ipaa, na akaliajülüikana wayuu, tooloyuu sümaa jiejyuu, na ni'ipejeejanakana chi laülaashikai shikiipu'uin mmakaa, tooloyuu sümaa jiejyuu süpü'üjanain tü saa'inmajiakaa sukua'ipa mmakaa wenesueela, süpü'üjanain sukua'ipa nneerü, su'ulia sa'anasio'u ipa, atijaapala, shikiipu'u tü shi'ipakalüirua mmakaa tooloyuu jee jiejyuu nama'alee na laülaashikana sulu'u tü sümotsolooyokoo mmakaa pejeejiraapünain sümaa mma naaatajatü jee müsüja'a shi'itaakalü akua'ipa tü sütchinkaa saashiain mmakaa yaajatü yaa.

Süpüla ni'yataainjachin wanee wayuu sünain shikiipu'uwaa pütchi sulu'u tü ajutkawawaa mülo'usukoo yaajatü yaa, ni'ipejeejanaa chi laülaashikai shikiipu'uin mmakaa, sü'laülashiin shi'ipakalüirua mmakaa jee tü shikiipu'uwaa mmachein motsoyuuin, na wenesueelaje'ewaliikana süka nachekalain, tooloyuu sümaa jiejyuu achekushii kepiain sulu'u mmakaa wenesueela majuituinyuule makaa po'loo ja'ralimüin juya jee müsüja'a kajutuinjatüin natyuma tü achuntunakaa namüin.

Aküjiaa 42. Eekai amüloulin atuman jee müsüja'a eekai oo'ulain tü koumainwaakaa amülouisu wayuuwaakaa sünainjee. tü eewakaa sünain wayuuwaa otta najutkalü wayuu sünain aa'inraa maima kasa aakatünajatü nee'e sutuma tü anaatüleekaa akua'ipaa sükajee pütchi mülo'usü.

Apünüin shi'ipa
Sujutumaajatü wayuu süpüshua'a

Aküjiaa 43. Kajutsu ma'in tü kataakalü o'u, nnojotsü ennajatü amünii. Nnojotsu een wanee pütchi laülaain aluwataainjatükaa soo'u tü o'utaakaa wayuu aa'in. Tü sü'laüle'eriakaa mmakaa shia jülüjaainjatükaa aa'in sukua'ipa wayuu nnojoluin taashin, eekai yalashiin surulaalüin, eekai a'yataashin sümaa laülaayuu.

Aküjiaa 44. Kajutsu tü taashaakaa nümüin wayuu, nnojotsu alatapünaanüin oo'u, jee sünainjee tüü:

1. Nnojotsu een süpüla nüta'unnüin wanee wayuu, jalu'usa eere pütchi natumajatü laülaayuu, jee müsüja'a nüntünaleere oo'u sümaa naainjala, müsia sülatüle tüü alü'üjünamaatshi nüma'anamüin wanee laülaashi anaatüi kasachiki, nnojotsu alatajatüin apünüin ka'i nüta'unnaiwa'aya. Anaatüneesü nukua'ipa sümaa taashaa, jalu'usa naainjalaajuchiren nia, niaja'a anaatajachika chi laülaa süpülayakai anaataa sukua'ipa kasachiki. Tü pütchi kajapulu'ukolon e'itaaushikaa sutuma tü anaatiakaa akua'ipa süpüla saapüin taashaa nümüin chi suttüshikai, mawalaajianjatü eere shia.
2. Wayuu supushua'a eekai ata'ünnüin, eeshii süpüla naashajaamaatüin sümaa napüshi, namaa wayuu putche'e jee müsüja'a eekai ne'raajüin, akaaja'a joolu'u naairua aküjüneesü namüin nukua'ipa eekai ata'ünnüin, eere nia atijaanajachi oo'u kaso'ujeejachin nia jee müsia shia ashajünajatü sulu'u karalo'uta nüchiki, jamüin nütapa'a, jamüin naa'in chi suttüshikai, nüküjalainjatü nimiiwa'a tü alatakaa nümüin, eeshi süpüla kaaliain napüla atijashii. Chi laülaashikai anaataakai sukua'ipa kasachiki ashajuushisü nutuma sulu'u wanee karalo'uta mülo'u, suchukua tü wayuu ata'ünnüin, eejatülen otta kaso'ulajatülen jee müshija'a naa ata'utshiikana wayuu.

Müsia nakua'ipa nayale ata'ünnüin na wattaje'ewaliikana, aapinneesü nayaalu'u laülaayuuin sulu'u tü shipiakaa yaajatükaa yaa, ayatüinjatü sukua'ipa tü aashajaaushikaa suchukua tü cha'ya wattapünaa mma.

3. Tü süsalajanakaa wanee kasa nnojotsü alatajatüin nuulia chi kaainjalashikai. Nnojoishi eenchi wanee wayuu süsalainchi kasa mülo'u waneepialein noo'u. Müleka süttajachire wanee wayuu sükajee naainjala nnojolüijatü alatüin süchiki apünüin shikii juya tü süttaakaa.
4. Napushua'a na e'itaanakana sutuma laülaayuu süpüla ataüliraa wayuu, acheküshii naküjainjatü nanülia.
5. Nnojotsü eenjatüin wanee wayuu ayatüin süttüin süchikejee najütünüin achiki sutuma laülaayuu, shiaawatünapa kettaain suwalaajia naainjala.

Aküjiaa 45. Nnojotsü süpüla saa'inrajatüin tü laülaayuukoo sünain aluwatawaa, tairü wayuuin nee'e, shikiipu'uin surulaalü, atairü so'opünaajatüin wanee ashopajawaa, su'utpünaajatüi saakatünüin tü kajutkaa anainjee wayuu, naapirüin shikii machiküin wayuu atumaa. Chi aluwataanakai sünain süpüla naa'inrajatüin cheshi nnojolin noonoin sümaa jee müsüja'a nüküjainjatü süchiki tü aluwataakaa nia laülaapialu'umuin. Na kekiishiikana süpüla tü machikaakaa atuma wayuu, na aluwataakana sünain, tooloyuu jee jieyuu, na oonirakana shikiira, na ounjulakana suchiki, namaayale'eya na apashiin sünain, kasalajanainjatü süpüshua'a sukajee tü sünaatiakaa akua'ipaa.

Aküjiaa 46. Wayuu napushua'a kajutuinjatüin namüin natapa'a, nakua'ipa sümaa naa'in jee sünainjee tüü:

1. Nnojotsü eenjatüin wayuu müliaajüin atumaa, ajulajünüin, ayaajünüin, nnojolüin saa'inru'uin sukua'ipa atumaa, nnojolüin ko'ujain aa'inn. Wayuu napushua'a eekai ajulajuushin, ayajuushin, wattain saali namüliala, sukajee tü saa'inrakaa aluwataaushi yayaa, kajushi wayuu süpüla anainjatüin naa'in süchikejee, kaalianjachi süpüla naawalaain.
2. Wayuu nüpüshua'a eekai ata'ünnüin kajutuinjana atumaa sükajee wayuuin naya.
3. Nnojotsü eenjatüin wanee wayuu apüleeruain sukua'ipa sünain nnojoluin sücheküin, tü e'raajaanakuu maakaa sutuma tottooluyuu, jalu'ujasa müleka mayeinre ma'in, shinnüle outeematüin jee müsia sukajeejatüi sünüki laülaayuu.

4. Napushua'a na a'yataashiikana laülaapialu'u, sükajee tü na'yataainkaa, noulaküle e'raa wayuumüin, ajulajaa wayuu, otta natütüjüle soo'omüin wayuu, ne'rajüle sukua shi'ipamüinjatü wayuu, kasalajanasü ti'a sutuma pütchi mülo'u anaajülü akua'ipaa.

Aküjiaa 47. Tü miichipa'akaa jee tü miichi jimatakaa alu'u wayuu, nnojotsu kasama'injatüin. Nnojotsü ekerooonajatüin alu'u natuma naatajana, jalu'usa'a sükajeejatüle wanee karalo'uta suluwataala laülaayuu, suulia eejüin wanee aainjalaa mojusu otta müsüja'a ayatüinjatüin atumaa sükajee sümajala laülaayuu sulu'ujee tü anaatüleekaa akua'ipa sünain ayatüinjatüinya kajutuun nukua'ipa wayuu.

Eere wanee waraittaa shiaalujutuun anaa, kepii atuma wanee kasa, aapinneeshi na wayuu kepiashiikana natuma laülaayuu aluwataashii süpüla saainjünajatüin.

Aküjiaa 48. Eeinjatü atumaa kajutuun tü suunjuliakaa sümää nnojoluinjatüin kasama'ain tü aashajaayakalüirua süpüshua'a. Nnojotsu e'raajaanajatüin, aapünaajatüin, o'ukunuinjatüin apüla. jalu'ujasa'a sukajeejatüle karalo'uta laülaapialu'ujeejatü sukajee pütchi anaajülü akua'ipa, sünain ayatüinjatüinja'a suunjunnnüin achiki tü nnojotkaa sünainpünaajatüin

Aküjiaa 49. Anainjatüle sukua'ipa tü a'yatawaakaa sünain anaataa akua'ipaa, meesü tü ajuitakaa sünainjee yaa:

1. Tü kanüleekaa sümää kaainjalaa jee müsüja'a tü kaaliakaa süpüla anaatünaa akua'ipa wanee kajutaa mülo'u ti'a atairü jamüin sukua'ipa eepünaalae shia. Wayuu napüshua'a kajutshii süpüla süküjünüin namüin tü e'itaanakaa noo'u naainjalain asakinnüin anain paala, kasain ko'ujeejatüin süsakinnüin achiirua natüjaajee oo'ulu jee müsia sa'atapajünuinjatüin nüchajaain sukua'ipa tü anakaa namüin, nachajaainjatüin akaaliajüinjanakaa naya. Majuteerü tü münakaa aliajataa müleka nnojolui pansaain sukua'ipa. Wayuu süpüshua'a eekai e'itaanüin oo'u aainjalaa mojusu kajuatshi süpüla kanülinjachin shi'ipamüin, sünain sükatannüinjatüinja'a tü nnojotkaa sulu'u tü laülaasükaa pütchi jee tü anaatiaakaa akua'ipaa.
2. Wayuu napüshua'a e'itaanüshii maainjalain kasa mojusu, waneereja'a

natüjaanaleepa oo'u kaainjalashiin

3. Wayuu napüshua'a kajutshii süpüla saapünajatüin nanüiki eepünaale naya, sümaa na'atapajününjanain süka anakaralu'u sükajee tü anaatiakaa akua'ipaa, sulu'upünaa wanee anaatülee akua'ipaa, kakatalu'uin sümaa laülaain saa'in e'itaanüin paala. Eekai matüjain aashajawaa alijunaiki otta salema'in nüchiki aashajawaa, eeshi süpüla ni'taanüin wanee nünükipu'u.
4. Wayuu napüshua'a kajutshii süpüla anatünaa akua'ipa natuma na laülaashikana pejepünaa nanain, sümaa eenjatüin atumaa najutuu ashajuushikaa anülia sulu'u tü laülaasükaa pütchi jee tü pütchi anaatiakaa akua'ipaa. Nnojotsü eenjatü wayuu apüleeruain aa'in sutuma laülaayuu sünain nnojoluin natijaain soo'u jaralüin kaluwataalain yaa, nnojölünjatü jamajüin nukua'ipa sutuma tü anaajüleekaa akua'ipaa sümaayalee eekai e'itaanüin süpüla ti'a.
5. Nnojotsü eenjatüin wanee wayuu apüleeruain sünain aküjaa naainjala, sümaa aküjirawaa noo'omüin, soo'omüin nuwayuuse, soo'omüin suwayuusee jee müsüja'a süpüshi pejepünaain sünain jee shi'raajüinren. Tü aküjaakaa sukua'pa wanee kasa kajutsu müleka sükajatule saa'inn.
6. Nnojotsü eenjatüin wanee wayuu süsalajanain wanee kasa alatüin jee müsia eekai onjunnüin achiki sünain nnojoluin shia aainjalaaain mojusu, majutaa atuma tü pütchi anaatiaakaa akua'ipaa.
7. Nnojotsü eenjatüin wanee wayuu apüleeruain aa'in sutuma laülaayuu sünain wanee kasachiki sünain keetaajüipain nukua'ipa paala atumaa.
8. Wayuu napüshua'alee eeshii süpüla nachuntuin sümüin tü laülaapiakaa sünaatünajatüin wanee akua'ipa ennüin amüin sükajee nnojoluin pansaain sukua' ipa, eekai kama'ajüin atumaa jee müsüja'a eekai onjunnüin achiki. Nnojotsü e'itaanüin yayaa wanee ajutuu süpüla nayainjanain e'itaanüin kasirüin sukua'ipa na laülaaayuushiikana anaajulii akua'ipaa sulu'u mmakaa.

Aküjiaa 50. Wayuu napüshua'a eeshii süpüla waraitüin süka naa'in nemiiwa'a sulu'u tü e'ejetüü anakaa süpüla waraitaa süpa'apünaa mmakaa yaajatü yaa, nawanaajeerü nepiapala jee nejepüshe, no'uneere sulu'umüin wanee mma'ayasa jee nouyanteere nachukua'aya, nantireere kasa nama'anain otta nayu'leere shia yaajee yaa, shiaja'a nee'e jülüjünjatükaa naa'in tü sümakaa laülaayuu sükajee pütchi anaajülü akua'ipa. Müleka eere wanee wopu aapünüin süpüla shi'yatennüin, acheküsü eenjatüin wanee wopu sa'ato'upünaa. Na

wenesueelaje'ewaliikana tooloyuu sümaa jiejyuu eeshii süpüla nekerolo namüin sulu'umüin tü noumainkaa, nnojotsu cho'ujaain pütchi laülaa nantajatükaa aka.

Nnjotsü eenjatüin wanee saawain tü aluwatawaakaa sulu'u mmakaa tüü, süpüla naponojunüin na wayuukana yaaje'ewaliikana yaa.

Aküjiaa 51. Wayuu napushua'a kajutshii süpüla shikiipu'uin jee laülaashiiren süpüla wanee achuntaa namüin laülaayuu jee namüin na a'yataaliikana laülaapialu'u sünain tü a'yatawaa naa'inrakaa jee tü naluwataakaa anain jee müsia eemateein sünülia namüin wayuu pütchi süchiki tü nachuntakaa. Na laülayuukana jee na a'yataaliikana laülapialu'u nnojolüi pansaain sukua'ipa tü natuma, eesü süpüla kasalajanain namüin jee müsüja'a eeshii süpüla naakajennüin suulia na'yataain.

Aküjiaa 52. Wayuu napüshua'a kajutshii süpüla paa'inwain sünain a'yatawaa anasüin sukua'ipa, sükajee sünüiki laülaayuu. Tü sü'laüle'eriakaa mmakaa sunaatajatü akua'ipa tü kajutaakaa sulu'ujee tüü.

Aküjiaa 53. Wayuu napüshua'a kajutshii süpüla nakotchirain sünain yootaa süchiki akua'ipa anasüin ma'apüloule, eesü süpüla oupalaain natuman otta namüiwa'ale naya. Tü jutkataakaa e'itaanakaa eere jouluin wayuu sükajeesü pütchi laülaapialu'ujeejatü.

Aküjiaa 54. Nnojolüinjatü een wayuu piunain jee achepüchiaain. Tü Tü a'yatawaakaa sünain emeejaa wayuu, makatka wayuu jierü, tepichi toolo, tepichi jierü, jimo'onnuu, jima'alii, mayunnuchein, wayuu napushua'a kasalajanainjatü sükajee pütchi laülaa sunaatiakaa akua'ipaa.

Aküjiaa 55. Wayuu napushua'a kajutshii süpüla naa'inmajününjanain sutuma tü sü'laüle'eriakaa mmakaa yayaa, sukaje tü saa'inmajiakaa sukua'ipa e'itaaushikaa süpüla sutuma tü anaatiakaa akua'ipaa, shi'ipamüin eekai alatüin nnojolüin anain sümüin wayuu, suulia jamajüin sukua'ipa wayuu, tü süma'anakaa wayuu, Tü kajutaalu'ukoo sümüin wayuu jee ayatüinjatüin tü aa'innajatükaa.

Tü eewaakaa natuma wayuu sünain a'yatawaa shiaalu'u wanee eewaa aa'in, anaa sümüin wayuu jee müsia eewaa aa'in kasachiko'ulu, sukajeeinjatü pütchi

sünaatiakaa akua'ipa.

Tü shikiipu'ukolüirua aa'inmajaa sukua'ipa kasachiki yaajatü yaa, kajutuinjatü natuma tü wayuuwaakaa jee tü nujutumaajatükaa kasa alin sümüin wayuu, tü ka'apülaakaa jee alü'üjaa kasa aain sümüin wayuu natuma na süpü'üyakana aa'inmajaa sukua'ipa wayuu eereeinjatü cho'ujaaje ma'in, anale sukua'ipa sükajee tü pütchi laülaa anaajülü akua'ipaa.

Aküjjaa 56. Wayuu napüshua'a kajutshii süpüla kanüliayayaa müin nemiwa'a, nalü'üjain nipeyiishi nüshi sümaa shipeyiishi nei jee müsüja'a e'raajaa jaraliin yaan. Eeinjatü sutuma laülaayuu sujutu tüü waneepia, asakinnajatü achiirua sukua'ipa eiwaa sümaa ashiiwaa.

Wayuu napüshua'a kajutshii süpüla nashajünüin anülia jayashiiru'u sulu'u tüü süshajüleekaa tepichi süchikejee jo'uuwaa jee yalejee yala kakaralo'utashiinjana aküjüin jatükaa achiki nanülia sümaa nakua'ipa, pansaain sükajee pütchi anaatülü akua'ipaa. Karalo'utakaa tüü nnojotsü sükajaleein sukua'ipa süpüshua'a jaralin ma'in yaan.

Aküjjaa 57. Wayuu napushua'a kajutshii süpüla naküjain tü jülüjaka naa'in, tü nachunteekaa atairü mülo'uin saashajaaya, shishajuushire otta sulu'upünaale tü waneerua awalakalaakaa atuma pütchi, sünain nnojolüinjanain naya süsalan. Eekai e'itaain kajutaakaa soo'u tü naashajaakaa, nnojotsü achekünüin ounjulaa achikii, aküjakuumaa süchiki atkawaa jee müsüjaa pütchi alerajüin wayuu, amoujain shikii wayu. Nnojotsü aküjünajatüin, walakaitüin pütchi kalu'uin kasa mojusu, amoujain nakua'ipa wayuu, nnojoluin acheküin anoujalaa, sumaaya eekai akamüshe'ejüin tepichi.

Na a'yataashiikana laülaapialu'u natüjaainjatüin soo'u tü na'yataakalü amaa. Nnojotsü achekünuin süsalainjanain tü natijaakalo'u.

Aküjjaa 58. Süpüla tü yootookoo jutatsü mmakaa, eesü napüla wayuu napüshua'a. Sukajee pütchi la'ila anaatiaa akua'ipaa, süma natijaain soo'u wayuu tü aa'innajatükaa jee ajutuukoo anaalu'umaa, eeshi süpüla natijaainjatüin soo'u kasa

alatüin, pansaain sukua'ipa, shiimüin süküjia, müinka sutuma t'aküjünakaa sulu'u tü laülaasükaa pütchi. Akaja'a chi kanüikeein shi'ipamüin nüliajatüin, chi asakireein nuchukua'a eesü süpüla, nünaatireere wanee pütchi nüliamaajatüin wanee wayuu eesü süpüla jee nnojotlee pansaain süküjia. Na tepichikana tooloyuu namaa jiejyuu, jimo'onnuu, majayunnüü eeshii süpüla natijaainjanain soo'u kasa süpüshua'a shi'ipa'aya mülo'uin naya.

Aküjiaa 59. Eeinjatü sutuma tü sü'laüle'eriakaa mmakaa, sujutu waneepia tü anoujaakaa soo'u kasa süpüshua'a. Wayuu süpüshua'a eeshii süpüla nanoujain eekai nacheküin naa'in eepünaale nee'ein, süka anakaralu'u sümaa shikirijia, shiaja'a nee'e nnojolüinjatüin mojulu'uluin tü ajutkajaaleekaa süpüla anoujaa, tü shipiakaa atumaa kajutuinjatüin, shiaja'a nee'e nnojotkaa aa'innajatüin tü shiy'utakaa tü anaatiakaa akua'ipa sükajee laülaasükaa pütchi. Nayainjana nashi sümaa nei wayuu e'itaakaa sukua'ipa atüjawaa soo'u tü anoujunakaa anain namüin nachonyuu tooloyuu sümaa jiejyuu.

Nnojoishi eeinchin wanee wayuu akumajakai sukua'ipa wanee anoujalaa naatajatü, nnojolüinjatükaa atuma kajutuin tü sunaatiakaa akua'ipaa sükajeekaa tü pütchi mülo'usukoo.

Aküjiaa 60. Wayuu napüshua'a kajutshii süpüla saa'inmajünüinjatüin nanülia, nakua'ipa nemiiwa'a, ne'raajia mma, nayoluju sümaa naa'in jee nachukua.

Tü pütchi sünaatia akua'ipaa nnojoleerü süshajirüin anüliaa sulu'upünaa tü ja'yainjatükaa atuman süpüla kajutuin waneepia wayuu, naa'in nemiiwa'a jee napüshuurua wayuu toolo jee jiejyuu. Eesü sutuma sü'laüle'eria mmakaa nujutumaajatü wayuu sümaa niaalujutu wayuu, ni'yataainjutu wayuu, jee supushua'ale kasa eekai nnojoluin sükana'aleein suulia süchekalakaa wayuu jee nujutu wayuu, sümaayalee tü eein nüma'ana wayuu.

Aküjiaa 61. Wayuu napüshua'a kajutshii süpüla jülüjain naa'in tü nekiiru'ujeekaa jee müsüja'a naküjüle shia, jalu'ujasa wanee kasa mojulu'ulun tü nekiiru'uko jee no'ulaküle wanee kasa mojusu süka. Mojusu tüü sümünüle, nnojotsu achuntaanajatüin süpüla nnojolüin saa'innüin tü sümakaa laülaayuu jee müsüja'a nnojolui saa'innüin kasakaa süpüshua'a kajutuinjatükaa anainjee wayuu.

Pienchi shi'ipa
Süchikimaajatükaa tü aa'inraakaa
jee tü asakiraakaa wayuu

Palajatükaa: süchiki tü aa'innajatükaa

Aküjiaa 62. Süpüshua'alee wayuu tooloyuu sümaa jieyuu kajutshii süpüla eenjanain süka naa'in sünain tü a'yatawaakaa shiaalujutuin wayuu, sükajee nakua'ipa nemiiwa'a otta nakajeere na wayuu e'itaakana süpüla shikiipu'uin pütchi.

Tü eewaakaa natuma wayuu sünain akumajaa akua'ipa. a'yate'eraa jee aa'inmajaa sukua'ipa tü shiaalujutukaa wayuu shia cho'ujaakaa ma'in süpüla eenjanain shikiisüin nakua'ipa eenjatükaa anainjee tü wayuuwaakaa. Saa'inrajatü tü su'laüle'eriakaa mmakaa jee wayuu napushuwa'ale'eya jülüjaa'injatü naa'in süpüla anainjatüin shia süpülamüin nachonyuu.

Aküjiaa 63. Tü ajutaakaa sümaa aneekajaa wanee kajutaa mülo'u ti'a. Sükajeesü naa'in wayuu nemiiwa'a jee nnojoluin ja'yain shia. Tü pütchi anaajutkaa akua'ipaa shian tü eeka atuma najutu wayuu nemiiwa'awai jee müsia tü aneekajaakaa na shikiipu'ujanain pütchi.

Aküjiaa 64. Na ajutuinjanakana naya napushuwa'a na wenesueelaje'ewaliikana tooloyuu sümaa jieyuu eketajuinain po'loo mekiisalümüin juya jee müsüja'a nnojoliinjanain sünainpünain wanee kasa mojusu makatka tü maa'inrüinwaa atumaa sulu'u mmakaa.

Tü ajutaakaa su'utpünaa aneekajaa na laülaashijana sulu'u tü shi'ipa mma munisiipia münakaa, tü parokiaatkaa jee tü sulu'ujutkaa shi'ipa sü'laüle'eria mmakaa, eenjatü napülaya'asa na wattaje'ewalii kepiakana sulu'u mmakaa yaajatü yaa, nekettaajapa po'loo mekietsalümüin juya jee müsüja'a sülatajatüin maka po'loo juya kepiashiin naya sulu'u mmakaa yayaa. Shiaja'a nee'e sükatalaka akua'ipa tü laülaasükaa pütchi sümaayalee tü anaatiakaa akua'ipa tü nnojoluin anain akua'ipa.

Aküjiaa 65. Nnojotsü eenjatüin wayuu aapain wanee a'yatawaa sükajee wanee ajutaa paala eekai süttüsüin saalia saainjala mojusu sulu'u shi'yataain jee

müsüja'a sünainpünain tü kasa sümünjatüin wayuu. Tü pütchi anaatiakaa akua'ipa shieerü ayaawatakaa soo'u ti'a sümaayalee sükalia jee mojule ma'in tü aainjalaakaa

Aküjiaa 66. Na ajutshiikana tooloyuu sümaa jieyuu kajutshii süpüla naküjününjanain amüin natuma na ne'itaakana paala shikiipu'ujanain pütchi nayaalu'u, atijaanajato'u tü naa'inrakaa, anainjatü süküjia jee pejeewainjatüin shia natuma, ayatünjatia tü sukua'ipainjatükaa paala.

Aküjiaa 67. Wayuu napüshua'a tooloyuu sümaa jieyuu kajutshii süpüla tü paa'injirawaa sünain aa'inraa wanee kasa anasüin, sükajee anasüin shikiipu'u sukua'ipa Tü shikiipu'ukoo sukua'ipa jee mushi'iya na aneekajunakana süpüla ajutunaa oo'u ajutuno'una paala natuma namaajanakana sünain kottuin naya. Nnojotsü achekünüin saapünüin nneerü shi'yataajatü tü paa'injirawaakaa müleka sünneeshire tü mmakaan.

Tü pütchi kajutsükaa shiajatü anaatakaa sukua'ipa tü nneerü aapanajatükaa sutuma laülaayuu akatalujutuirua shiaalu'u tü paa'injirawaakaa jee müsia tü saa'inmajiakaa süpüla sütüjaanüin oo'u jalejeejatüin tü nneerü aapünakaa jee tü sükataajiakaa nneerü. Akaaja'a tü saa'inmajiakaa tü shiyorolokoo saa'ainküin mmakaa, sükaliakaa, jee tü shiaawatiakaa tü wanaakaa sümaa.

Na wayuukana napüshua'a tooloyuu sümaa jieyuu, süka naa'in nemiiwa'a jee müsüja'a süka tü akumajünüin akua'ipa süpüla sükaralo'utashen paa'injirawaa, kajutshii süpüla eenjanain sünain tü ajutaakaa süpüla ne'itaain chi ajutunajachikai oo'u. Tü nneerü cho'ujaakaa süpüla ti'a a'yatawaa shia ayaawatünjatükaa tü pütchi anaatiakaa akua'ipaa. Tü shikiipu'ukoo tü a'yatawaa paa'injirawaakaa nnojotsü süpüla sünaajirain sukua'ipa sümaa tü laüllapiakaa süpülajatükaa wayuu süpüshua'a.

Aküjiaa 68. Tü wayuukoluirua süpüshua'a tooloyuu sümaa jieyuu eeshii süpüla nawaatüin süka anakaralu'u ma'apüloule, shiaja'a nee'e jülüjainjatükaa aa'in tü suchuntakaa laülaayuu süpüla saa'innajatüin.

Nnojotsü achekünüin sutuma laülaayuu tü ka'apülakuu maakaa jee müsia alüjaa shira kasa ain sümün wayuu su'utpünaa wanee jutkataa mülo'u. Tü pütchi anaatiakaa akua'ipaa shianjatü anaka atuma sukua'ipa tü aa'inmajütikaluirua

mmaapa'akaa sümaayalee wayuu.

Aküjjiaa 69. Tü mmakaa Wenesueela nünüliamaakaa woliwat joolu'u sütujaa oo'ulu sümaa eenjatüin sutuma tü antaakaa jee onjulawaa.

Nnojotsü achekünüin nayujinnüinjanain na Wenesoloonakana tooloyuu sümaa jieyuu.

Aküjjiaa 70. Süpülajatü een wayuu sünain jee nayainjanain shikiishiin wayuu napüshua'a sulu'u tü kajutaakaa, sünain aa'inraa kasa süpüshua'a: Tü aneeküjünaakaa süpüla a'yatawaa shiaalu'u wayuu, tü asakinnaakaa, tü a'wanajawaakaa eekai mojuuaian suluwataaya, tü e'itawaakaa shikiipu'ujana pütchi sulu'umüin tü ajutkajawaa mülo'usukoo, tü yootirawaakaa sümaa wayuu süpüshua'a kalu'ujeekaa kasa anasüin nayaalu'u wayuu, tü kaaliakaa anainjee wayuu, tü aa'inraakaa kasa süpüshua'a süka aa'inwaa, tü kottirawaakaa, tü kaaliajirawaakaa sulu'u sukua'ipakaa süpüshua'a sümaayalee sukua'ipa nneerü, tü anülüjaakaa nneerü, tü a'yatawaa miichipa'ajatükaa jee kasakaa süpüshua'a anakaa süpüla kottiraain anain wayuu ajuitüsüin süka anakaralu'u jee kaaliajirawaa sünain.

Tü laülaasükaa pütchi shia e'itaainjatükaa tü sukua'ipajatükaa tü aküjunakaa achiki yayaa süpüla anainjatüin ma'in eewaa sünain sutuma wayuu süpüshua'a.

Piama süchikejee: Süchiki asakiraakua'ipa wayuu

Aküjjiaa 71. Tü kasakaa süpüshua'a kajutshaanain yaajatü yaa asakinnee anainrü sükajee nünüiki chi laülaashikai shikiipu'uin mmakaa toololen otta jierlen sümaayalee tü ni'ipajanakanairua laülaashiin, sünain sünüikimaajatüin tü ajutkajawaa mülo'usukoo yaajatü yaa, kajutsüin natuma na sulujunakana shikiipu'uin pütchi jee müsia suchuntuushire natuma maimashii wayuu ajutapu'uin ashajuushin anülia sulu'u ashajüleekaa anüliee süpüla ajutaa.

Eesü süpüla süsakinnüin anain eekai kajutshaanain atumaa ya'asa sulu'u tü mmacheyonkoo munisiipia jee parookia münakaa sünainmüinreeja'a tü shi'ipakalüirua mmakaa ja'piuukaa. Nanüikimaainjatü tüü na laülaashiikana sulu'u tü junta parokiaatkaa, konseejokoo jee tü ajutkajawaakaa sulujutukaa

shi'ipairua mmakaa, sükajee nanüiki maimashii sulujunakana, chi alkaalekai jee shiale tü alkaalekaa, niale chi laülaashikai jee tü laülaasükaa shikiipu'uin shi'ipa mmakaa, otta suchuntuushire sutuma maimasü wayuu ajutapu'uin ashajuushin anülia sulu'u tü ashajüleekaa anüliee süpüla ajutaa pejejatükaa sünain.

Aküjiaa 72. Süpüshua'ale tü a'yatawaakaa jee tü laülawaakaa eekai e'itaaushin sükajee ajutunaa oo'u aakaje'eruui. Sülatapa süse'eru'upünaa sükalia tü e'itaanakaa anain paala wanee a'yataashi jee a'yataasü laülaapialu'u, eesü süpüla suchuntunüin saakaje'eria aluwatawaakaa sutuma maimasü wayuu ajutapu'uin ashajuushin sulu'u tü ashajüleekaa anüliee süpüla ajutaa pejepünaain sünain.

Müleka wanaawale sümaa otta maimale ma'in suulia tü ajutsükalüirua aneekajakaa paala na a'yataashiikana laülaapialu'u na ajutakana soo'u naakajennüin, sünain maimasüin na ajutshiikanairua ashajuushin anülia, kettaasü süpüla saakajennüin tü aluwatawaakaa, achajaana münüshija'a chi ee'irakaainjachin sükajee tü sulujatükaa tü laülaasükaa pütchi.

Tü aakaje'eraakaa wanee aluwatawaa sulu'u tü kotiraakaa alu'u wayuu sünainjee atijaa, sükajeeinjatü tü pütchi akumajuushikaa süpüla sünaatia sukua'ipa.

Su'utpünaa sükalia suluwataaya eekai e'itaanüin sünain a'yatawaa laülaapialu'u nnojotsü achuntunajatüin piantua tü aakaje'eraakaa wanee aluwatawaa.

Aküjiaa 73. Asakinnajatü anain süpüshua'a tü sukumalaayajatüin wanee anaatiaa akua'ipaa aashajaanüin achiki sulu'u tü ajutkawawaa mülo'usukoo yaajatü yaa, müleka nanüikimaajatüle maimashii na sulujunakana. Müleka aaa..sümünüle tü asakiruushikaa anain, sünain maimshiin na ajutapu'ukana kanülin sünain ashajuushin nanülia sulu'u tü ashajüleekaa anülia süpüla ajutaa, tü sukumajiakaa anaatiaa akua'ipaa ajuitusu yalajee yala.

Tü aashajaaushikaa wattapünaa eekai nnojoluin anain sümüin tü mmakaa jee tüu atte'erijajatüin sukua'ipa kasa maima alanaaleein suulia mmakaa wenesueela, eesü süpülasüsakinnüin anain nutuma chi laülaashikai jee laülaasülen shikiipu'u mmakaa namaayalee na ne'ipajanakana, nanüikimaainjatüin

maimashi na sulujuanakana tüü ajutkajawaa mülo'usukoo jee müsüja'a shiale ajutuun soo'u maimasü tü ajutapu'ukalüirua ashajuushin anülia sulu'u tü ashajüleekaa anüliee süpüla ajutaa.

Aküjiaa 74. Asakinnajatü anain süpüshua'a süpüla suwasajaanajatüin süpüshua'a otta süpüshi tü anaatiaakaa akua'ipa achuntuushin paala sukumajia naatuma maimashii na ajutapu'ukana ashajuushin nanüliasulu'u tü ashajüleekaa anüliee süpüla ajutaa jee müsüja'a nünükimaajatüle chi laülaashikai otaa laülaasükaa shikiipu'uin mmakaa sümaayalee tü ni'ipajeejanakana.

Asakinnajatü anainya'a süpüla suwasajaanüin tü anaatiaajatükaa kasa emetuluinjatüin akua'ipa nutuma chi laülaashikai shikiipu'uin mmakaa sükajee tü naa'inrajatükaa kanüliakaa sulu'u karalo'uta süka shiaawashe 8 sulu'u tü aküjiaakaa 236 sulu'ukoo tü laülaasükaa pütchi, müleka suchuntuushire natuma maimashii na ajutshiikana ashajuushin anülia sulu'u tü ashajüleekaa anüliee süpüla kakaralo'utasee jee ajutaa.

Süpüla kajutuinjatüin pansaain süsakiriya cho'ujaasü ma'in no'unuin maimashaana sü'ülümüin süse'eru'upünaa süpüshua'a tü ajutsukalüirua ashajuushin anülia sulu'u tü ashajüleekaa anüliaa süpüla ajutaa.

Nnojotsü anain süsakinnüin anain saakaje'eria tü anaatiaakaa sukua'ipa nneerü, tü e'itaakaa sukua'ipa jee suwanajaaya nneerü awalaajijatü, sukua'ipa neerü a'ananapajinnajatüini wayuu jee tü akaaliajaakaa wayuu, jee müsüja'a tü süpülajatüin aa'inmajaa kasa, tü eekaa atuma najutumajatü wayuu jee müsia tü pütchimaajatüin süchikijee yootaa wattapünaa.

Nnojotsü alatajatüinjatüin süchikijee waneesia tü asakiraakaa süpüla suwasütünüin wanee anaatiaa akua'ipa sulu'u tü sükaliakaa aluwatawaa natuma laülaayuu.

Ja'rai shi'ipa

Najutumajatü wayuu sümaa napüshi

Aküjiaa 75. Tü Sü'laüle'eriakaa mmakaa saa'inmajüinjatü tü apüshiikaa aka shianja'a suuralain sukua'ipa wayuu süpüshua'a jee müsüja'a shia kanainjeekaa anaa süümüin wayuu süpüshua'alee. Tü e'raajirawaakaa sümaa apüshii

sükajeeinjatü wanee wanaawaa akuaa'ipa jee tü aa'inraakaa wanaa süma'aya, tü kaaliajirawaakaa, tü eejirawaa sünain a'yatawaa, ayaawatirawaa aa'inn jee müsüja'a kajutujirawaa shianjatü eeka natuma wayuu napüshua'a. Eeinjatyü sutuma tü sü'laülasükaa mmakaa tü sukua'ipajatükaa saa'inmajia wanee eiii, ashii, jee müushija'a chi shikiishin sukua'ipa wayuu.

Tü tepichikalüirua tooloyuu sümaa jieyuu jee jima'alii namaa majayünnuu kajutshii süpüla eenjanain naya, epijünaa jee müsüja'a mülo'uwaa namaa napüshi wayuu. Müleka nnojorüle tü müinjatükaa atuma yaan, eeshiija'a süpüla een wanee shi'iraka napüsh, sükajee pütchi anaatajatükaa sukua'ipa. Tü kachonyawaakaa müsianee'ka tü kachonwaakaa jee müsia sukua'ipa nianjachi anaka sünainjee achonyaashikai otta tü achonyaasükaa sükajee sukua'ipa tü pütchi laülaa. Eere wanee achonyaasüü aapaushin sulu'u wanee mma watta sükajeesu tü pütchi laülaasükaa yayaa.

Aküjiaa 76. Tü kachonwaakaa sutuma jieyuu jee kachonwaa sutuma tooloyuu aa'inmajünajatü akua'ipa süpüshua'ale, atairü jamüin sukua'ipa ka'wayuusee sutuma tü shiikaa jee ka'wayuusee nutuma chi nashikai. Eekai ka'wayuusen kajutshii süpüla nayainjanain jee nayainjanain ayaawatüin soo'u je'rainjatüin nachonyuu otta natijaainjatüin soo'u tü sukua'ipakaa süpüla ne'raajüinjatüin shia. Eeinjatü sutuma tü sü'laülakaa mmakaa saalia sümaa saa'inmajia tü kachonwaakaa sünainje'eree nukumajaain wayuu süle'eru'u nii, tü ipuuwolookoo, jemeyulaa jee müsia saawalaaya, eema'a shia eenjatü sutuma sukua'ipa saa'inmajia kachonwaa kajutuulu'u.

Chi ashiikai sümaa eii wanaawainjatü tü naa'irüinjatükaa sünain nnojoluinjatüin noulaain tü epijaakaa, akumajaakaa akua'ipaa, aekirajaakaa, aa'inmajaakaa nachonyuu, jee müshiija'a na achonluukana jülüjainjana naa'in nashi sümaa nei sapa ma'in nachiki nakua'ipa. Tü sü'laülasükaa mmakaa shianjatü anaataka sukua'ipa tü anakaa sümüin süpüla eenjatüin jülüjüin aa'in tü ekünajatükaa.

Aküjiaa 77. Aa'inmajünajatü sukua'ipa tü kawayuusekaa süka sukua'ipa alijuna, jee müsüja'a shia achekalaainjatü sukua'ipa sümaa wanaawaa aa'in süpüla tü naa'inrajatükaa wayuu napüshua'a ka'wayuuseren. Eere wanee ka'wayuusee anashaanain sukua'ipa laülaain aa'in kajutsüya'asa.

Aküjiaa 78. Tepichikalüirua jintüi sümaa jintulu, jima'alii jee majayünnüü e'itaanüshii jkajutuun waneepia jee müshijja'a naya aa'inmajuanajatü nakua'ipa sutuma tü sü'laülasükaa mmakaa, sutuma tü anaatüleekalüirua akua'ipaa süpülajatükaa, shiaja'a kajutuinjatüka atuman sümaa eenjätükaa atuma tü sulu'ukoo tü laülaasükaa pütchi. Tü ajutkajawaa mülo'usukoo sünain aashajawaa najutajatü tepichi jee müsüja'a atü yootookoluirua wattapünaa sünüliamaajatüin mmakaa wenesueela, Tü sü'laüle'eriakaa mmakaa, tü apüshiikalüirua jee wayuu süpüshua'a eenjätü sutuma palajana'alee tü aa'inmajakaa tepechikaa, eerejo'o shia anaatünüin akua'ipa sümamüin eekai anain sümüin. Eejeenaka naya mapa'aya laülain nakua'ipa sulu'u mmakaa jee müsüja'a eejeerüin wanee laülaapia mülo'usu sulu'u mmakaa yayaa jülüjainjatükaa aa'in tü saa'inmajiakaa tepichi tooloyuu jee jieyuu, jima'alii jee majayünnüü.

Aküjiaa 79. Na jima'aliikana jee na majayünnüükana kajutshii süpüla jee müshijja'a naya aa'inraainjana sulu'u shi'yataain tü mmakaa süpüshua'a. Tü sü'laüle'eriakaa mmakaa sümaayalee apüshii jee wayuu süpüshua'a, eenjätü sutuma kasakat süpushua'a anakaa süpüla anainjatüin no'unia sünain a'laüle'eraa naa'in jee müsia tü ekirajawaakaa süpüla tü palajatkaa a'yatawaa, sükajee tü anaatiaakaa akua'ipaa.

Aküjiaa 80. Eenjätü kajutuu sutuma tü sü'laüle'eriakaa mmakaa namüin naa laülaayuukana tooloyuu sümaa jieyuu. Tü sü'laülakaa mmakaa Namaayalee na apüshiikana jee wayuu süpüshua'a, eenjätü natuma tü kajutaakaa sümüin laülawaa aa'in sutuma wayuu, tü laülawaakaa amüiwawaa, eenjätü najutu süpüshua'a je müsüja'a tü anaakaa sünainjee a'yatawaa laülaapialu'ujee. Tü nneerü aapünakaa süchikijee ni'yataain wayuu maima juya nnojoluinjatü palitchon suulia tü akanajünakaa soo'u a'yatawaa sulu'u. Namüin na laülaayuukana tooloyuu sümaa jieyuu eenjätü a'yatawaa namüin nachekülein eekai anayülinya otta anayülüinya süpüla.

Aküjiaa 81. Wayuu napüshua'a eekai kamojulain, sain süchiki maima kasa kajutshii süpüla eenjanain naya süpüla a'yatawaa sünain natijakaa apüleerua sünain kottuinjanain naya sümaa napüshi jee wayuu paejepünaain nanain. Tü sülaüle'eriakaa mmakaa namaayalee na apüshiikana jee wayuu napushua'aya, eenjätü sutuma najutu sümaa laülawaa aa'in, wanaawain sukua'ipa a'yatawaa namüin, jee eenjätüin nayaalu'ut tü ekirajawaakaa süpüla a'yatawaa anain

nayaaalu'u, sükajee tü anaatiaakaa akua'ipa. Kajutuinjatüin nayaalu'u na wayuu mo'uuin ekii otta manüluin tü sukua'ipakaa naashajaaya.

Aküjiaa 82. Wayuu napüshua'a kajutshii süpüla eenjatu wanee nepia, anasüin, wulein, kalu'uin tü cho'ujaakaa süpüla kepiaa sümaa napüshi, e'raajirawaa namaa napüshi, e'raajirawaa namaa wayuu kepiashii na'ato'u jee wayuu kepiajiraashii namaa. Tü anaakaa sulu'ujee tüü sükajeeinjatu natuma wayuu napüshua'a sümaayale tü sü'laule'eriakaa mmakaa.

Kajutajatü wayuu süpüshua'alee jee müsia kaaliainjatüin eekai müliain ma'in, aapünajatü amüin nneerü a'anapalaa sukua'ipa sümüin süpüla akumajaa shipia, aya'lajaa otta a'ajapulaa shipia.

Aküjiaa 83. Tü anaakaa wanee kajutaa mülo'u ti'a, kaaliainjatü wayuu suulia ayuulee sutuma tü sü'lauale'eriakaa mmakaa sükajee kajutuin atumaa tü kaataakaa o'u jee wayuuwaa. Sutuma sü'laüla mmakaa eenjatu kasakaa süpüshua'a süpüla anainjatüin wayuu, eenjatuin süpüshua'a tü cho'ujaakaa amünii. Wayuu süpüshua'a kajutsu süpüla saa'inmajünüin suulia ayuulee, jee müsia eenjanain naya jülüjain nna'in waneepia sukua'ipa anaa, ayatüinjatüin keisalaa natuma süpa'apünaa mmakaa sükajee tü anaatiaakaa akua'ipa sümaa tü aashajaashikaa sutuma mmakaa wenesueela wattapünaa.

Aküjiaa 84. Süpüla eenjatuin kajutaa sünain anaa, tü sü'laülakaa mmakaa e'itaainjatü, a'yataainjatü, eenjatu sutuma tü shikiisajatükaa aa'inmajaa sukua'ipa wayuu suulia ayuulee, a'yatajiraain süpüshua'a, eeyaa müin süpa'apünaa mmakaa, eejiraain wayuu sünainmüinree tü shiaalujutukoo wayuu süpüshua'a, akua'ipa o'unakaa süka nnojolüinjatüin awalaajünuin sümüinjatu wayuu süpüshua'a, wanaawain sujutu, kottuin atuma wayuu jee kaaliajirawaa. Tü laülaapiakaa süpülajatükaa wayuu süpüshua'a eenjatu waneepia sutuma tü anaakaa, kepinjatü wayuu suulia ayuulee jee nüsia süntünüinjatüin oo'u maalü. Tü laülaapiakaa süpülajatüka anain wayuu saainjüinre'eya tü sü'laüle'eriakaa mmakaa nnojotsü awalaajuushinjatüin. Tü wayuukoluirua sulu'u suumain sümaa paa'inwain naya eeshii süpüla kajutuin sünain e'itawaa sukua'ipa a'yatawaa sümaa jülüjain naa'in shi'yataaain tü laülaapiakaa süpülajatükaa anaa.

Aküjiaa 85. Tü nneerü sujutujatkaa shi'yataain laülaapia süpülajatü anaa atuma

wayuu sūpūshua'a saapajatū tū sū'laūlakaa mmakaa, eere sūkotchirūinjatūin tū cho'ujaakaa sūpūla anainjatūin shi'yataain shiaalu'u wayuu sūpūhua'a jee mūsia sukua'ipa wanee nneerūya'asa akumajaasū sūnainjee wanee anaatiaa akua'ipaa. Sutuma tū sūlaüle'eriakaa mmakaa eeninatū nneerū sūpūla anainjatūin shi'yataain tū laūlaapiakalūirua anainjatūkaa atuma wayuu. Shi'yataajiraain sūmaa tū e'ikūlee mūlo'uyuukoo jee tū a'yataalee achajaakaa sukua'ipa sūpūla eeninatūin ekirajaain maima wayuu atijashii sūpūla akumajaa wunu'u shipijatū wayuu. Tū sū'laüle'eriakaa mmakaa jūljūinjatū saa'in tū miichikalūirua laūlaapiakaa sūnain anaa atma wayuu jee mūsūja'a tū awalaajuushikaa.

Akūjiaa 86. Wayuu napūshua'a kajutshii sūpūla saa'inmajūnūin nakua'ipa sūmaa na'yataain, eeninatūkaa atuma anaa namūin, saa'inmajūnaiwa kachonwaa sutuma jierū, nachon tooloyuu, ayuuren kepinjatū, eere pasiruwawaa, ayuulee mūlo'u, kamojulaa, saa achiki kasa, pasiruwawaa sūnain a'yatawaa, amūlo'ulee a'yataain, ma'yaataainwaa, laūlawaa, o'utaa awayuuse, amoulaa, kepiaa, epijaa napūshi jee kasakaa sūpūshua'a kaalianjatūin anainjee wayuu. Kajutajatū sūpūshua tū sūmūin wayuu sutuma sū'laüle'eriakaa mmakaa, sūkajee wanee shikiisū laūlaa namūinjatū wayuu napūshua'a, jayain suwalaajia, waneesūin sukua'ipa, anasūin, eejiraain atuma wayuu, een sūpūla kaaliaa apūla sūka e'itūnūin soo'u. Mūleka nnojolui ke'itūin wanee wayuu nnojotsū maalianjatūin ayatajatia kajutuun waneepia. Tū nneerū sūpūlajatūkaa tū nnojotsū sūnainpūnainjatūin wanee kasa'aya tū aapajuushikaa namūin wayuu sūpūla ereje'eraa, kanu'usee jee mūsia kasakaa sūpūshua'a niaalujutuun wayuu sūnainjeesū laūlaapia sukua'ipa. Ainjatū sutuma laūlaayuu tū nneerū cho'ujaakaa sūpūla atijaa jee saa'inmajia akua'ipa sūnain shiaaluinjatūin shia wayuu sūpūshua'a. Tū sūkajeeinatū wanee pūtchi laūlaa anaatajatūkaa sukua'ipa.

Akūjiaa 87. Wayuu napūshua'a kajutshii sūpūla a'yatawaa jee jūljūaa aa'in a'yatawaa. Eeninatū sutuma tū sū'laūlakaa mmakaa tū cho'ujaakaa sūpūla anainjatūin shi'yataain wayuu sūpūshua'a, anainjatūkaa anainjee wayuu. Sutuma tū sū'laüle'eriakaa mmakaa eeninatū a'yatawaa. Tū anaatiaakaa akuaaa'ipaa sukumajūin tū anakaa shiaalu'u een ajutuu sūpūla a'yatawaa sūmūin tooloyuu jee kieyuu maa'iraain.

Tū taashaakaa sūpūla a'yatawaa wanee ajutuu anasū, shianjatū akumajaka

sukua'ipa tü pütchi laulaasükaa anaajutkaa akua'ipaa.

Süpüshu'a tü a'yateetsükaa tooloyuu jee jieyuu eenjatü natuma nayaalu'u na a'yataashiikana, sukua'ipa a'yatawaa anasü, wulein jee anasüin eere tü a'yataaleekaa. Sutuma tü sü'laülaasükaa mmakaa sukumajüinjatü akua'ipaa süpüla anainjatüin shi'yataale wayuu.

Aküjiaa 88. Sutuma tü sü'laüle'eriakaa mmakaa eenjatü kajutuun tü wanaawaakaa sümaa pansawaa akua'ipa namüin tooloyuu jee jieyuu sünain a'yatawa. Kajutajatü sutuma sü'laülasükaa mmakaa tü a'yatawaa miichipa'ajatükaa sükajee kajutuun shia, atijain ko'omüinwaa shi'yataain jee kalu'ujeein shia washirüü jee anaa sünainjee. Tü jieyuukoluirua a'yataain miichipa'a kajutuunjatü joolu'u sükajee sünaatia akua'ipaa yaajatü yaa.

Aküjiaa 89. Tü a'yatawaakaa kajutsu sümüin wayuu süpüshua'a jee shia aa'inmajünajatü sukua'ipa sutuma tü sü'laülasükaa mmakaa. Sutuma tü anaatiaakaa akua'ipaeinjatü tü cho'ujaakaa süpüla anainjatüin a'yatawaa, anüliee sulu'ujee jee atijalaa sulu'ujee namüin na a'yataashiikana napüshua'a tooloyuu sümaa jieyuu. Süpüla pansaainjatüin ssukua'ipa tüü süpüshua'a o'unajatü sükajee süno'utia pütchi anasü.

1. Nnojotsü eenjatü wanee anaajia akua'ipaa awanajüinjatüin sukua'ipa shiimÜin jee kojutuun aa'yatawaa. Kalu'ujeein anaa tü a'yatawaakaa. Shia tü a'yatawaakaa palajatüinjatükaa shiimüin sukua'ipa nnojotsü a'laajawaain
2. Moulajuusalü sujutu a'yatawaa. Mojusu sukua'ipa tü aa'innüin jee oonoloo eekai nnojoluin atuma sujutu a'yatawaa. Waneesuja'a nee'e shiain anaatüneein sukua'ipa sajattia wanee a'yatawaa sükajee tü achuntunakaa sutuma pütchi laülaa anaatiaa akua'ipaa.
3. Soo'u wanee ka'i nnojorüle sütüjaanüin oo'u sünaatia sukua'ipa otta jamalu'uluin wanee pütchi laülaa anaatünajatüin aka. E'itaanajatükaa eekai anainjatüin anainjee na a'yataashiikana.
4. Kasakaa süpüshua'a naa'inrüin na a'yateetshiikana nnojoluin shiain tü sümakaa tü laülaasükaa pütchi majutsalü, nnojotsü kasain ajuituin sünainjee.
5. Nnojotsü achekünüinb alerajaa wayuu sükajee tü na'yataakalü anain, nouyase, toolole otta jierülen, nanoujala jee kasakaa süpüshua'a naa'inrüin.

6. Nnojotsü achekünüin a'yatawaa sümüin tepichi, jima'alii jee majayünnüü eekai nnojoluin anainjanain sünainjee. Tü sü'laülasükaa mmakaa sa'inmajüinjatü nakua'ipa tepichi suuñlia joojain naya, mawalaajuulen na'yataain otta mojule nawalaajia.

Aküjiaa 90. Tü sükaliakaa a'yatawaa kaleo'u nnojotsü alatajatüin suulia mekiisatsü oora jee müsüja'a pienchi shikii pienchimüin oora süpüla semaanakaa. Müleka sücheküle tü anaatiaakaa akua'ipaa, tü sükaliakaa a'yatawaa sa'wai nnojotsü alatajatüin süchiki akaratshi oora ka'iwai jee müsüja'a apünüin shikii ja'ralimüin süpüla semaanakaa. Nnojoishi eenjachi wanee a'yate'erüi nüpüleeruainjatüin niate'erüin sülatapa sükalia shi'yataain, jülüjainjatü aa'inn süpüla shishakatinnüin sükalia a'yatawaa shi'ipa'aya süpüla anainjatüin tü a'yatawaaakaa jee müsia anainjachi chi a'yataashikai, anainjatüin naa'in jee müsia natijala.

Na a'yataaliikana tooloyuu sümaa jieyuu kajutshii süpüla neemeraain sajattia semaanakaa jee müsüja'a nawakasionshe awalaajuushin namüin.

Aküjiaa 91. Süpüshua'ale tü a'yataatkaluirua tooloyuu sümaa jieyuu kajutshii süpüla walaainjatüin na'yataain anainjanakaa alu'ujeein naya, süpüla eeninatüin kasa nama'ana sümaa napüshi, nakorolo, nanülia jee natijala. Eeninatü suwalaajia a'yatawaa namüin wayuu süpüla anainjatüin tü a'yate'etsükaa natuma. Tü nneerü sujutkoo a'yatawaa nnojolüinjatü asütünüin jee shia awalaajunawalinjatü pejeewawai kettaapa sükalia süka nneerü anasü, akatalu'usu suulia tüü, sujutkoo eküülü, sükajee tü anaatiaakaa akua'ipa.

Eeinjatü sutuma sü'laüle'eriakaa mmakaa namüin na a'yataaliikana, tooloyuu jee jieyuu sulu'u laülaapia jee müsia awalaajuushikaa akatalu'u tü sujutkoo a'yatawaa eere sünaajünüin akua'ipa süpüla juyakaa, eere sünaatünüin tü akanajünakaa sünainjee tü anaatiaakaa akua'ipaa.

Aküjiaa 92. Na a'yataaliikana napüshua'a tooloyuu jee jieyuu kajutshii süpüla walaain sükalia na'yataain, tü wanaakaa sümaa nakalia sünainjeree nottuin jee saa'inmajünüin nakua'ipa nojole'ennüle. Tü nükanajüinkaa wayuu otta sujutu sükalia wanee a'yatawaa achuntuuisü, eesü süpüla saapünamaatüin. Müleka kakalialen nnojolui saapünamaatüin kachonsü tü nneetkaa atumaa, ayatsia juyaalan kajutsu ma'in shi'ipa'aya.

Aküjiaa 93. Sutuma tü anaatiaakaa akua'ipaa ayatajatü tü aa'yataawaakaa jee müsüja'a aa'inmajünajatüin sukua'ipa suulia eej.üin wanee ajutunuin sulu'ujee a'yatawaa majoule. Eekai ajutunuin sünain waneejatüin sukua'ipa suulia tü sulu'ukoo pütchi laülasükaa majutsalü.

Aküjiaa 94. Sutuma tü anaatiaakaa akua'ipa sukumajüinjatü tü saa'inrajatükaa wanee wayuu otta wanee laülaapia anainjatüin sünainjee na'yataain wayuu asakajaaushii, sünain nnojolüinjatüin kasalajanain shia. Tü sü'laüle'eriakaa mmakaa sükajee tü shi'yate'erakaa aka jülüjain jatü saa'in tü naa'inrajatükaa na a'yate'etshiikana tooloyuu sümaa jieyuu, müleka nnpjolui anain sukua'ipa, eeyaale atuman shi'iree sümoujunuin, majuteeren, nnojolui shiishajaanüin achiki tü sukua'ipakaa jee sujutu a'yatawaa.

Aküjiaa 95. Na a'yataashiikana tooloyuu sümaa jieyuu, makataluule jee nojolui naluwataaushin, eesü najutu waneepia süpüla nakumajüin süka naa'in nemiiwa'a tü sintikaata anasü namüin süpüla kajutuinjatüin nakua'ipa sünain a'yatawaa, jee müsia nashajireere sulu'u, sükajee sünaatia akua'ipaa. Tü sünüikipu'ukoo wayuu a'yataasü nnojotsü jamajatüin amünii, nnojotsü o'ule'ennajatüin shi'yataain. Na a'yataaliikana tooloyuu sümaa jieyuu aa'inmajünüshii suulia akatajünaa jee kasakaa süpüshua'a nnojoluin sünainpünaajatüin sujutu a'yatawaa.

Na shikiipu'ukana aashajawaa süpüla kajutaa atuma a'yataashii nnojoishii aakajennajanain sulu'ujee na'yataain wanaa sümaa naa'inrüin tü e'itaanakaa apüla naya.

Süpüla eenjatüin wanaawaa anaalu'umaa natumna na sulujunakana shikiipu'u kajutaa atuma a'yatawaa, pachukuainjatü tü laülaayuukoo sulu'uinjatükaa sükajee wanee aneekajaa ajutuushi oo'una. Na laülaayuu e'itaanakanashikiipu'uin süpüla kajutuin a'yataashii müleka naapale wanee anaa namüiwa'a sünainjee noulaanüin sulu'u. kasalajanasü ti'a sükajee tü anaatiaakaa akua'ipaa. Na shikiipu'ukana tüü atumaa achek'üshii naküjain sümüin laülaapia tü eekalü nama'ana.

Aküjiaa 96. Na a'yataaliikana sulu'u laülaapia yaajatü yaa, tooloyuu sümaa jieyuu jee müsia tü awalaajuushikaa kakatalu'u kajutshii süpüla süpansaajiraain

nakuaꞤipa süka naa'in sümaa tü a'yate'etsükaa, shiaja'a nee'e achuntunajatükaa tü sümakaa pütchi anaatiaakaa akua'ipa. Sutuma tü sü'laüle'eriakaa mmakaa eenjatü su'unia jee sünaatia sukaua'ipa süpüla anainjatüin wayuu süpüshua'a sünaajee jee müsia sünaataain kasachiki soo'ujeejatü a'yatawaa. Tü aashajawaakaa mülo'usukoo suchukua a'yatawaa nayaalujutuko na a'yataashiikana napüshua'a, a'yataashiin wanaa sümaa nashajirüin jee müshiija'a eekai ekeroluin süchikijee.

Aküjiaa 97. Na a'yataaliikana napüshua'a tooloyuu sümaa jiejyuu sulujunakana laülapia yaajatü yaa jee tü awalaajuushikaa kakatalu'u kajutshii süpüla een natuma wanee eishajaa mülo'u süpülamüin eekai nacheküin nachunteein, sükajee sukua'ipa pütchi anaajülü akua'ipaa.

Aipirua shi'ipa
Sujutumaajatükaa akua'ipaa jee ekirajawaa

Aküjiaa 98. Tü atijalaakaa taashisü sukua'ipa. Tü sujutkoo atijalaa shialeēja'a sünaajee tü a'yatawaa sümaa, sujuitiriyaa jee süküjia tü kasa atijünakaa mülo'usüin, kapüleein jee suchukuamaajatüin wayuu, sulu'u tü kajutuinjachi chi akuyamajüshikai otta akuyamajüsukaa sümaa tü ajuitakaa nanainjee. Sutuma tü sü'laüle'eriakaa mmakaa aa'inmajünajatü tü kama'anakaa atijaa, akumalaa mülo'usüin, ashajuushin achukuaa, sükanasio'o, ajuinajiralaa kasa jeketüin, atijalaain, anüliaa, ayaawashee, ejeetshee, anüikii, sükajee tü pütchi laülaa anaatiiiaa akua'ipaa jee müsujaa yootoo mülo'usu sünuikimajatü mmakaa wenesueela wattapünaa.

Aküjiaa 99. Tü sujutkoo akua'ipaawan ee kasa moo'ulaajusalü sutuma wayuu sulujutu wenesueela süpüshua'a jee sujutu jülüjainjatü saa'in tü sü'laüle'eriakaa mmakaa, eenjatü sutuma tü anakaa sümüin süpülakajutuinjatüin shia, nneerü cho'ujaakaa sümüin. Kajutusü shimiiwa'a tü a'yatawaaakaa sünaajee akua'ipaa sulu'u mmakaa yayaaa. Sutuma tü sü'laülasükaa mmakaa eenjatü saa'inmajiaa jee shi'raajiriyaa, sukumajiaa tü atijalaakaa süpüshua'alee eekai ja'yain, eekai nnojoluin ja'yain, jee tü suchukuakaa mmakaa süpüshua'a. Kasakaa süpüshua'a sukoroloin mmakaa nnojotsü kasama'ain jatüin, nnojotsü asütünajatüin. Sükajee pütchi anaatiaajatü akua'ipaa kasalajanainjatü üleka majutule atumaan

Aküjiaa 100. Tü akua'ipaa atijalaakaa sutuma wayuu süpüshua'alee wenesueelaje'ewalii kajutshaanasü ma'in. Eere kajautuin atumaa tü maimaakaa akua'ipasünain kakataawain shia. Sutuma tü pütchi laülaasükaa eenjatü shi'yate'eria, sükaaliajia jee suwalaajia sümüin wayuu jee laülaapia e'raajirüin, kajutuin atuman, e'itaain nneerü shi'yataaya tü atijalaakaa süpa'apünaa mmakaa sümaa tü atijalaakaa sulu'u wenesueela anoipa'amüin. Sutuma tü sü'laülakaa mmakaa eenjatü namüin a'yataalii tooloyuu jee jiejyuu sünain akua'ipaa sümaa atijalaa, sümaa eewaa süpüla walaainjatüin sükalia na'yataain anaiwa naya sünainjee, sümaa kajutuinjatüin tü atijalaakalüirua süpüshua'a sükajee pütchi mülo'u anaatiaa akua'ipaa.

Aküjiaa 101. Sutuma tü sü'laüle'eriakaa mmakaa eenjatü shi'raajiriya, sükotchiria jee su'walakajia sünülia tü suchukuamaajatükaa akuaaa'ipaa sümaa atijalaa. Tü a'walakajütikalüirua pütchi kaalianjatü napüla shi'raajia tü atijalaakalüirua süpüshua'a makatka nakumala na atijashiikana, ashajülii, ee'iralii, ku'yamalii peliikula, atijashii mülo'uyuu jee na ku'yamaliikana kasa napüshua'a yaajanaa yaa. Tü telewisionkoluirua eenjatü natuma wanee aküjalü otta aküjai süka najapü nayaalu'u na moo'ukana ekii. Tü pütchi laülaasükaa sünaatajatü sukua'ipa süpüshua'alee.

Aküjiaa 102. Tü eklirajawaakaa wanee sujutu wayuu aa'innajatü waneepia natuma wayuu napüshua'a, wanaawajatü wayuusulu'ujee, napülajatü wayuu napüshua'a jee nnojolüinjatüin suwalaajüin. Kajutshaanainjatü sutuma sü'laülakaa mmakaa süpüshua'ale sukua'ipa tü eirajawaakaa, kalu'ujeesü tü atijaa mülo'usukoo, suchukuamaajatü wayuu jee tü atijalaa sümüinjatü wayuu süpüshua'a. Tü ekirajawaakaa süpüla atijaa süpülajatü wayuu süpüshua'a eere kajutuin atumaa tü ekiirujutaakaa süpüla sujuitajatüin natijala wayuu napüshua'a, kajutajatüin na'yataala sünain eewaa waneepia sünain e'raajiraa sukua'ipa sujutu tü eekaa sulu'u mmakaa yayaa sümaa e'raajaa atijalaa sulujutu mmakaa pejepünaakaa sünain wenesueela jee tü süpa'ajatükaa mmakaa watapünaa. Tü apüshiikaa jee wayuu süpüshua'a sünaateerü akua'ipa tü ekirajawaakaa süpüla atijaa karalo'uta namüin wayuu napüshua'a sükajee pütchi laülaasü jee tü anaatiaakaa akua'ipaa.

Aküjiaa 103. Wayuu napüshua'a kajutshii süpüla eenjatüin nayaalu'u wanee ekirajawaa anasüin süpüla atijaa, wanaawainjana süpüshua'alee alijuna sünain

atijaa, shiaja'a nee'e nnojotleeka atuma wanee atijaa müleka eere wanee sa'injatüka achikiin. Kasakaa süpüshua'a natijeein wanee wayuu eesü süpüla. T'ekirajawaakaa süpüla atijaa eesü sümüin wayuu süpüsua'a nnojishi eenchi wanee matijain karalo'uta sünainje'eree jo'uuchouin sünainmüin tü atijaa mülo'usukoo, nnojotsü shia awalaajünüin ya'asa. Süpüla tüü, tü sü'laüle'eriakaa mmakaa shi'itaainjatü tü cho'ujaakaa süpüla sükajee tü sukumalaayakaa shiaalu'u tü Orkanisasion Nasioone Uniira münaka. Tü sü'laüle'eriakaa mmakaa eenjatü sutuma sümaa saa'inmajünjatüin tü miichikalüirua sümaa tü kasa cho'ujaakaa süpüla shi'yataain, süpüla eenjatüin shia napüla na ekirajaainjanakan a eemüinree sajattüin e'ikünajatükaa anain wayuu. Sutuma tü anaatiaakaa akua'ipaa wanaawainjatü wayuu ataina kamajulain, eekai sain nachiki nakua'ipa jee mushija'a eekai suttüinrua otta sain nachiki naapain sukua'ipa atijaa.

Tü aapajalaakaa natuma wayuu sükaaliajatüin wanee a'yatawaa sümaajatü ekirajaa jee atijaa sulu'u mma yaajatü yaa, kajutajatü atumaa sükajee kaaliain mmakaaa sului'ujee.

Aküjiaa 104. Tü ekirajawaakaa süpüla atijaa karalo'uta najapulu'uinjatü wayuu anashii, atijashii. Tü sü'laülakaa mmakaa eenjatü sutuma natijaainjanain e'iküllii shi'ipa'aya jee anain na'yataaya na e'iküllikana, sulu'u tü saainjüinkaa kowierno otta tü awalaajuushikaa, sükajee tü pütchi laülaasükaa jee tü anaatiaakaa akua'ipaa, anainjatü na'yataain e'iküllii anaiwa naya süpüla sa'anasian na'yataain. Süpüla ekeroloo, a'yatawaa, eewaa jimatüin sulu'u a'yatawaaakaa tüü sükajeesü wanee pütchi laülaa anaatakaa sukua'ipa eere shi'raajünüin nakaralo'utase sünain nnojoluinjatüin shikeroluin tü patttirokoluirua sünain.

Aküjiaa 105. Eejeere wanee pütchi laülaa naatajatükaa sukua'ipa tü atijaa achunatonukaa oo'u tiitulo jee tü aa'innajatükaa süpüla a'yatawaa.

Aküjiaa 106. Wayuu süpüshua'a sümaayalee tü laülaapiakaa süchikijee shi'iyatüin sukua'ipakaa sütijala, kettaapa sukua'ipa tü sütijakaa apüleerua, ketaapa sunneechi cho'ujaakaa süpüla jee tü shipiajatükaa eenjatülen jee müsia tü shi'itaaka tü pütchi anaatiaakaa akua'ipa, eesü süpüla shi'itaain, jülüjain saa'in wanee e'ikülee awalaajuushi sünain saa'inmajünjatüin sukua'ipa tüü sü'laülakaa mmakaa.

Aküjiaa 107. Tü atijaakaa sukua'ipa saa'inmajia tü mmapa'akaa saa'inrajatü wayuu süpüshua'a sulu'u tü e'iküleekaluirua jee müsia tü atijaakaa anatuma wayuu napüshua'a sünain nnojoluin sulu'upünain e'ikülee. Eeinnjatü waneepia sutuma laülaapiakaa tü e'iküleekaa sümüinjatükaa wayuu jee tü awalaajuushikaa, tü ekirajaakaa alijunaiki, tü achukuaakaa jee suumainpa'a wenesueela jee sukua'ipa tü nikirujutkoo woliwat.

Aküjiaa 108. Tü awalakalaakaa pütchi süpa'a mma sümüinjatü wayuu jee tü awalaajuushikaa, eesüjatü süpüla natijain wayuu sulu'ujee. Sutuma sü'laüla mmakaa eenjatü süpüshua'a tü cho'ujaakaa makatka raawia, telewision jee süpülajana karalo'uta aashajennajatü. Tü e'iküleekaa süpüshua'a eenjatü sutuma tü atijaakaa kasa süpüshua'a, kasa jeketüin, sükajee tü suchuntakaa tü sünaatiakaa akua'ipaa.

Aküjiaa 109. Sutuma tü sü'laülakaa mmakaa kajutuinjatü tü laülawaakaa sulu'u tü e'ikülee mülo'usukoo uniwersiraa münakaa, süpüla shiainjatüin shikiisüin nakua'ipa na e'ikülikana toloyuu sümaa jeyuu, na ekirajaashikana sulu'ujee süpüla nachajaain soo'omüin natijala sükajee nachajaain atijaa mülo'u, suchukuamaajatü wayuu s'püla anainjatüin tü mmakaa wenesueela sünainjee. Süpüshua'alee tü uniwersiraakaa laülaa sümüiwa'a, akumajüinjatü sukua'ipa suluwataaya, shi'yataaya, saa'inmajia tü eekaa süma'ana sükajee sünaatia akua'ipaa. Laülaasü tü uniwersiraakaa süpüla sukumajüin, sünaatüin, shi'yataaoin sümaa jeketüin shia sutuma tü achajawaakaa saa'amüin atijaa, tü e'ikaakaa jee müsia e'raajirawaa supa'a mma. Eesü atumaa joolu'u nnojoluinjatüin kasama'ain tü shipiakaa uniwersiraa. Tü uniwersiraakalüirua jekennuukoo akumajaain a'laülaajeerü mapa'aya sükajee tü sümakaa anaatiaa akua'ipaa.

Aküjiaa 110. Tü sü'laüle'eriakaa mmakaa kajutsu sutuma sünüinjatüin wayuu tü atijalaa mülo'usukoo, tü atijaakaa, tü jeketkaa e'raajuushin jee tü anakalü apülan sümaa tü atijaanakaa oo'u sünainjee aka cho'ujaasüin shia süpüla suwashirüin mmakaa, anaa sümüin wayuu jee tü aa'innajatükaa sulu'u mmakaa sümmayalee saa'inmajia mmakaa wenesueela. Süpüla eenjatüin süpüshua'a tüü, tü sü'laülakaa mmakaa een jatü sutuma nneerü cho'ujaakaa shiaalu'u jee müsia sukumajüinjatüin sukua'ipa atijalaa mülo'usu yaajatü yaa sükajee pütchi anaatiaa

akuaaa'ipaa. Tü washinnuukoo aapajana nnerü shiaalu'u een atijalaa mülo'u. Tü sü'laülakaa mmakaa eenjatü sutuma süpüla anasüin sukua'ipa tü achajawaakaa atijalaa mülo'u, suchukuamaajatü wayuu jee a'yataaya mülo'u. Tü sünaatiakaa akua'ipaa shianjatü akumajaka tü anaka sümünin

Aküjiaa 111. Wayuu napüshua'a kajutshii süpüla tü ashe'itajawaakaa jee tü mi'irakaa süpüshua'a anainjatükaa anainjee wanee wayuu otta süpüshua'a wayuu. Tü sü'laülakaa mmakaa kajutajatü tü she'itaakaa sutuma eenjatü e'ikünuin anain sulu'u tü e'iküleekaa, eenjatü nneerü cho'ujaakaa shiaalu'u, sükajee tüü anainjatü tü tepichikalüirua jee jima'alii sümaa majayünüü. Tü shi'ikiakaa namüin wayuu namüinb wayuu napüshua'a sulu'uinjatü tü e'iküleekaa süma'alee tü awalaajuushikaa. Sutumna tü sü'laülakaa mmakaa kajutuinjana na she'itülikana nnojishii akatajünakuumüin jee müsüja'a tü süpülajanakaa süpa'apünaa mmakaa jee müsüja'a tü awalaajuushikaa, sünain ayatüin sukua'ipa sükajee pütchi laülaa.

Sutuma tü pütchi tü anaatiakaa akua'paa kajutajatü, kaaliayainjatü, walaainjatü wayuu süpüshua'a, laülaapiarua jee tü mmakalüirua kaaliakaa apula na she'itülikana jee müsüja'a müleka eere sujutu a'yatawaa sünain sukua'ipa tü she'itaakaa sulu'u mmakaa Wenesueela.

Akaratshi shi'ipa *Sujutumaajatü a'yataayaa*

Aküjiaa 112. Wayuu napüshua'a eeshi süpüla naa'inrüin tü na'yataajeekaa anain, shiaja'a nee'e e'itaanajatükaa sukua'ipa tü laülaasükaa pütchi jee tü anaatiakaa akua'ipaa, sükajee sukua'ipa wayuu, saa'inmajia kasa, anaa sümün wayuu, aa'inmajaa tü mmapa'akaa jee wanee kasa'ayaa anasüin sümün wayuu. Tü sü'laülakaa mmakaa sücxhajaainjatü akua'ipa namaa washinnuu, süpüla wanaawainjatüin sükanajia nneerü, shi'yataaya tü eekaa ama'anaa jee tü cho'ujaakaa sümün wayuu süpüshua'a, aikawaa, a'yatawaa mülo'u sünain nnojoluinjatüin süsalain sünainjee anaajaa sukua'ipa, aiwa apülaa aa'inmajaa tü eekaa sulu'u mmakaa süpüla washirüü

Aküjiaa 113. Nnojotsü achekününin tü aapawaakaa kasa süpüshua'a laülaleein soo'u. Shioutuin tü laülaasükaa pütchi kasakaa süpüshua'a aa'innünin,

ooniraanüin ekiira süpüla ama'ana kasa süpüshua'a jee kasa eekai een ashatüin sukua'ipa. Nnojotsü achekünuin ya'asa tü achecherawaakaa soo'u wanee kasa, naa'inrüle wanee wayuun, saa'inrüle wanee laülaapia aapaain shikii a'yatawaa süma'alee suwashirüin. Sutuma tü sü'laüle'eriakaa mmakaa süchajaanjatü akua'ipa tü anaka sümüin suulia eejüin tü e'raakaa wayümüin sünain aapawaa kasa maima jee laülawaajaa soo'u wanee kasa süwashirüin tü mmakaa, sükajee tü aa'inmajünüshii na eküinjanakana, a'yataashiikana tooloyuu jee jieyuu jee anainjatüin sukua'ipa tü a'yataakaasaa'inreein wayuu süpüla ekaa, kashe'inwaa jee anaa.

Müleka shiale a'yataanajatüin tü eekaa süpa'a mmakaa, sukoroloin mmakaa wenesueela otta a'napajaale a'yatawaa shiaalujutu wayuu. Tü sü'laülakaa mmakaa eesü süpüla saapirüin wanee a'yatawaa nnojoluin kakaliain sünain eeninatüinja'a wanee anaa sünainjee suwalaajüin je müsia tü a'yatawaakaa anajatüü wayuu sünainjee.

Aküjiaa 114. Tü a'yatawaa nnojotkkaa pansaain akua'ipa, tü onjulakaa sukua'ipa shi'yataaya, tü akotchiraakaa maima kasa maiküinyuule, tü emeejaakaa, süpüshua'alee tü mojusukaa kasalajanainjatü sutuma tü pütchikaa laülaasükaa anaatiakaa akua'ipaa.

Aküjiaa 115. Kajutsu atumaa tü kama'anakaa wanee kasa anain. Wayuu napüshua'a kajutshii süpüla nama'anain eekai nama'anein, anain sünainjee, talatüin sümaa, naa'inrüin eekai naa'inrajatüin süka eekai aeein nama'anain sünain naainjüin. Tü süma'anakaa wayuu o'unajatü sukua'ipa sükajee tü pütchi laülaasükaa. Müleka anainjatüin wayuu süpüshua'a sünainjee sükajee sünüiki laülaayuu sümaaya walainjatüin sujutu eesü süpüla saapaanüin wanee ama'anaain.

Aküjiaa 116. Nnojotsü aapünajatüin ekii otta saapaanüle waneae ama'anajataa, shiaja'a nee'e saapirakaa tü laülaasükaa pütchi. Eesü süpüla sükata'annüin sukua'ipa tü aapanajatüin sükajee sünüiki laülaayuu, süma'anajatü wayuu otta laülaapialu'ujatü yaajatü yaa otta wattaje'ewalü, kasirüin sukua'ipa sünainmüinjatüiin wayuu süpüshua'a, tü kasakaa ama'anaain sükajeejatüin wanee awashirajawaa mojusu sukua'ipa, sükajeejatüin shiaalujutu wayuu jee müsüja'a tü a'yataayakaa süma'alee nneerü ajuitusuin sünainjee oikawaa yüi.

Aküjiaa 117. Wayuu napüshua'a kajutshii süpüla een nama'ana kasa anasüin jee müsüja'a eekai cho'ujaain namüin, süküjia namüin suchukua tü kasakaa süpüshua'a naapaain, eesü süpüla naneekajüin anakaa namüin, anainjatükaa naa'in sümaa. Tü pütchi laülaasükaa sunaatajatü sukua'ipa tüü süpüla kajutuun wayuu, eeninatüin sutumna saa'inmajia tü eekaa ama'ana, saa'inmajia wayuu eküinatükaa sünainjee jee müsia tü e'raakaa wayumüin walaainjatü aka kasalajanian ajutuukoo tüü

Aküjiaa 118. Tü sü'laülasükaa mmakaa aashajaainjatü jee saa'inmajüinatü tü paa'inwaakaa sünain a'yatawaa, akaaliaayajirawaa sünain kasakaa süpüshua'a, sümaaya a'yatawaa süka nneerü, anülijaa nneerü, aikawaa, akotchiraa eküülü sümaa kasa cho'ujaain süpüla anainjatüin wayuu süpüshua'a sünainjee

Mekiisatsü shi'ipa

Najutummaajatü wayuu Napüshua'alee

Aküjiaa 119. Sutuma tü sü'laülasükaa mmakaa kajutuunjatü wayuu süpüshua'alee, tü sukua'ipakaa apüshii jee wayuwaa, tü saa'inrakaa wayuu, shi'yataaya wayuu, tü sütijakaa apüleerua wayuu, sünüiki jee sünoujala wayuu, jee müsüja'a mma nepijaakaa alu'u wayuu eetüjüliikaa alu'u naya süpaalakaa namüin laülaayuu sümaiwayatü, cho'ujaakaa namüin süpüla eenbjanain naya sulu'u. Natuma na laülaayuu shikiipu'ukana mmakaa nakatalüinatü süpüla eeninatüin noumain wayuu nama'ana jee müsia shia nnojotsü kasama'ainjatüin, nnojotsü ajattajatüin, nnojotsü asütunüinatüin, nnojotsü atte'ennajatüin sümüin naatajatü, sükajeejatü sukua'ipa tüü, pütchi laülaasü anaatajatkalüin.

Aküjiaa 120. Tü sukua'ipajatükaa atumaa tü eekaa sulu'u mmakaa suumain wayuu, sutuma sü'laülasü mmakaa mülo'usukoo eesü süpüla saapaain sünain nnojolauaianjatüin jamajüin sukua'ipa wayuu, napüshi jee tü na'yaataainkaa wayuu jee müsüja'a shia aapinneeshi sümaa nasakinnajanain na wayuukana. Tü anaakaa sünainjee tüü namüin wayuu napüshua'a sükajeeinatü sukua'ipa pütchi laülaasükaa jee tü anaatiaakaa akua'ipaa

Aküjiaa 121. Tü wayuukoluirua süpüshua'a kajutshii süpüla ayatüinatüin waneepia tü akua'ipaakaa sümaa wayuwaa natuma, e'raajaa sukua'ipa

mma'akaa, sūtūjala wayuu, naa'inpala wayuu jee tū mma pūlasūin namūin sūmaaya nanoujala. Tū sū'laūlasūkaa mmakaa jūlūjainjatū saa'in tū sujutkoo jee sūkūjia sūchiki sukua'ipa wayuu sūpūshua'a. Kajutshii wayuu sūpūla ayatūinjatūin tū ekirajaayakaa natuma jee mūsūja'a wanee atijaa sūkajee piamasaa akua'ipaa jee anūikii sūnain kajutuinjatūin tū sukua'ipapalakaa wayuu jee tū natijakaa apūleerua

Akūjiaa 122. Tū wayuuloluirua sūpūshua'a kajutshii sūpūla eenjatūin wanee anaa anasūin namūin aashajaakaa sūchi tū natijakaa apūleerua. Sutuma tū sū'laūlasūkaa mmakaa kajutajatū tū sunu'ushekaa jee shiijajia wayuu ayatakaa atuma sujutu tū kataakalū o'u.

Akūjiaa 123. Tū wayuukoluirua sūpūshua'a kajutshii sūpūla ayatajatūin natuma jee nakūjainjatūin sūchiki sukua'ipa a'yatawaa akumajaakaa sūkaa kaaliajirawaa, kottirawaa jee awanajirawaa, tū a'yatawaa naa'inrapu'ukoo wayuu, tū eewaakaa apashaa natuma wayuu sūnain a'yatawaa yaajatū yaa sa'aka alijuna jee mūsūja'a nachajaainjatūin tū anaakaa namūin. Wayuu sūpūshua'a eeshii sūpūla ekirajawaa sūnain atijaa mūlo'usu, eenjanain sūnain akumajaa sukua'ipa eekai e'itaanūin sūpūla atijaa. Eejeesū nayaaliu'u wayuu tū akaaliajaakaa natuma atijashii jee nneerū sujutu anaiwa na'yataain sūpūlajee een wanee anaa sulu'u mmakaa. Sutuma tū sū'laūlasūkaa mmakaa eenjatū namūin na a'yataliikana wayuu tooloyuu sūmaa jieyuu najutu waneepia sūnain a'yatawaa.

Akūjiaa 124. Eenjatū atumaa saa'inmajia tū atijalaakaa sutuma wayuu sūpūshua'a, tū atijalaa ama'anajatūkaa, tū sukua'ipakaa a'yatawaa jee ajuinajiralaakaa sutuma wayuu. Kasakaa sūpūshua'a a'yataanūin sūka eekai katūin o'u jee tū atijalaakaa sūnainjee. Nnojotsū achekūnūin saapaanūin natuma naatajana tū eekaa suumainru'u wayuu jee tū atijalaa kama'aitkaa nama'ana wayuu. kajutshii sūpūla eewaa sūnain aa'inraa kasa kajutsu. Sutuma tū sū'laūlakaa mmakaa eenjatū wayuu shikiipu'ujana pūtchi sulu'umūin tū ajutkajawaakaa mūlo'usukoo yaajatū yaa

Akūjiaa 125. Tū wayuukoluirua sūpūshua'a jee mūsūja'a tū ajutkajaleekaa kuyamatkaa pūtchi sulujutu shi'ipakalūirua mmakaa eekaa alu'u wayuu

Akūjiaa 126. Tū wayuukoluirua sūpūshua'a sūkajee wayuin naya kama'airū

suurala nakua'ipa, nayale'eya sulujuna mmakaa tüü, wenesueelaje'ewalii ya'asa waneesia nee'e noumain, laülaa shimiiwa'a jee müsia shia nnjotsü apaajiraanajatüin. Sükajee pütchi laülaasü kaalianjatü mmakaa napüla wayuu, ayatüinjatü waneepiain tü mmakaa jee tü laülawaakaa shimiiwa'a sutuma.

Tü pütchi pueewulo münakaa nnojotsü e'itaanajatüin tü süküjiaakaa sulu'u tü laülaasükaa pütchi müinyaka süküjia sulu'u mma wattapünaa

Mekietsalü shi'ipa *Sujutumaajatü mmapa'akaa*

Aküjiaa 127. Kajutsu atumaa jee müsia shia naa'irajatü napüshua'a wayuu süpüla ka'ikaa süpüshua'a tü aa'inmajaakaa jee alee apüla tü mmapa'akaa nayaalu'u wayuusunaayalee nachonyuu. Wayuu napüshua'a eeshii süpüla anasüinjatüin nepiapa'a, keisalain, wulein, anain süpüshua'a tü eekaa sulu'u. Saa'inmajajüinjatü mmapa'akaa tü sü'laülakaa mmakaa, tü eekaa katüin o'u sulu'u. tü sukumajaayakaa, tün ashe'itüleekaa eekaa sulu'u mmakaa, wuchii, wuna'apü, jasai, kasakaa süpüshua'a eekai eein mmapa'apünaa. Tü katakaa anainjee o'u wayuu nnojotsü eeinchi wanee wayuu a'laülaajaain soo'u akumajunajatü sutuma laülaayuu sukua'ipa ti'a.

Anainjatü sukua'ipa sutuma tü sü'laü lakaa mmakaa sümaayalee wayuu süpüshua'a süpüla eeinjatüoin shiaalu'u wayuu wanee mma keisalasü, wulesü, eere anainjatüin joutai, wüin, shi'iruku mma, sotpünaa palaa jee süchi, joutaikkaa iipünaamüin sukua, tü wuchiikkaa eekaa sümaa wayuu aa'inmajünajatü süpüshua'a sükajee pütchi laülaa.

Aküjiaa 128. Tü sülaülasükaa mmakaa shi'yataainjatü amaa sukumajia tü mmapa'akaa süpüla anainjatüin süpa'apünaa, wayuu sulujutu, sukua'ipa wayuu sümaa, shi'yataaya wayuu, saa'inralaa wayuu, sükajee a'yatawaa anainjatükaa anainjee wayuu, eere sütüjaanatüin oo'u eekai aa'innüin, asakinnajatü anain palajana süpüla eeinjatü wayuu sünain. Sükajeeinjatü pütchi laülaa sukua'ipa tü süpüshua'a

Aküjiaa 129. Süpüshua'ale tü a'yatawaakaa eekai amoujainjatüin tü mmapa'akaa acheküsü sümaainjatüin wanee asakiraa palajanaa, müleka

anainjatülesümüin mmakaan jee sukua'ipa wayuu kepiain sulu'u. Sutuma tü sü'laüle'eriakaa mmakaa nnojoluinjatü ekerole'enüin kasa eekai mojuin sümüin mmakaa, jee müsüja'a tü akumajaakaa a'apülaa, kasakaa süpüshua'a o'utasiro'uluin. Sukajee wanee pütchi kajutsu anaatüneerü sukua'ipa shi'yataaya, sülü'üjia jee sünaajaaya kasakaa süpüshua'a o'utasiro'uluin.

Sünain tü saa'inrajatükaa tü mmakaa sümaa wayuu jee alijuna wattaje'ewalü jee müsia saapünülee ekii müleka sünainpünaale tü mmapa'akaa tü aa'innajatükaa, aneesü sukua'ipa shiaalu'u tü eekaa mmapa'a, süttaaiwa sulu'ümüin a'yatawaa acheküsü een waneepia sujutu saa'inmajia tü mmapa'akaa sükajee pütchi sünaatia sukua'ipa.

Po'loo Shi'ipa *Sümaajatü tü aa'innajatükaa*

Aküjiaa 130. Na Wenesolaanakana toloyuu sümaa jieyuu eenjana süpüla ainjatüin sümaa kaaliainjatüin tü mmakaa süpüshua'ale napüla, sümaa shejetshe, sujutu sukua'ipa, naa'inmajüinjatü eepünaale süntüin laülawaa sutuma, tü wayuuwaakaa sulu'u, tü koumainwaakaa sulu'u, tü laülawaakaa aa'in jee tü anaakaa sümüin mmakaa.

Aküjiaa 131. Wayuu süpüshua'a kajutajatü sümüin tü laülaasukaa pütchi yaajatü yaa jee müsüja'a kasakaa süpüshua'a akumajaain yayaa sükajeejatüin sünülia.

Aküjiaa 132. Wayuu süpüshua'a naa'inrajatü tü e'itaanakaa sukua'ipajatüin wayuu jee naya eenjana sünain tü a'yatawaakaa süpüshua'a, eere naashajainjatüin süchiki jee nakaaliajüinjatüin sujutumaajatü wayuu süpüla eenjatüin anaawaa jee wanaawaa anaalu'umaa.

AAküjiaa 133. Wayuu süpüshua'a acheküshii een sünain akaaliajaa eenjhatükaa anainjee nneerü cho'ujaakaa sümüin wayuu. Wayuu napüshua'a nawalaajüinjatü nneerü suchuntakaa mmakaa juyawai, ka'laülajanasü ti'a shimiiwa'a.

Aküjiaa 134. Wayuu süpüshua'a sükajee tü anaatiaakaa akua'ipaa, eenjana süpüla o'unaa sünain surulaalaa süpüla kaalianjatüin, saa'inmajüinu'injatüin tü

mmakaa kalu'ukaa waya jee müsüja'a akaaliajaa wayuu süpüshua'a kasachiko'ulu. Nnojioishi eeinchin wanee wayuu apüleeruain süpüla ataünnaa

Wayuu süpüshua'a naa'inrajatü tü aluwataanakaa anain naya su'utpünaa ajutaa. Sükajeesü pütchi laülaa anaatia akua'ipaa.

Aküjiaa 135. Tü saa'inrajatukaa sü'laüla mmakaa sükajee tü laülaasükaa pütchi jee tü sünatiaakaa akua'ipa, süpüla anainjatüin wayuu sulu'ujee, nnjotsü waneekatüin suulia tü saa'inreekaa süka saa'in wayuu süpüshua'a. Eejeere sutuma sü'laüla mmakaa tü anaakaa sümüin shiaalu'u. eekai a'yataajeein sükajee wanee atijaa, eeshii süpüla na'yataain shiaalu'u mmakaa jee wayuu süpüshua'a, sünainjee pütchi laülaa anaatakaa sukua'ipa ti'a.

PIENCHI SHIKIJEE SÜTCHINMAAJATÜ SUKUA'IPA ALUWATAWAA

Wanee shi'ipa
Tü Sukua'ipajatükaa Waneepia

Palajatükaa: Sukua'ipajatü Süpüshua'a

Aküjiaa 136. Tü sutchinkaa aluwatawaa laülaapialu'u apaajiraasü sünainjee tü sü'laüle'eriakaa sümotsojia Munissipio münakaa, sü'laülasü tü shi'ipakaluirua mmakaa Estaado münakaa jee müsüja'a tü mülo'usukoo shikijeesükaa mmakaa, Nasioonaalü münüsü. Tü aluwatawaaakaa yayaa apaajiraasü süka kuyamatkaa pütchi laülaasüjatü legislatiwa münüsü, aluwataasujatkaa shiaja'a tü jekutiwa münakaa, anaatiajatükaa akua'ipaa shia jutisiaalü münakaa. Tü sutchinjatükaa sukua'ipa wayuu siulalaana münüsü jee tü süpülaajatükaa ajutaa shia tü electoraalü münükaa.

Waneekatüwaisü tü shi'yataainkaa aluwatawaa akatsa akaaliajiraain süpüla pannsainjatü tü aluwatawaaakaa sulu'u süpüla anainjatüin sukua'ipa tü süchekaka mmakaa.

Aküjiaa 137. Tü laülaapiakaa sulu'u mmakaa anaatajatükaa sukua'ipa kasa supushua'a süpüla eeinjatüin kajutaa anaalu'umaa, anaa atuma mmapa'akaa jee

müsüja'a saa'inmajia nakua'ipa wayuu napüshua'a.

Aküjiaa 138. Müleka shinnüle amüin eekai laülaasüin sulu'u tü laülaapiakaa matijainsalu, jee müsia tü saa'inrakaa majutsalü.

Aküjiaa 139. Tü sukua'ipakaa aluwatawaa sulu'u laülaapia kalu'ujeesü wanee kaainjalaa müleka majutule atumaa tü pütchi laülaasükaa anaatakaa akua'ipa.

Aküjiaa 140. Tü su'laülakaa mmakaa shiainjatü kanüika soo'u tü alaakaa sümüin wayuu, sümaa tü eekaa nama'ana jee tü najutkoo müleka shiale kasirüin sukua'ipa tü laülaapiakaa.

Piama süchikijee:

Shi'yataayakua'ipa mmakaa sümüinjatü wayuu.

Aküjiaa 141. Tü shi'yataayakua'ipakaa mma namüinjatü wayuu napüshua'a-le'eya tooloyuu sümaa jieyuu sükajeesü süno'utia pütchi, makatka laülawa aa'in, tütaa, atijaa, anaa a'yataain, atijaa sukua'ipa ni'yaataain wayuu jee müsüja'a tü kajutaakaa sünnain aluwatawaa sükajee püchi laülaa anaatiaajatü akua'ipa. Sükajeesü sa'anasia pütchi, akua'ipain anasü, a'yatawaa anasü, eewaa aa'inn, atüjaa süpülee kasa, tütaa, Pansawaa jee kayutaa atuma kasa.

Aküjiaa 142. Tü laülaapiakalüirua akumajaaainjatü sükajee pütchi laülaa, eepünaale joolu'u shi'yataain ayatüinjatia o'unuin sukua'ipa sükajee sü'laüle'eriakaa mmakaa.

Aküjiaa 143 Na wayuukana napushua'alee tooloyuu sümaa jieyuu aapinneeshii sushukua tü shi'yataakaa mmaka, eepünaalen nachuntuin, suchukua a'yatawaa nanaipünain wayuu, jee na wayuu eeshi süpüla nattaain sünnain asanawaa sükaralo'utashe a'yatawaa, sünnain nnojoliijanain jamüin naya süka kajutuun sutuma anaatiakaa akua'ipaa tü aa'inmajaakaa sulu'u mmakaa jee müsüja'a anoipa'a, asakiraakaa süchiirua asiruuwaa jee müsia tü kajutaakaa nepialu'u. Na a'yataaliikana laülaapialu'u nnojoliinjana süsalan eekai naküjain achiki müleka na'yataainren.

Apünüin Süchikejee:

Aa'inraajatükaa laülaapialu'u shialu'u wayuu

Aküjiaa 144. Tü anaajütkaa akua'ipaa shiainjatü akumajaka tü anakaa sümüin tü a'yatawaakaa sulu'u laülaapia, eesü sütüjaanajatüin oo'u tü nneerü ekerolokoo, aya'lerakaa sujutu shi'yataain wayuu, atte'erakaa sünain a'yatawaa, aakaje'erakaa sukua'ipa a'yatawa jee müsia ajutunaa sulu'ujee a'jatawaa laülaapialu'u, saa'innajatüpa tüü kajuteeshi na wayuukana.

Sünain supushua'a tü a'jatawaakaa sulu'u laülaapiakaa, akumajunüsü tü ainnajatüka sulu'u karalo'uta kajutsu, süpüla natijaainjatü soo'u tü naa'in-rüinjatükaa na a'yataashiikana süpüla anain na'yataain.

Aküjiaa 145. Na a'yataaliikana laülaapialu'u tooloyuu sümaa jieyuu a'yataashii sümüin tü su'laüle'eriakaa mmakaa, ne'itaanapa jee nawanajaanapa nnojoliishii sükajanain pattiido. Eekai a'yataashiin sümüin tü Munissipiokoo, sulu'u tü shi'ipakaa mma Estaado münakaa jee sulu'u mmakaa mülo'usukoo sümaa laülaapiarua kottuin sümaa tü awalaajuushikaa, nnojoliishii anaataainjanain nakua'ipa sümaa, nnojoliishii suluwaataainjanain naatajatü wayuu, nnojotsü sünüliamaainjatüin, shiaja'a nee'e tü shi'itaakaa tü anaatiaakaa akua'ipa sünain shikiipu'u aa'inraa wanee kasa.

Aküjiaa 146. Tü a'yatawaakaa sulu'u tü laülaapiakaa sümüinjatükaa wayuu sükajeesü atijaa karalo'uta, akatannüsü suulia tüü naa ajautuushikana oo'u, eekai e'itaana'alüin anain wayuu jee awanajaalin, tü eenajaanüin anain süpüla palit ka'i, na wayuu a'yataaliikana oureeran laülaapialu'u jeetü sünaatüin akua'ipapütchi laülaasü. Waneeja'a sümüin na'yataain na ajutuushikana oo'u, na awanajaapu'uin jee na e'ittaana'alüin, na yamamashiikana matsamüin, na a'yataalii jee müshia chi eekai sutuma tü laülaasuka pütchi.

Na a'yataashiikana sulu'u tü laülaapiakaa aneekajuushii. süpüla tü na'yataainkaa sulu'u sükajee natijain süpüleerua tü naa'inraajatükaa. Aya'lenna münüshija'a sükajee anasüin na'yataain jee tü alatirakaa sümaa aakajennaa suulia a'yatawaa sükajeesü sukuaipa na'yataain wayuu.

Aküjiaa 147. Süpüla tü a'yatawaakalüirua awalaajuushikaa akatannüsü tü nneerü cho'ujaakaa süpüla suwalaajia Tü nneetkaa awalaajünakaa aka

a'yataaushi sulu'u laülaapia, akumajuushi akua'ipalü sulu'u tü anaajütkaa akua'ipaa.

Shikijeesü wanee pütchi laülaa tü ayaawatakaa wanaakaa sümaa tü nneerü awalaajiakaa na a'yataashiikana sulu'u laülaapia su'laüle'eria mma Estado münakaa jee müsia tü amotsojiakaa mma Munisiipio münakaa.

Tü pütchi laülaasükaa shiasü akumajaka sukua'ipa shikettaajapa a'yatawaa jee tü awalajünakaa namüin na laülaayuu ma'yataainnapain, na sulu'ujunakana sü'laüle'eria mma Estadokoo jee tü mma munisiipiokoo.

Aküjiaa 148. Nnojotsü eenjatüin sümüin wayuu piama awalajaashi soo'u a'yatawaa, waneeseesü shi'yataain wayuu yanamain sünain eikaa, eiyajaa, a'yatawaa sulu'u laülaapia süpüla piamaain ni'yataain acheküsü nu'ulaain wanee, o'ulaanüsü a'yataashiires soo'opünaa wanee wayuu.

Waneetueesü ekattaajünüin sukua'ipa saakaje'eria a'yatawaa.

Aküjiaa 149. Na a'yataaliikana laülaapialu'u nnojoliishii süpüla naapaain wanee a'yatawaa ya'asa, asülajalaain sutuma laülaayuu naatajatü ouumain wattajeejatüin müleka nnojolui aapajuushin shikii natuma na aluwataashiikana laülaapialu'u.

Eeere atumaa tü a'yatawaakaa laülaapialu'u süpüla akotchiraa sümaa eenajawaa wayuu sünain ajutkawaa süpüla ajutaa noo'u wanee laülaayuu aluwataakaa, eesü süpüla saakejennüin sulu'ujee a'yatawaa na wayuu müin aainjala yaa.

Na a'yataaliikana laülaapialu'u süttakana soo'u naainjala shi'ipamüin sukorolo wayuu aakajennüsü suulia a'yatawaa sükajee tü anaatiaakaa akua'ipa.

Pienchi shichikejee:

Sukua'ipajatü a'yatawaa sümüin wayuu

Aküjiaa 150. Tü sukua'ipakaa a'yatawaa sümüinjatü wayuu sulu'u mmakaa yayaa shiainjatü e'itaakaa sukua'ipa tü Ajutkawaa Mülo'usuko sulu'u mmakaa.

Nnojolüinjachi een wanee a'yataashin laülaapialu'u sulu'u shii'ipairua mmakaa tü Estaado münakaa jee müsüja'a tü Munisiipiokoo ssümaaayalee wayuu kepiasü sulu'u Wenesueela sünain ssitijaainjatüin soo'u tü Ajutkajawaakaa Mülo'usukoo.

Aküjiaa 151. Nnojotsu süpüla süchajaanajatüin sukua'ipajatü a'yatawaa anainjatükaa aka wayuu yaajatü sulu'u shii'ipairua mmakaa Estaado münakaa jee shii'ipajeekaa tü'üya.

Tü laülaasüin wattajeejatüin jee müsüja'a sümaa a'yataajiraasüirua nnojolüin shipiajatüin sulu'u wenesueela, süma nnojolüin saapüin shiikii laülaayuu.

Tü anaatiakaa akua'ipa shijatü achuntaka sulu'u sukua'ipa a'yatawaa shiaalujutu wayuu, atijawaa soo'u jaleje'ewalüin, nepia jee müsia kasain cho'ujaain süpÜla anainjatüin sukua'ipaEstaado münakaa jee sumotsojjakaa mma Munisiipiokoo. Sümaaayalee tü sulu'u a'yataalekaa supushua'a, achajaain sukua'ipajatü a'yatawaa sümüin wayuu supushua'a, sünüliamaale wanee wayuun; shiainjatü nee'e akumajaka sukua'ipa, tü anaatiakaa akua'ipaa sükajee laülaasü pütchi.

Ja'rai shi'ipa:

Sümaajatü shiraajiraaya mmakaa wattapünaaa

Aküjiaa 152. Tü shiraajiraayakaa mmakaa watapünaa sükajeesü tü sü'laüsukaa süpüla kajutajatüin tü laülawaakaa shimiiwa'a sutuma jee müsüja'a tü nachekakaa na kepiakana sulu'u, sukua'ipa o'unusu sünainjee tü waneejataakaa jee tü wanaawaakaa sutuma sü'laüla mma, kajutsü sukua'ipa sutuma nnojotsü jamajüinjatüin atumaa, sunaateerrü sukua'ipa kasachiki alatüin sümaa wanee mma'aya süka anakaralu'u, akaaliajarawaa, kajutaa atuma wayuu jee aleewaa sümaa mma süpüshua'a anaiwa wayuu sünainjee. Mmakaa tüü yala'yaleerü sukua'ipa waneepia süpüla kajutuinjatüin sutuma pütchikaa tüü jee müsüja'a wanaawaa anaamalu'u sümaa mmakaa süpüshua'a.

Aküjiaa 153. Tü mmakaa mülo'usukoo süchajaaianjatü kottaa sümaa tü mmakalüirua pejepünaakaa sünain jee tü mmakalüirua kapalaainsükaa Kariiwe, süpüla een wanee paa'inwaa sutuma mmakalüirua tüü süpüshua'a, eere kaaliainjatüin sutuma sukua'ipa shi'yataaya, sukua'ipa wayuu,. Sukua'ipa tü aa'innakaa jee tü mmapa'akaa. Tü mmakaa mülo'usukoo eesü süpüla

süshajiraain pütchi aashajaaushi sümaa wattapünaa eekai anainjatüin anainjee tü mmakalüirua sümaa wayuu süpüshua'a sulujutu süpüla tüü, tü mmakaa mülo'usukoo eesü süpüla kanülin sutuma süka karalo'uta laulaasüirua wattapünaa, tü a'yatawaakaa sünnain kasakaa süpüshua'a cho'ujaaain süpüla kottiraain mmakalüirua. Sulu'u tü süchajaakaa kottuinjatüin tü sa'ato'upünaakaa mma sümaa jee tü Kariwejatkalüirua, eejeesü sutuma ya'asa aleewa sümaa liweroameerika, sünnain kottajatüin sümmaa süpüshua'alee Ameerika Latiina. tü pütchi laülaa sukua'ipakaa achajaasü waneepia wanee kottitawaa sutuma mmakalüirua, shieerü anaataka sukua'ipa tü pütchi laulaasü yaajatükaa yaa.

Aküjiaa 154. Tü aashajaaushikaa sünnüliamaakaa mmakaa sujutajatü sutuma tü Ajutkajawaakaa sünnain akuyamajaa pütchi yaajatü yaa süpülapünaa kajutuinnutuma chi laülaashikai otta laÜlaasülen shikiipu'u mmakaa, akatalu'u suulia tü karalo'uta sünnüliamaain mmakaa süpülaajatüin a'yatawaa jee tü saa'inrüinjatüin paala tü mmakaa, e'itawaa pütchi kajutsüin sutuma, e'itawaa a'yatawaa sünnain shiraajiraaya mmakaa wattapünaa jee müsüja'a eekai shi'yataainjatüin tü laulaasükaa sulu'u.

Aküjiaa 155. Sulu'upünaa tü aashajaaushikaa süpüshua'a shikettaajakaa amaa tü mmakaa mülo'usukoo wattapünaa, eeninatü wanee karalo'uta sünaaatia sukua'ipa süpüla sukua'ipajatüin shia süka anakaralu'u watapünaa, acheküsü achajaanaa waneepia anasüin saashajaaya süpüla shikettajünüin sukua'ipa mmakaa watapünaa.

Piama Shi'ipa

Sütchin aluwatawaa yaajatü sulu'u woumain

Aküjiaa 156. Kapülainjatükaa saawain aluwatawaa sulu'u woumain shia tüü:

1. Tü shi'ipamüinjatükaa jee aa'innajatükaa sümüin tü wattajeejatükaa.
2. Tü saaliashaanakaa jee tü saa'inmajiakaa ma'in eekaa sulu'u supushua'a woumainkaa, saa'inmajia anain tü mmakaa shiaaluu wayuu jee müsüja'a lotuin sukua'ipa tü anaajiriaakaa süpa'apünaa mma yaajatü.
3. Tü sukuluutseka, shejeetchikaa, shii'irainkaa, ayaalu'ujutuukaa sutuma mmakaa yaajatü yaa.
4. Tü antaakaa atte'erakaa jee ajutaa tü wattajeejatüin.

5. Sukua'ipa e'raajia
6. Tü aa'inmajütkaa yayaa.
7. Saa'inmajia jee sükaaliajia, sünaatia jee sukua'ipajatü sütchin tü ka'apülasükaa shiaalu'u mmakaa.
8. Tü sünaatiakaa jee sukua'ipajatü shikiisüka mma jee tü shi'ipakaa shirokujatükaa palaa.
9. Tü miichi nneetpalaka mülo'usukoo, tü sukua'ipakaa nneerü jee müsia sünaatia nneerü wattaje'ewat.
10. Tü anaajütkaa, akotchajütkaa, shi'yataaya jee saa'inmajia tü nneerü awalaajiatüka, soo'omüin tü eekaa ama'ana, sujutu aya'lajuushii wattajee, sujutu akumajalaa, soo'omüinkaa sülia kasa, sujutukaa meno'ulia jee saanasio'uliakaa ipa, sümaayale'ejaa tü waneerua awalajiakaa, jerainjatüin jee müsüja'a tü akanalaa nnojolüin sünainpünainjatü tü shii'ipakalüirua mma sutuma tü laülaasükaa pütchi jee tü anaatusüjatkaa sukua'ipa tü aapajuushikaa yayaa.
11. Tü sünaatiakaa jee sukua'ipa tü asanütkaa korolo.
12. Tü sükua'ipakaa jee shi'yataayakaa tü sa'anosio'ukalüirua ipa sümaa meno'ulia, tü sukua'ipakaa tü mma malujanatsatkalü jee saa'inmajia, sujutu sümaa jaloulin tü wuna'apükalüirua, mmapa'a, wüin jee müsia wane'eyasa suwashirüin tü woumainkaa.
13. Tü laülaasükaa sulu'u shiipakaa mma eesü süpüla anain ma'in sümaa sünaatiaka akua'ipa, aikaa, a'ananapajiraa, otta asülajalaale sukua'ipa tü mmakalüirua maa'inrüinsatkaa, akatsa nnojolüinjatüin jamüin atumaa tü mma ichiipalakaa.
14. Tü mmakalüirua malujunatsatkaa eekaa sulu'u tü mmairua palairukajatü, shirokujatükaa süchi jee müsüja'a wüin mülo'u jamatsü, nnojotüjamajüinjatüin amünii, jee müsüja'a kajuteera shia atumaa eesüja'a süpüla een wanee sukua'ipa yaa, sünain nnojolüinjatüin müinka sütte'enakai tüü sujutkoo tü mmakaa.
15. Na laülashikana sulu'u tü mmakaa nnojoliishii süpüla naapüinjatüin shikii mma kalu'u sa'anasio'u ipa maima ka'i.
16. Tü sünainjee sünaatiakaa akua'ipa, eeninatü sutuma sukua'ipa sujutu anasü, sulu'u tü mma eere een joolu'u tü kasa süpüshua'a, aashajaana-jütkaa paalajeepe, suulia maalijüin wanee mmayaa sünain tü kajutaakaa sükajee tü eekaa sulu'u.
17. Tü Sukaa'ipajatükaa süpansaaajia tü jamatsükaa jee sa'ajapüin.

18. Tü ayaawajaakaa jee ayaawatiaa yaajatü yaa.
19. Tü eenjätükaa jee shi'yatajatü sümaa süpansaajia waneeseein sünatia jee saa'inria sümaayalee achajawaa sukumajia sukua'ipajatü a'yatawaa mülo'u.
20. Süpüla anasaa mülo'u, süpüla süliajatü kasa, süpüla sukua'ipa nneerü awalaajijatü yaajatü yaa.
21. Tü sukua'ipajatükaa jee müsia sünaajia tü anainjätükaa anainjee wayuu supushua'a.
22. Tü aa'innajatükaa yayaa süpüla een miichi, süpüla eeintüin neküinpala wayuu, saa'inmajia jee sünaajia tü mmapakaa.
23. Tü eenjätükälü yayaa süpüla atüjaa, anaa jee müsia tü aa'innajatükaa yayaa shiaalu'u.
24. E'itawaa sukua'ipa tü aa'innajatükaa sulu'u tü mmaakaa ya'aya süpüla eenjätüin pünajü, epijaa mürüt, olojoo jime jee sukua'ipa a'yatawaa wuna'apü.
25. Tü e'ejetuukoo mmalu'upünaajatükaa yaajatü yaa, jee müsia süpuna e'ejetuu iipünapünaajatü, palaaairukulu'upünaajatü, shirokupünaajatü süchi jee müsia wüinrukulu'upünaajatü yaajatü yaa.
26. Tü sukua'ipajatükaa apünaa jee süpünapala türen.
27. Tü alü'üjütkaa karalo'uta jee Tü su'walakaajiakaa pütchi.
28. Tü Sünaatiajatükaa jee shi'yataayajatü sukua'ipa kajutaa anaalu'umaa jee müsia tü laülaapiakaa süpülajatükaa wayuu.
29. Tü sünaatiajatükaa ajutuirua sumaa aaliaairua jee müsüja'a tü eekalü atuman, tü sunatiakaa sukua'ipa wayuuwaa, sukua'ipa sünatiakaa a'yatawaa, sunatia sukua'ipa aainjalaa, sunatia sukua'ipa aainjalaalu'u, sunatia sukua'ipa anakaa pia sümüin kasa jee müsia sukua'ipa ajutuu wappünaa, sukua'ipa aneekajaa laülaashijana, sunatia sukua'ipa saapaaya mma shiaalujutu wayuu, sünaatia sukua'ipa a'anapajaa nneerü, sünatia sukua'ipa kama'ana atüjalaa, akumalaa jee akumalaa mülo'usu, sünatia sukua'ipa mma, sünatia sukua'ipa wayuu antüsüirua jee o'onoosüirua, sünatia sukua'ipa wayuu supushuaa, sukua'ipa mmapa'akaa, wüin, sünaatia shiaawashepala mmapa'akaa, sünatia sukua'ipa miichipa'apüle, sünatia sukua'ipa o'unajawaa, a'yatawaa, shiaalujutu jee anaa sümüin wayuu, sünatia sukua'ipa anaa sümüin mürüt jee wunu'ulia, ashajülee jee anaajaalee pütchi, sünatia sukua'ipa anaajalee nneerü sümaayalee laülaapiairua aapajülü nneerü, sünatia sukua'ipa saa'inmajia jee shi'yataaya eepüle eekalü ama'ana, sukua'ipa asheitajaaya,

suwanaajüle ama jee müsüja'a sheitakalü supushua'a, sünatia jee sukua'ipa tü laülaapiakaa yaajatü yaa sümaayaleeja'a laülaapiakalüirua eeyain mmakaa süpa'apüna shi'ipairua mmakaa jee müsüja'a sukua'ipajatü kasakat supushua'a sümünjatüin wayuu yaajatü.

30. Tü sukua'ipakaa tü e'etuukoo sulu'u mmakaa iipunapünaajatü, mmalu'upünaajatü, palaaairikupünaajatü, shirokupünaajatü süchijee wüinrukuupünaajatü yaajatü yaa, tü süshawajüleka anuwa, sunnule katünasü jee müsüja'a tü cho'ujaakaa süpüla eenjatüin.
31. Tü sukua'ipaka apünaajatü jee tü súpünajatükaa türen.
32. Tü sukua'ipajatükaa alü'ujiraa karalo'uta jee tü su'walakajiakaa pütchi süma'aleeya a'itu'upünaa.
33. Tü sukua'ipakaa tü cho'ujaakaa sümüin shipia wayuu süpüla warattuin miichi jee wopü, wuin asünajatü jee tü epejiakaa kosiina.
34. Sukua'ipajatükaa atumaa tü sülüjülekaa mmakaa süpüla eenjatüin Wenesueelaje'ewalaaa sümaa sujutu jee saa'inmajia tü mmakaa.
35. Tü sünaaatiajatükaa jee shi'yataaya sukua'ipa kajutaa anaalu'umaa jee müsia tü laülaapiakaa akaaliajünjatükaa wayuu.
36. Tü sukua'ipakaa pütchi sümaajatü ajutuu, aa'inraa jee tü eenjatükaa atuman, sukua'ipa wayuwaa, aikawaaa, kaainjalaa, aainjalaalu'uwaa, anakaa sümüin ksachiki, sukua'ipa ajutuu watapünaa, ajautaa jee aneekajaa, sukua'ipa saapaaya mma shiaalujutu wayuu, sukua'ipa nneerü a'analapaa, kama'ana aatijaa kasa jee atijalaa mülo'usu, sukua'ipa mmakaa sümaa suwashirüin, sukua'ipa mma apunajunakaa alu'u, sukua'ipa eekai antüsuin jee kepiaa sulu'u wenesueela, sukua'ipajatü wayu ssüpushua'a jee tü mma kalu'ukoo naya, sukua'ipa a'yatawa, saaa'inmajia jee suwalaajia sükalia a'yatawaaa, shiijajia mürut sümaa wunu'ulia, sukua'ipa tü ashajülee jee tü anaajaaleekaa pütchi, sukua'ipa shipia nneerü jee saa'inmajia wayuu, ashe'itajaaya, suwanaajüle amaa, sukua'ipajatü aluwatawaa süpa'a mmakaa shiaalu'u wayuu jee tü shi'yataaya tü laülaapiakalüirua süpüshua'a.
37. Kasakaa supushua'a eekaa akumalain sünainjee tü laülaasükaa pütchi saa'inrajatüin tü laülaapiakaa nakajee na a'yatakana sulu'u..

Aküjiaa 157. Tü Ajutkajawaakaa Mülo'usukoo yaajatükaa yaa sükajee nanüiki maimashii na sulujunakana, eesü süpüla naapüin laülawaa soo'u süpüshi kasa sümüin tü sumotsojiakaa mma munisiipiokoo otta sümüin shi'ipa mmakaa tü

Estaado münakaa süpüla laülaainjatÜin shia shimiwa'a.

Aküjiaa 158. Tü laülawaakaa shimiwa'a sutuma tü shi'ipakalüirua mmakaa müleka shikiisüi aluwatawan anainjatü mmapa'akaa, wanaawainjatü sümaa laülaain sukua'ipa wayuu sutuma, anaiwa kasakaa süpüshua'a tü aa'innakaa sulu'u mmakalüirua.

Apünüin Shi'ipa

Sukua'ipa Aluwatawaa sulu'u tü Estaadokoluirua

Aküjiaa 159. Tü shi'ipakalüirua mmakaa mmaairua laülaasü shimiwa'a, ka'laülajanasü suluwataaya jee shi'yataaya akatsa ayatüinjatüin natuma waneesüin mmakaa laülaasükaa, laülaa shimiwa'a jee müsüja'a sukua'ipa tü pütchi mülo'usukoo.

Aküjiaa 160. Tü aluwatawaaakaa jee shi'yataaya tü Estaadokoluirua shikijeesü sukua'ipa wanee shikiipu'u. Süpüla laülaashinjachin shikiipu'u otta laülaasüinjatüin shikiipu'u tü Estaadokoluirua acheküshii Wenesolaanain, alatüirüin nouyase suulia piama shikii ja'ralimüin jee müsia ka'wayuuseinjanain naya.

Na shikiipu'uinjanain tü Estaadokoluirua aneekajuushi süpoüla naluwataain pienchi juya natuma na kepiashiikana sulu'u tü mmakaa. Eeshii süpüla nei'itaanüin nachukua'a watuane'e saa'amüin sükañlia naluwataaya.

Aküjiaa 161. Na shikiipu'ukana tü Estaadokoljuirua acheküshii nakjain sukua'ipa tü na'yataainkaa juyawai, e'rajünajatü sutuma wayuu süpüshua'a jee chi aa'inmajuikai tü mmakaa. Eema'a shia karalo'utalu'uinjatü shia sümüin tü Ajutkajawaa kuyamatkaa pütchi, ajutkajawaa shikii a'yatawaa jee tü a'yatawaa shiaalujutukoo wayuu.

Aküjiaa 162. Tü sütchinkaa akumajaa pütchi aluwataainjatü sulu'ujee tü Estaadokoluirua sükajee wanee ajutkajawaa natuma makaa po'loo ja'ralimüin shikiipu'ukana pütchi sutuma wayuu. Sulu'ujee tü Estaadokoluirua jee tü Munisiipiokoluirua. Tü ajutkajawaakaa akumajutkaa pütchi müinjatü tü saa'nrakaa yaa:

1. Akumajaa sukua'ipa pütchi saajutu tü shi'yataainkaa Estaado shi'ipa mmakaa.
2. E'itaainjatükaa sujutu pütchi sünaatia sukua'ipa sunneetshi tü shi'ipakaa mmakaa.
3. Kasakaa süpüshua'a eekai sümüin tü laülaasükaa pütchi.

Tü cho'ujaakaa süpüla tü ajutkajawaa kuyamatkaa pütchi, tü aküjaakaa sukua'ipa a'yataawaa, sukua'ipa nneerü akaatajünajatükaa sulu'u mmakaa, sükajeeinjatü pütchi sulu'ukoo tü laülaasükaa pütchi namüinjatükaa na shikiipu'ukana pütchi napüshua'a sulujunakana Estaado aneekajuushi süka ajutaa süpüla na'yataainjanain pienchi juya, eeshii süpüla ne'itaanüin nachukua'a süpüla piama juya saa'amüin. Tü pütchi laülaasükaa sulu'u mmakaa shiajatü anaataka sukua'ipa jee shi'yataaya tü ajutkajawaakaa sünain akumajaa pütchi sulu'u tü Estaadokoo.

Aküjiaa 163. Sulu'u tü estaadokoluiru eenjatu wanee laülaapia aa'inmajia aluwataainjatü sünain shiyyataain shimiiwa'a. Tü laülaapia aa'inmajütkaa a'yataainjatü sükajee tü sümaka tü laülaasükaa pütchi, tü aa'inmajaakaa, tü e'rajaakaa soo'u nneerü, tü antakaa jee tü akatajünakaa, wanaawajiraa sümaa shi'yataain tü aa'inmajütkaa mülo'usukoo sulu'u mmakaa. Eekaja'a tü a'yataainjatü sünain tü aa'inmajaakaa nutuma wanee shikiipu'u aa'inmajaa, e'itaaushi sükajee pütchi anaatiaa akua'ipa, ayaawatüinjatükaa nütijashin otta sütüjasüle, anale süpülan jee müsia shia aneekajüneeshii sa'akajee wayuu maima.

Aküjiaa 164. Shi'yataainjatü tü Estaadokoluirua shimiiwa'a tüü.

1. Sukumajüinjatü wanee shikii pütchi laülaa sulu'u, süpüla sukua'ipa suluwataaya sükajee tü pütchi laülaasükaa sulu'u mmakaa
2. Sünaatia sukua'ipa atü Munissipiokaluirua jee tü mmacheyonko, sukua'ipa süpaajiraaya sükajee tü sümakaa laüllaasükaa pütchi sulu'u mmakaa.
3. Tü shi'yataayakaa jee tü eekaa sulu'u mmakaa, tü akatajünakaa jee shi'yataaya atumaa tü kasa eekaa sulu'u sümaa tü aapajuushin, asüla-jünüin sutuma tü laülaayuukoo sulu'u mmakaa mülo'usukoo jee nüsüja'a nneerü ekeroluin sünainjeejatüin eekai awalaajünüin.

4. Tü sünaatiakaa sükotchajia. Saa'inmajia jee shi'yataaya tü nneetkaa awa-laajuushin sulu'u mmakaa sükajee tü pütchikaa laülaayuu yaajatü yaa.
5. Tü sukua'ipakaa jee saapaaya tü ipo'uliakaa nnjoluin kachueerain, nnojoluin sünainpünain tü aluwatawaakaa mülo'usuko, tü ichiikaa jee waruttairua jee shi'yataaya tü mmakalüirua malujunain eekaa sulu'u sükajee tü anaaatiaakaa akua'ipaa
6. Tü nakua'ipakaa aa'inmajülii mmpa'akaa, pulusiia jee tü sukua'ipajatükaa pulusiia sulujutu Munisiipio sükajee pütchi laülaa anatutkaa sukua'ipa.
7. Sukumajia, sünaatiam sukotchajia jee shi'yataaya tü sukua'ipakkaa karalo'uta kejetshisü jee müsüja'a tanpiiya.
8. Sukumajia, sünatia jee shi'yataaya tü cho'ujaakaa sümüin wayuu süpüshua'a sulu'u mmakaa.
9. Tü shi'yate'eriakaa, saa'inmajia, shi'yataaya jee saapaaya tü wopukalüirua süpüshua'a eekaa.
10. Tü aa'inmajaakaa, a'yataaya jee saapaaya tü karattetkaa süpüshua'alee süpünakaa kamio, sümaa tü shüshawajülekaa anuwa jee sunnule katünasü, a'yataanajatü sümaa tü laülaayuukoo sulu'u mmakaa sünaain aluwatawaa.
11. Süpüshua'ale tü aa'innajatükaa sulu'u tü Estaadokoo sümakaa tü laülaasükaa pütchi.

Aküjiaa 165. Kasakaa süpüshua'a eekai süntiraain oo'u tü aluwatawaakaa sükajeeinjatüin wanee pütchi e'itaaushi sutuma laülaayuu sulu'u mma mülo'usukoo sümaaya tü Estaadokoluirua. Pütchikaa laülaasükaa tüü o'unajatü sükajee sukua'ipa taashaa, a'yatawaa, kaaliajirawaa, a'yatawaajiraa jee asülajirawaa.

Tü Estaadokoluirua supaajiraainjatü jee sütte'erüinjatüin sümüin tü Munisiipiokalüirua tü a'yatawaakaa saa'inrüinjatükaa jee müsüja'a süpüshua'a tü na'yataainjatükaa amaa sümaa natijainjatüin süpüleerua müleka süntiraale sutchin aluwatawaa.

Aküjiaa 166. Sulu'uwai tü Estaadokoo eenjatü wanee ajtkajawaa sünaain anaataa sukua'pa a'yatawaa shiaalujutu wayuu, nuluwataain chi shikiipu'ukai kowierno sulu'u estaadoako, eesü süpüla jierüin jee müsia eenjatüin nümaa na Alkaalekana tooloyuu ota jieyuu, shikiipu'u tü Miniteeriokoo jee m'shija'a na

e'itaaushikana shikiipu'uin pütchi sulu'u tü ajutkajawaa mülo'usukoo, tü sulujutkoo Estaado, sulujutkoo konseejo sümaa tü mmakalüirua ka'laülajanain, eenjana wayuu sünain müleka eere wayuu sulu'u tü Estaadokoo. Sukua'ipa sükajeeinjatü pütchi laülaa.

Aküjiaa 167. Shia sünnestshikaa tü Estaadokoliuirua tüü:

1. Tü eekaa süma'ana süpüshua'a sümaa shi'yataain
2. Tü akotchajünakaa soo'ujee shi'yataain tü eekaa süma'ana, eekai asütüüshin jee müsia asülajalaa sümaa aapajalaa.
3. Tü akotchiraakaa sujutu karalo'uta shiaawashe sukua'ipa mmakaa.
4. Tü nneetkaa antakaa aluwataaushin sutuma shikiisü kaa laülaapia, eere saapünüin süpüshi tü nneerü ekerolokoo sümüin mma mülo'usukoo juyawai. Aapünüsü palirüwai sümüin tü Estaadokoluirua sümaa shikiisükaa mmakaa sükapitaatshe, shiaka maima amüin tü Estaado maimain alu'u wayuu. Saapunapa süpüla juya tüü, tü Estaadokoluirua nakataajüinjatü suse'erupünaa tü aapünakaa sümüin. Sümüin tü Munisiipiakaluirua eeinn palitchon süpüshi nneetkaaajee müsüja'a saa'amPuin saapajatükaa tü Estaado kalu'ukolon. Müleka suwanajaale sukua'ipa nneerü ekerolokoo sulu'u sünnestshipala mma mülo'usukoo, awanajaainjatü atumaa tü nneetkaa sujutujatükaa maima kasa, awanajaa meeriya tü sümüinjatükaa tü Estaadokoluirua. Sutuma pütchi laülaa eeninatü sukua'ipa shiyataaya süpüla anainjatüin shia sutuma Estaadoko jee Munisiipiokaa.
5. Süpüshua'alee tü nneerü awalaajiakaa, asülajalaain aapajuushin sümüin tü Estaadoko süpüla anainjatüin sukua'ipa sunneetshi mmakaa. Tü pütchi anaatiaakaa akua'ipaa een atuma otta atte'erüin awalaajia sümüin Estaadokoluirua eesüja'a süpüla ka'amüin tü nneetkaa antakaa süma'anamüin, sünainjee tüü anaawasü tü mmapa'akaluirua.
6. Tü nneetkaa antakaa sulu'umüin Estaadokoo sümüinjiraainjatükaa mmakalüirua jee müsüja'a süpüshua'a eekai atte'eruushin, asülajalaain otta aapajuushi kajutsü jee müsüja'a shia apaajirranajatüin sünainjee nneerü awalaajuushi sümüin tü mmakaa mülo'usukoo sükajee sünaatia sukua'ipa.

Pienchi shi'ipa

Sutchin sukua'ipa aluwatawaa Munisiipiajatü

Aküjiaa 168. Tü Munisiipiokaluirua shiasü shikiikaa palajatsü sukumajaaya tü sünaatia kasa süpüshua'a sulu'u mmakaa, laülaasü shi'yataain shimiwa'a sükajee tü sümakaa tü laülaasükaa pütchi. Tü laülawaakaa sutuma tü Munisiipiokoo sükajeesü tüü:

1. Shia e'itaakaa tü laülaayuuinjatükaa sünaain aluwatawaa.
2. Tü shi'yataainkaa saa'inrajatükaa.
3. Tü sukumajakaa, sükotchirakaa jee tü sükataajakaa anain

Tü shi'yataainkaa Munisiipia e'itaaushikaa süpüla, ayatajatü sukua'ipa sutuma sümaa na'yataain wayuu napüshua'a süpüla kanülinjanain sümüin a'yatawaaakaa süpüshua'a jee saa'inmajia shiaalu'u anain jatüin shia jee anainjatüin wayuu sünaainjee. Tü shi'yataainkaa Munisiipia nnojotsü süpüla mojusü sümünajatüin, waneesüja'a nee'e tü anaatüleekaa akua'ipaa kanüinküinjatüin soo'u sükajee tü sümakaa tü laülaasükaa pütchi.

Aküjiaa 169. Tü sünaatiakaa sukua'ipa Munisiipia süma'alee tü sü'laülakaa mmacheyon o'unajatü sükajee pütchi sümakaa tü laülaasükaa pütchi jee müsüja'a tü anaatiakaluirua akua'ipaa ajuitakaa sünaainjee jee müsia tü pütchi akumalaakaa süpüla sukua'ipajatüin tü Estaadokoluirua.

Tü pütchi anaatiaakaa sukua'ipa tü shi'yataayakaa Munisiipia jee müsüja'a tü sü'laülakaa mmakaluirua, waneejatüyaa müinjatü shi'yataaya jee sükowiernoin jeetü wanaakaa sümaa shi'yataainjatüin ama, eere jülüjainjatüin aa'inn je'rain wayuu sulu'u, a'yatawaa sulu'ukoo, sükanajüle nneerü sumuiwa'a, eere suumain, suchukua jee sukua'ipa, kasakaa süpüshua'a anain. Akatalu'u tü pütchi anaatajatükaa sukua'ipa shiaawatüin tü anakaa sümüin süpüla suluwataaya, sünaatia jee shi'yataaya tü mmakalüirua eekaa alu'u wayuu. Tü a'yatawaaakaa sulu'u Munisiipia kajutujiraainjatü, wanaawainjatü anaa sulu'u mmakaa. Shia anainjatükaa e'ipamüin tü aluwatawaaakaa jee wayuu napüshua'alee.

Aküjiaa 170. Tü Munisiipiakalüirua eesü süpüla paa'injiraain sünaain a'yatawaa süpüshua'a jee sümaa tü laülaapiakalüirua sulu'u mmakaa. Tü sukumajjakaa paa'inwajirawaa sünaain a'yatawaa sutuma tü laülaapiakaa shiaalu'u anainjatüin wayuu anaatajeerü sükajee pütchi laülaa.

Aküjjiaa 171. Eere piamasü otta saa'amüin Munisiipia sulujutuun waneesia Estaado eejiraain sünain a'yatawaa jeesünain kaalia atuma wayuu maleeinka waneesiakai sutchin mmakaa sutuma eesü süpüla tistüriita Metropolitaanain sukua'ipa. Tü pütchi sünaatiakaaeeinjatü sutuma tü wanaawaakaa a'yataain sümaa paa'inwajirawaa natuma na kepiashiikana sulu'u, eesüja'a süpüla sünaatünüin aakua'ipa tü nneerü antaka, awalaajünakaa, e'itaanakaa süliain kasa jee tü saa'inmajiakaa mmakaa. Eeinjatü atumaa sukua'ipa aluwatawaa, aa'inmajaa jee müsia eenajawaa na laülaayuushiikana süpüla kottuin naya.

Aküjjiaa 172. Tü ajutkajawaakaa kuyamatkaa pütchi sulu'u Estaado suchikijee saapüin nanüiki na kepiashiikana sulu'u wanee mma, eesü süpüla shiaawatüin sülüjüle tü mmakaa süpüla sünaatüin sükajee pütchi laülaasü eerejo'o sükatannüin tü shi'yataainjatükaa shi'ipawai mmakalüirua. Eetaalai Munisiipiirua acheküin waneesia mmakaanatuma sünain waneejataawain tü estaado kalu'ukaluin shiainjatü anaataka sukua'ipa tü Ajutkajawaa Mülo'usukoo.

Aküjjiaa 173. Tü Munisiipiakaa eesü süpüla sukumajüin tü parookiakaa sükajee sünüiki pütchi laülaa. Tü sünaatiakaa akua'ipaa akumajünakaa süpüla kajutajatüin tü laülaasükaa pütchi sümaajatü shi'yataaya Munisiipia.e'itaaheetkaa sukua'ipa süpüla eeninatüin wanee sü'laüle'eria mma sulu'u mun isiipiakaa sünain shi'yataajiraainjatüin süpüshua'a jee müsüja'a eeninatüin wayuu sünain süma'alee anainjatüin tü cho'ujaakaa sümüin wayuu. Nnojotsü sülüjüleinjatüin akatalaain shimiiwa'a tü parookiakalüirua.

Aküjjiaa 174. Tü suluwataayakaa jee shi'yataaya tü Munisiipiokaa nna'inrajatü na Alkaakekana tooloyuu jee jieyuu, naya palajanaainjanaka sü'laülain mmakaaa. Süpüla alkaalen wanee wayuu acheküshii Wenesolaanain, alatüirüin süchiki piama shikii ja'ralimüin noouyase sümaa ka'wayuuseinjanain naya. Na Alkaalekana aneekajuushi süpüla naluwataain pienchi juya sükajee maimasü ajutsuuirua, eeshii süpüla ne'itaanüin nachukua'a watua aluwataashi saa'amüin.

Aküjjiaa 175. Tü a'yatawaakaa sünain anaataa pütchi sulu'u tü Munisiipiakaa shiainjatü aa'inrakaa tü Konseejokoo kalu'ukoo konsejaalü tooloyuu sümaa jieyuu e'itaaushi sükajee sünuiki laülaasükaa pütchi, eere shiaawatün ünib tü sukua'ipajatükaa jaraliinjanain sünain otta je'rainjanain.

Aküjiaa 176. Shiainjatü tü laülaapia aa'inmajutkaa sulu'u Munisiipio tü a'yataainjatükaa sümaa e'rajaa soo'u tü nneerü ekeroloko, akatajünakaa jee tü kasa een sulu'u tü Munisiipiokoo jee müsüja'a tü aa'innakaa süka, sünain nnojoluinjatüin motuin aa'inn tü shi'yataainkaa laülaapia mülo'usukoo sünain aa'inmajüla, e'itaanajatü wanee shikiipu'u aa'inmajüi otta aa'inmajülü atijaanüin oo'u atiajain süpüleerua a'yataawaakaa tüü sükajee tü sünaatiakaa pütchi laülaa.

Aküjiaa 177. Tü pütchi laülaasükaa shianjatü e'itaakaa shikii, jamüinjatüi sukua'ipa jee tü cho'ujaaakaa süpüla kepiaa, tü nnojotkaa aa'innajatüin, tü nnojotkaa eenjatüin atumaa, müleka nnojolui anain süpüla a'yataawaa naa'inrajatükaa na Alkaalekana jee na Konsejaatkana.

Aküjiaa 178. Saa'inrajatü tü aluwataawaakaaa sulu'u Munisiipio tü a'yataawaakaa süpüsua'a sümaa eekaa sulu'u, e'itaanakaa sutuma tü laüllasükaa pütchi jee tü anaatiakaa akua'ipaa sulu'u mmakaa, makatkaa tü kepiakaa sulu'u, sukua'ipa anaa sümüin wayuu sümaa a'yataawaa, eenjatü tü kasa cho'ujaakaa miichipa'a, sukua'ipajatü a'anapajaa miichi süpüla kepiaa, wanaawain sukua'ipa anaamaalu'u, shiaalujutuin wayuu, eeiwa wayuu sünain a'yataawaa jee sünaate'ennajatüin tü mmapa'akaa anaiwa wayuu süpüshua'a, makatka tüü:

1. Akunajaa sukua'ipa mmakaa jee tü miichikalüirua, suchukuamaajatü mmakaa, miichi sümüinjatü wayuu, süchiki waraitüsü, pülaasa, palaairuku, eemeraalee, miichi mülo'uyuu, sünülia wopu jee sa'anajia mmapa'akaa.
2. Apünaa sulujutu pueewulo., süpüna e'ejetuu kamion, e'ejetuu pasajeetpala sümüin tooloyuu jee jieyuu.
3. Eekai alatinnuin sümüin wayuu jee shiaawashe aikawaa eekai anainjatüin sulu'u mmakaa
4. Saa'inmajia mmapa'akaa jee paa'inwaa süpüla keisalinjatüin tü mmapa'akaa.
5. Wulee sümüin mmakaa jee anaa sümüin wayuu, saa'inmajia tepichi, jima'alii, majayunnüü jee na laülaayuukana, ekirajia tepichipalajana, naa'inmajia sutuma napüshi chi sain nüchiki mukua'ipa, süpülaajana tü asheitajawaakaa sümaa akumajalaa, sukua'ipa aaa'inmajaa tü eekaa süpüshua'a kasakaa saa'inrajatüin tü munisiipiokaa.
6. Wüin asünajatükjaa, luusa jee kaasü miichipa'amüin, süpüna wüin eruttüsü, amuuyuu jee sukua'ipa o'utusu.

7. Anaatia akua'ipaa, saa'inmajia shipiapa'a wayuu sukua'ipajatü pulusiia sükajee tü pütchi laülaasükaa.
8. Jee tü waneerua shi'taakaa tü laülaasükaa pütchi jee tü sünaatiakaa akua'ipaa.

Tü shi'yataainjatükaa anain tü Munisiipiokoo nojotsü shi'ipamüin tü saa'inraijatükaa tü laülaapiakaa mülo'uyuukoo asükajee tü pütchi laülaasükaa.

Aküjiaa 179. Tü sünneetshinjatükaa tü Munisiipiokoo tüü:

1. Süpüshua'a tü eekaa süma'ana jee tü sujutkoo mmakalüirua.
2. Tü nneerü akotchiraakaa soo'u tü eekaa sulu'u jee tü a'yatawaakaa, suwalaajiakaa tü a'yatawaakaa, aikawaa, shiaja'a nee'e tü kanüñliaka sutuma tü laülaasükaa pütchi. Eesü suwalaajia tü miichikalüirua jee mma sulu'uin pueewulo, e'ejenaa, shi'ruinjatükaa wayuu, sheitaa, shiaawashe aikawaa jee müsüja'a aapajalaa soo'u a'yatawaa eekai aa'innuin sulu'u.
3. Tü suwalaajiakaa sukua'ipa jee müsüja'a eekai ajuitüin sutuma awalaajia shi'itaaka tü shi'ipakaa mmakaa jee tü mma mülo'usukoo.
4. Tü nneetkaa ajuitusukaa sünainjee tü aapajuushikaa sulu'ujee shikiisükaa mmakaa sutuma laülaayuu jee müsüja'a tü aapünakaa sutuma Estaadokoo.
5. Tü nneetkaa sünainjeetkaa eekai asütünüin soo'u aainjalaa jee müsüja'a süsalajana kasakaa süpüshua'a sulujutu mmakaa.
6. Jee wane'ella shi'itaain tü anaajütkaa akua'ipaa.

Aküjiaa 180. Tü sukua'ipakaa nneerü awalaajuushi jülüjainjatü saa'in tü Munisiipiokoo, wane'e sümüin sukua'ipa suulia tü e'itaaushikaa sutuma tü laülaasükaa pütchi sümüin tü shikiisükaa mma jee tü Estaadokoluurua süpüla saa'inrajatüin eekai müinka tüü.

Tü nojotkaa awalaajüin sutuma tü Munisiipiokoo shikettaaja akua'ipalü, shiasü laülaapiakalüirua eekaa sulu'u suumain akatsa nojolujin müin sümaa tü laülaapiakaa sulu'ujewtkaa shikiisü mmakaa.

Aküjiaa 181. Tü mmakaluirua nojotsü kasama'ainjatüin atumaa. Eere sukua'ipa wanee mma sükajeeinjatü sukua'ipa pütchi sulu'ujeejatükaa konseejokoo, eere wanee sukua'ipayaa sükajeesü pütchi laülaasü aanainjatükaa atuman.

Tü mmakaluirua sulu'u tü puewulokoluirua suliujutkaa wanee munisiipio, eekai malaamain shia laülaaka soo'u tü munisiipiokoo, nnojottaainja'a a'alijünün noulia wanee eekai acheküin müleka eere sükaralo'utashe nama'ana. Nnojotsü sünainpünain tüü, tü suumainkaa wayuu, tü anaaatiakaa akua'ipaa shiajatü anaataka sukua'ipa mma eekai maa'inrüin.

Aküjiaa 182. Akumajaasü tü ajutkajawaakaa süpülajatü a'yatawaa shiaalu'u wayuu, nuluwataainjatü chi Alkaalekai otta Alkaalekaa, na shikiipu'ukana tü parookiakaluirua jee na sulu'ujunakana tü mmakaluirua kepiajiraain jee mishijja'a eekai eejeein sünain tü aashajawaakaa sükajee pütchi laülaa.

Aküjiaa 183. Tü Estaadokoluirua jee tü Munisiipiokoo nnojoluinjatü:

1. Akunajünin Aduaana jee achekajaa kasa ya'loushin, achekajaa sujutu kamion ya'loushi jee soo'u tü saainjüinkaa mmakaa mülo'usukoo jee naatajatü wattaje'ewalü, shianjatü shikiisükaa tü laülaayuu mülo'usukoo.
2. A'laüle'erüin saa'in soo'u tü ekünajatünin nnojoluiwa'a saapününin ekii süipUla sujuitünin.
3. Ayotajaa saapününin kasakaa süpüshua'a akumajuushin anoipa'ajee suulia suumain. Sutuma tü Estaadokoluirua jee Munisiiikaluirua shia kajutuinjatükaa tü pünajükaa, tü epijaakaa mürülu, tü ejeimejaakaa jee müsüja'a a'yatawaa wuna'apü sükajee sukua'ipa pütchi laülaa.

Aküjiaa 184. Eeinjatü sutuma tü laülaapiakaaa sukua'ipa shi'yataaya tü Estaadokoo jee Munisiipio süpüla süpaajiraain jee sutte'erüin sümünin tü mmakaluirua jee na kepiakana sulu'u tü suchuntia kasa süpüshua'a cho'ujaain namünin Sünain naküjüninatünin natijain süpüleerua süpüla naa'inrajatünin:

1. Tü sutte'eriakaa a'yatawaa süpülajatü anaa sümünin wayuu, ekirajawaa, kepijaa, shieitaa, atijalaa, shiaalujutu wayuu, mmapa'akaa, sukua'ipa a'yatawaa mülo'u, shi'yataaya süpüla anainjatünin tü pueewulokoo, saa'inmajishipiapa'a wayuu, sukumajia a'yatawaa shiaalujutu wayuu. Süpüla tüü, eeshii ne'itaale yootoo achajaain sukua'ipa anaamaa, sümää kajutujirawaa jee kaaliajirawaa.
2. Tü eewaakaa sutuma wayuu süpüshua'a sükajee tü kottaakaa natuma na

wayuu kepiajiraashii jee tü Orkanisasion no Kuwernamentaalu münakaa, süpüla anain suchuntia wanee kasa kajutsüin namüin laülaayuu sulujuna tü Estaadokoluirua jee Munisiipio, shikiishiikana tü nneetkaa aapünajatkaa sujutuin, jee müsüja'a shi'yataaya, shiaawatia jee saa'inmajia tü a'yatawaakaa sümüinjatüin wayuu suumainru'u.

3. Tü eewaakaa sünain shi'yataaya sukua'ipa nneerü süpüla sütütülaain wayuu Sünain achajawaa sukua'ipa ti'a, makatka türa koperattiwa, anülijaa nneerü jee kasakaa süpüshua'a ayulaain anainjee neerü cho'ujaain amüinwaa.
4. Tü eewwakaa natuma wayuu a'yataalii toloyuu sümaa jiejyuu, jee wayuu namaajatüin noumainru'ujee; sünain a'yatawaa sulu'u laülaapia sükajee wanee yanamaa jee wanee kaaliajirawaa.
5. Tü sukunajakaa akua'ipa a'yatawaa, koperatiiwa, a'yatawaa sutuma wayuu sünain eekai cho'ujaain, eesü a'yatawaa sulu'ujee namüin wayuu jee anaa sünainjee, shi'iree ayatüinjatüin tü waneepia.
6. Tü sukumajia jeketü sukua'ipa tü süpaajiraayakaa aluwatawaa sulu'u mmakaa, sulu'u waariokoluirua, tü mmacheinkaa, süpülajatü pansaain sukua'ipa a'yatawaa, aluwatawaa jee müsia na wayuukana eejeeshii sünain tü a'yatawaakaa süpüshua'a sulu'u Estaadokoo jee tü Munisiipiakaluirua.
7. Eejeesü wayuu süpüshua'a sünain tü arütkawaakaa süpüla shi'raajününin tü süpülajanakaa kaainjalaa jee müsüja'a shia atijaanee oo'ulu sukua'ipa.

Ja'rai shi'ipa

Süchiki ajutkajawaa natuma laülaayuu aluwataashii

Aküjiaa 185. Tü Ajutkajawaakaa natuma laülaayuu aluwataashii shiasü aakumajüsukaa sukua'ipajatü a'yatawaa süpüshua'a süpüla anainjatüin tü aluwatawaakaa sulu'u mmakaa. Nia shikiipu'uinjachika chi na'ataajuchikai chi laülaashikai sulu'u mmakaa otta na ni'ipejeejanakana sünain aluwatawaa, namaa na shikiipu'ukana Estado, na Alkaalekana sulu'u munisiipio.

Tü ajutkajawaakaa natuma laülaayuu aluwataashii, eeninatü sutuma wanee secretariiya eere eenjachin chi laülaashikai sulu'u, piamashii ni'ipajeejana ministroyu, tü shikiipu'ukaluirua mma o Estado jee apününshii Alkaal. Sulu'ujee tü eeninatü shikiikaa sunneetshi tü mmakalüirua süpüla suwalaajia a'yatawaa jee müsüja'a paa'inwainjatüin tü mmakaluirua sünain kasakaa süpüshua'a

anainjatükaa atuma wayuu. Tü ajutkajawaakaa natuma laülaayuu aluwataashii yootüinjana süchikijee tü cho'ujaakaa sulu'u tü mmakaa süpüla eeninatüin shia juyawai.

JA'RAI SHIKIJEE
SUKUA'IPAJATÜKAA TÜ ALUWATAWAAKAA YAAJATÜ YAA

Wanee shi'ipa
Suluwataaya sukumajia pütchi yaajatü yaa

Palajatkaa: Sukua'ipajatü süpüshua'a

Aküjiaa 186. Tü Ajutkajawaa mülo'usukoo akumajaasü natuma na Diputaado tooloyuu sümaa jiejyuu, e'itaaushii sükajee ajutunaa oo'u sulu'ujee noumain, neniwa'a sukua'ipa, e'itaaushi sükajee tü wayuukoluirua sulu'ukoo mmakaa. Sulu'ujee wanee Estaado aneeküjününjana apünüinshii Diputaado, eesü süpüla tooloyuu jee jiejyuu.

Na wayuukana napüshua'a kepiashiikana sulu'u tü mmakaa woliwariaana wenesueela, naneekajünjana apünüinshii diputaado, eesü süpüla tooloin otta jierlen sükajee pütchi laülaa sünain ayatüinjatüin kojutuun nakua'ipa wayuu.

Na diputaadokana eeshii süpüla nee'itain wanee no'upünaajana, aneeka-juushinjana müinyakaa na'kua'ipa na waneerua.

Aküjiaa 187. Shia saa'inrajatükaa tü ajutkajawaakaa Mülo'usukoo tüü:

1. Akumajaa pütchi sünaatiajatü a'yatawaakaa süpüshua'a sulu'u mmakaa jee müsia tü aluwataayakaa süpüshua'a.

2. E'itawaa sukua'ipa suwanajaaya jee sünaatia pütchi soo'omüin tü laülaasükaa pütchi.
3. E'rajaa soo'u tü Kowiernokoo jee a'yatawaakaa süpüshua'a yaajatü yaa, sükajee pütchi laülaasükaa. Shiainjatü anaka atuma tü sukua'ipakaa tü a'yatawaakaa süpüshua'al süpüla pansaainjatüin shia.
4. Sukumajüinjatü akua'ipa tü eewaakaa natuma wayuu napüshua'a sünain tü na'yataainjatükaa.
5. Aküjaa sukua'ipa kaaliaa.
6. Yootüinjana jee nanatajatü sukua'ipa sunneetshi mmkaa jee müsüja'a pütchi sünaatiajatü sukua'ipa nneerü awalaajajatü jee müsia nneerü a'napajinnajatü wayuu.
7. Naluwataainjatü anain sukua'ipa nneerü cho'ujaain sümüin mmakaa.
8. Naluwataainjatü anain süpüshua'a atü anainjatükaa atuma mmakaa s'püshua'a, aapünajatükaa natuma na laülaayuukana wanaa sümaa apünüin kashi su'ttiawai juyakaa.
9. Aluwaataainjatü noo'u na laülaashiikana sulu'ummakaa süpüla nayain kanülin süpüla shikii a'yatawaa mülo'u sulu'u mmakaa yayaa, tü Estaadokoluirua, tü Munisiipiakaluirua, namaa shikiipu'u mma wattaje'ewalü nnojoljuin kepiasüin yayaa.
10. Najutajatü oo'u na'yataain na ni'ipejeejanakana chi laülaashikai shikiipu'uin mmakaa. Tü na'yataainkaa eesü süpüla kalijanain süchikijee shiishajaanüin makaa piama ka'i sutuma tü ajutkajawaa mülo'usukoo, müleka mojule na'yataain eeshii süpüla naakaje'ennüin sulu'ujee na'yataain na ni'ipajeejanakana chi laülaashikai shikiipu'uin tü mmakaa.
11. Aluwataainjana sünain a'yatawaa namüinjatü na militaatkanairua eekai o'unajanain sulu'ümüin mma watta jee na wattaje'ewaliin süpüla a'yatawaa yayaa.
12. Aluwataainjana noo'u na laülaashiikana sulu'u mmakaa süpüla tü naa'inraajatükaa, tü anakaa sümüin kasakaa süpüshua'a sukoroloin mmakaa sükajee tü pütchi anatiakaa sukua'ipaa.
13. Aluwataainjatü noo'u na a'yataliikana laülaapialu'u tooloyuu jee jiejyuu süpüla naapainjatüinb a'yatawaa sümaa asülajalaa sutuma laülaayuu wattaje'ewalü.
14. Aluwataainjatü supüla e'itawaa chi laülaashijachi shikiipu'uin aa'inmajaa kasakaa süpüshua'a sukoroloin mmakaa jee müshiija'a na laülaayuuinjanain sünülia mmakaa wattapünaa.

15. Shiajatü e'itaakaa sukua'ipa naaliajatü sulu'umüin tü panteonkoo yaajatükaa yaa namüin wenesolaanayuu tooloyuu sümaa jeyuu, na anashaanain na'yataain, süchikijee sülatüin piama shikii ja'ralimüin juya o'utuin naya. Sukua'ipa tüü sükajeeinjatü nünüiki chi laülaashikai shikiipu'uin mmakaa, na laülaashiikana sulu'uwai tü Estaadokoo jee müshiija'a na shikiipu'ukana tü Uniwersiraakaluirua süpüshua'a.
16. Jülüjainjatü saa'in tü cho'ujaakaa sümüin jee laülawaa sutuma Estaadokoluirua.
17. Aluwataainjatü soo'iu nujitajachipa chi laülaashikai shikiipu'uin mmakaa, müleka kakalianjachiren otta sülatajatüle maka ja'rai ka'i.
18. Kajutiuinjatü sutuma tü pütchik aashajaaushikaa wattapünaa, sünüikimaajatüin laülaayuu yaajana yaa; shiaja'a nee'e nnojoleetkaa tü nnojotkoo sümüin tü laülaasükaa pütchi.
19. Akumajüijjatü sukua'ipa pütchi shi'yataajatükaa jee müsüja'a tü süsalajanakaa eekai nnojolujin pansaain.
20. Sütüjaainjatü oo'u na sulu'ukana jee müshia najuitapa. Nujitajachi wanee Diputaado otaa Diputaada sükajeeinjatü nanüiki na Diputaadokanairua eekanairua sulu'u.
21. Sukumajüjinjatü akua'ipa tü saa'inmajiakaa mmakaa.
22. Ayaawatüinjatü jee shiainjatü aapakaa nneerü süpülajatükaa a'yatawaa, shiaawatüinjatü aaire shi'iree sümüin mmakaa.
23. E'itaainjatü tü anakalü sümüin süpüla anain jatüin süpüshua'a shi'yataain.
24. Süpüshua'alee tü shi'itaakaa tü laülaasükaa pütchi.

Aküjiaa 188. Tü achekünakaa süpüla ni'itaanajachin wanee Diputaado otta Diputaada sulu'u tü Ajutkajawaa Mülo'usukoo shia tüü.

1. Acheküshi Wenesolaanain otta Wenesolaanain sükajee jo'uushiin sulu'u mmakaa yayan otta nantüshiire sünain kepiashiinjanain naya makaa po'loo ja'ralimüin juya.
2. Achekushii sülatüin nouyase süchikijee piama shikii waneeshimüin juya.
3. Achekushii kepiashin paala maka pienchi juya sulu'u tü mmakaa e'itaakaa naya süpüla Diputaado.

Aküjiaa 189. Nnojoliishii s'püñla ne'itaanüin Diputaadoin naa.

1. Chi laülaashikai shikiipu'u mmakaa, chi ni'ipajeejachikai chi shikiipu'ukai mmaka, jee naa laülaayuukana sü'laülakana süpüshua'a tü laülaapiakaluirua süpa'apünaa mmakaa, wane'ereeja'a apünüin kashi süchikijee no'ulaain na'yataain.
2. Na Kowernadoorkanairua jee tü ne'ipajeetkaluirua sünain laülawaa sulu'u tü Estaadokaluirua, sulu'u shikiisükaa mmaa, wane'ereeja'a sülatapa aünüin kashi süchikijee no'ulaain na'yataainkaa.
3. Na a'yataaliikana laülaapialu'u munisiipijatü, sulujutuun Estado otta sulujutuun mmakaa mülo'usukoo müleka a'itaaushiren sulu'ujee tü mma na'yataakaa alu'u, jalu'usa waneere kasa, e'rajawaaa, e'ikaa otta sü'laülajana ekirajaa. Süpüshua'ale tüü sükajeeinjatü pütchi laülaa anaatajatü sukua'ipa.

Aküjiaa 190. Na Diputaadokana toloyuu sümaa jiejyuu sulujunakana tü Ajutkajawaakaa mülo'usukoo nnojoliishii süpüla laülaashiin soo'u wanee kasa nemiiwa'a, a'yataashiin otta shikiipu'uin laülaapia. Nnojoliishii sünainpünaainjanain sukua'ipa nneerü kalu'ujjein kasachiki. Eskai a'yataashiin sulu'u tü ajutkajawaa mülo'usukoo sünainpünaain kasa mojusu acheküshii najuituin suulia.

Aküjiaa 191. Na Diputaadokana toloyuu jee jiejyuu nnojoluinjatü naapaain wanee a'yataawaa waneeratüin suulia tü na'yataainkaa, waneesüja'ane'e a'yataawaa sünain e'ikaa, ekirajaa, e'rajawaa, nnojoliishii waneepialeeinjanain sulu'u.

Aküjiaa 192. Na Diputaadokana toloyuu sümaa jiejyuu sulujunakana tü Ajutkajawaa Mülo'usukoo eenjana sulu'u na'yataain ja'rai juya, sünain eenja'a naya süpüla nee'itaanüin nachukua'a piantua aluwataashi.

Piama süchikijee:

Sukua'ipajatü shi'yataain tü Ajutkajawaa Mülo'usukoo

Aküjiaa 193. Tü Ajutkajawaakaa Mülo'usukoo shi'itainjatü anüliaa süpüla a'yataawaa, na eepu'ukana waneepia sünainjee jee na kajutshiikana ma'in.. Na eepu'ukana sünain waneepiain na'yataain nnojoliishii alatüin süchikijee po'loo ja'ralimüin, shia na'yataainjatükaa tü waneepiainjatükaa sulu'u mmakaa, eesü

süpüla shi'itaanüin na asakijüinjanain sünain wanee kasa süpüla palit ka'i na'yataain. Tü Ajutkajawaakaa eesü süpüla shi'itaain a'yatawaa otta su'lerülen sükajee nanüiki na sulujunakana.

Aküjiaa 194. Tü ajutkajawaa Mülo'usukoo shi'itaainjachi sa'akajee tü eekaluirua sulu'u wanee shikiipu'u laülaainjachi eesü süpüla jierüi, piamashii na ne'ipejeejana chi laülaashikai, wanee ashajüi jee wanee ni'ipejeejana nnojoluin sa'akajeein süpüla wanee juya. Sükajee tü sukua'ipakaa shi'yataaya eeshi süpüla ke'irakain süma'ainru'u wanee ni'yataain.

Aküjiaa 195. Wanaa sümaa sheemeraaya tü Ajutkajawaakaa e'itaanüshii wanee a'yataainjanainsüma'ainru'u eere eenjachin chi shikiipu'ukai laülaashikai, na ni'ipejeejanakana jee na shikiipu'ukana tü eekaluirua waneepia.

Aküjiaa 196. Shia naa'inrajatükaa na e'itaanakana süma'ainru'u tüü:

1. Neenajaainjatü tü Ajutkajawaakaa Mülo'usukoo süpüla yootoo, shiishajaanajatpa achiki wanee kasa kajutuiin.
2. Nayainjana ajütaka nachiki chi laülaashikai shikiipu'uin mmakaa süpüla nu'najachin wattamüin.
3. Nayainjana ajütaka na laülaayuukana sulu'u mmakaa süpüla naapuun soo'omüin nneerü.
4. Ne'itaainjatü sünülia waneerua eepu'uinjanain sünain a'yatawaa sulujuna ajutkajawaakaa.
5. Asakirüinjana süchiirua eekai e'itaanüin süpüla ti'a.
6. Nayainjana ajütakaa na laülaayuukana sulu'u tü mmakaa süpüla nakumajüin, nawanajaain otta naakaje'erüin a'yatawaa sümüinjatü wayuu müleka anainjatü süpülan.
7. Süpüshua'ale tü sümakaa tü laülaasükaa pütchi jee tü anaatiaakaa akua'ipaa.

Apünüin süchikijee:

Na Diputaadokana sulujuna tü Ajutkajawaa Mülo'usukoo

Aküjiaa 197. Na Diputaadokana tooloyuu sümaa jiejyuu sulujunakana tü Ajutkajawaa Mülo'usukoo acheküshii pansaain sümaa tü na'yataainkaa, süpüla

anainjatüinb wayuu süpüshua'a sünainjee jee müsüja'a shia ayatüinjana namaa na ajutshiikana noo'u, eere naküjainjatüin namüin wayuu sukua'ipa tü na'yataainkaa jee müshiija'a naya eeshii süpüla nawanaanüin nnojotle anain na'yataain.

Aküjiaa 198. Chi Diputaado otta tü diputaada sulujuna tü Ajauatkajawaa Mülo'usukoo, eekai ayunnuin sünainjee mojuin na'yataain, nnojotsü süpüla eenjanain nachukua'a süpüla ajutunaa oo'u.

Aküjiaa 199. Na diputaadokana tooloyuu sümaa jieyuu sulu'ukana tü Ajutkajawaa Mülo'usukoo nnojoliishii sünainpünain sukua'ipa tü najutakaa oo'u sümaa nanüiki sünain tü nayataainkaa. Aküjüjanasa naya namüin na ajutshiikana noo'u sükajee tü laülaasükaa pütchi.

Aküjiaa 200. Na diputaadokana tooloyuu sümaa jieyuu sulujuna tü Ajutkajawaakaa mülo'usukoo shikiipu'ushii pütchi, nnojoishii kasama'ainjanain kajutshii süpüla tü na'yataainkaa sünainjee ne'itaanüin sünainmüinree sajattüin na'yataain otta noo'ulaale na'yataainkaa. Müleka eere aainjalaa sutuma tü sulujutkaa tü Ajutkajawaakaa shiirajaainjatü tü Anaatüleekaa Akua'ipaa Mülo'usuko, shiainjatü aluwataakaa sünain süpüla sütaulirüin sükajee sünüiki tü Ajutkajawaakaa. Eere wanee aainjalaa mojusuin ma'in natumajatü wanee shikiipu'u pütchi, e'rajüna oo'uchii sutuma laülaayuu nepialu'u süpüla sajpulu'uin naya tü Anaatüllekaa Akua'ipaa Mülo'usukoo.

Na a'yataashiikana laülaapiualu'u tooloyuu sümaa jieyuu eekai erüin sümüin najutu na diputaadokana shikiipu'ukana pütchi sulujunakana tü Ajutkajawaakaa Mülo'usuko, kasalajanasü tüü süpüshua'a sükajee laülaasükaa pütchi.

Aküjiaa 201. Na diputaadokana tooloyuu sümaa jieyuu shikiipu'ushii nanüiki wayuu jee tü Estaadokoo eeje'ewaliire naya, nnojoishii aluwataanajanain natijo'ulu tü naa'inrajatükaa. Najutapa sulu'u tü Ajutkajawaakaa sükajatü naa'inb nemiwa'a.

Pienchi süchikijee:

Sukumajaaya tü anaatiakaa akua'ipaa

Aküjiaa 202. Tü anaatiaakaa akua'ipaa ajuitusu sulu'ujee tü Ajutkajawaa Mülo'usukoo aka shiain akumajüsüin. Müleka wanaawale sükotchajüin tü pütchikaa anaatiajatükaa akua'ipaa koodigo münajatü.

Aküjiaa 203. Tü anaatiakalüirua akua'ipaa ajuitusu sünainjee tü laülaasükaa pütchi, shiainjatükaa akumajüsüin shi'yataaya sukua'ipa tü aluwatawaakaa, shikiüsüin maima sukua'ipa anaatiaa.

Süpüshua'ale karalo'uta ashajuushin süpüla pütchijatüin kajutsuin sükajeesü sünüiki tü Ajutkajawaakaa, ajutuushi oo'ulu natuma na sulu'ukana. Na ajutshiikana eeshii süpüla nawanajaain tü anaatiakalüirua akua'ipaa.

Tü anaatiajatükaa akua'ipaa kajutkaa sutuma tü Ajutkajawaakaa aluwataanüsü yaaje yaa sulu'umüin wanee saala kontitusionaal sünülia sulu'usu tü Anaatüleekaa Akua'ipaa Mülo'usukoo süpüla shiainjatüin aküjain analen. Tü saalakaa kontitusionaatkaa aashajaasü süchikijee po'loo ka'i suluwataanüin. Müleka nnojoo sümüle majutsalü.

Eesü wanee anaatiaa akua'ipa awilitante sünülia ajuitusu sulu'ujee tü ajutkajawaa Mülo'usukoo, ajutuushi oo'ulu süpülajatü saapünüin laülawaa sünain nuliuwataain chi laülaashikai shikiipu'uin mmakaa, kajutsu ma'in. Kekiijanasü wanee pütchi laülaa suulia su'unajatükaa aka.

Aküjiaa 204. Na e'itaainjanakana tü pütchikaa anaatiakaa akua'ipaa naya:

1. Na laülaayuu aluwataashiikana sulu'u mmakaa.
2. Na eepu'ukana laülaain sulu'u Ajutkajawaa Mülo'usukoo otta eekai ne'itaain naairua.
3. Na sulujunakana tü Ajutkajawaa Mülo'usukoo alatajatü süchikijee apünüinshii.
4. Na sulu'ukana tü Anaatüleekaa Akua'ipa Mülo'usukoo müleka shiale tü sukua'ipajatükaa jee shi'yataaya tü anaatiakaa akua'ipa.
5. Tü sütchinkaa sukua'ipa wayuu, müleka shiale tü anaatiajatükaa atumaa.
6. Shiale sutchin sukua'ipa aneekajaa sümaa ajutaa.
7. Nayale na ajutshiikana otta aneekajüşhii ashajuushin anülia sulu'u ashajüleekaa anüliaa süpüla ajutaa.

8. Shiale tü Ajutkajawaakaa kuyamatkaa pütchi suliujutuEstaado, müleka anaatiajatüle sukua'ipa tü Estaadokoo.

Aküjiaa 205. Shiishajaayakaa achiki tü anaatiajatükaa akua'ipa, antiruushikaa natuma eekai e'itaain sükajee tü akujiaakaa palajatkaa nuulia chii, eemaatsü najtkajaapa nachukua'a. Müleka nnojotle saashajaanüin asakinna anainrü tü sukua'ipajatükaa.

Aküjiaa 206. Tü Estaadokoluirua asakinnajana sutuma tü Ajutkajawaakaa Mülo'usukoo sükajee tü sümakaa sünain akumajaa ppütchi sulujutkaa Estaado, müleka anaatiajatülen anajatü sümüin Estaado. Jee yaajee yaa asakinnajana na wayuukana napüshua'a sükajee ajutkajawaakaa sulujutko Estaado.

Aküjiaa 207. Süpüla kettaajüinjatüin wanee anaatiaa akua'ipaa, piantuasü aashajaanüin süchiki sünain piama ka'i waneejatuwaisü sükajeesü sukua'ipa pütchi laülaasükaa jee müsüja'a kettaajapan chi shikiipu'ukai pütchi laülaashikai nia e'itaakaa sujutkoo.

Aküjiaa 208. Su'utpünaa tü palajatkaa aashajawaa süchiki karalo'uta akumajuushi süpüla anaatia akua'ipa atijaanajatü oo'u süküjia sukua'ipa, kasapülajatüin, süsawajüinjatükaa achiki jee süpünajatükaa, müleka analen aashajaana münüsia tü sümakaa. Kettaajapa sünain palajatkaa aashajaaushi alatinnüsü namüin atijashiin süpüleerua süpüla nakumajüin sukua'ipa.

Na e'itaanakana süpüla nanaatüin sukua'ipajatü wanee pütchi laülaa naküjainjatü ashajuushin tü suchukuakaa wanee pütchi, sünain nnojoluinjatüin sülatuin wanee kashi tü saashajaayakaa.

Aküjiaa 209. Saapaanapa tü karalo'uta nashajüinkaa na e'itaaushikana sünain aashajana achiki suchukua'a tü karalo'uta pütchimaajatükaa eere shia saashajaanüin sükawai tü süküjiaakaa. Müleka kettaale pütchikaa soo'u tü ashatsü yala'yala. Müleka sünaatünüle akua'ipa ale'jinnusu suchukua'a nama'anamüin na aashaje'etshiikana süpüla nale'ejirüin maka po'loo ja'ralimüin ka'i, saashejennapa suchukua'a karalo'utakaa pütchimaajatükaa sulu'u tü Ajutkajawaa Mülo'usukoo ajutuno'ulu natuma maimashii sütüjaanapo'u anain süpüshua'a, kettaapa shia chi laülaashikai shikiipu'ukai Ajutkajawaa ni'itaain

laülaasüin pütchikaa yalejee yala.

Aküjiaa 210. Tü saashajaayakaa karalo'uta anaatiajatü akua'ipaa eekai apütaain süchikijee sajattüin yootookoo mülo'usukoo eesü s'püla saapaanüin suchukua'a ajutkajaana ayaalu'ulu.

Aküjiaa 211. Tü Ajutkajawaakaa Mülo'usukoo jee tü eepu'ukaa waneepia su'utpünaa wanee yootoo jee ekettaajaa karalo'uta sumaajatü pütchi, nasakirüinjatü tü wanee laülaasükalüirua sulu'u mmakaa. Wayuu napüshua'alee süpüla saapünüin nanüiki. Kajutshii süpüla saapünuin nanüiki na ni'ipejeejanakana chi shikiipu'ukai mmakaa tooloyuu jee jieyuu no'opünaa na laülaayuukana mülo'ushiikana shjikiipu'ukana tü Anaatüleekaa Akua'ipaa Laülaasükaa, chi eenjachikai so'u tü sütchinkaa sukua'ipa wayuu e'itaaushin sutuma ajutkajawaa anaamaajatü yaajatü yaa, na saajunakana tü Ajutkajawaakaa kuyamatkaa pütchi jee wayuu napüshua'a shi'itain tü Ajutkajawaakaa.

Aküjiaa 212. Tü ashajuushikaa sulu'u karalo'uta süpüla kajutajatüin müinjatü sünüiki yaa *“Tü Ajutkajawaa yaajatükaa yaa sulu'u Mmakaa Woliwariaana Wenesueela, müsü süküjain “*

Aküjiaa 213. Kettaajapa sukua'ipa laülaasüin pütchika, piantuasü atumaa shiaakua karalo'utakaa pütchimaajatükaa. Piamalere'eya nüshajüinjatü najapükiikaa chi laülaashikai toorolen otta jittlenna ni'ipajeejanakana, na ashajülikana sulu'u tü Ajutkajawaakaa eere shajuushin sulu'u tü ka'ikaa ko'utpünaajatkalüin. Wanee suwalata karalo'utakaa aluwataanajatü nümüin chi Laülkaashikai shikiipu'u mmakaa süpüla ni'itain laülaasüjatüin pütchikaa.

Aküjiaa 214. Chi laülaashikai shiliipu'u mmakaa nijachi e'itaakaa süküjia tü anaatiaakaa akua'ipa sülatapa po'loo ka'i süchikijee naapaain. Wanaa sümaa ti'a pansaapa nünüiki namaa na ni'ipejeejanakana eeshi süpüla nuchuntuin sümüin Ajutkajawaakaa yaajatü yaaa süpüla nuwanaje'erüin süpüshi otta naakaje'erülen.

Tü Ajutkajawaakaa yaajatü yaa saashajaa achiki nünüiki skikiipu'ukai mmakaa Sükajee nanüiki maimashii na diputaadpkana, tooloyuu sümaa jieyuu, alatinna münüsia süpüla kettajaa sümüin.

Chi laülaashikai shikiipu'uin mmakaa ni'itaainjatü laülawaa sümüin pütchikaa süchikijee ja'rai ka'i naapain, sünain kettaipa'inja'a sukua'ipa.

Chi Shikiipu'ukai mmakaa niaawatüle nnojoluin pansaain sümaa tü sulu'ukoo tü laülaasükaa pütchi, nachunteerü sünüiki tü aashajaaleekaa süchiki pütchi mülo'u sulu'u tü Anaaüleekaa akua'ipaa laülaasü, maka po'loo ka'i süpülapünaa e'itawaa süküjia. Tü Anaatüleekaa Akua'ipaa laülaasü süküjainjatü sünüiki soo'u tü maka po'loo ja'ralimüin ka'i süchikijee saapaoain nuluwataainkaa chi shikiipu'ukai mmakaa. Müleka anasü sümüle tü aashajaaleekaa süchiki pütchi mülo'u sulu'utkoo tü Anaatüleekaa Akua'ipaa Laülaasükaa, chi shikiipu'ukai mmakaa ni'itaainjatü süküjia pütchikaa ja'rai ka'i süchikijee sule'ejüin sulu'ujee tü aashajaaleekaa süchiki pütchi.

Aküjiaa 215. Tü pütchi laülaasükaa kettaasü sukua'ipa sujuitapa sünülia sulu'upünaa "aa'innajatü " sutuma tü sünüikipalakaa süküjia laülaapia sulu'u mmakaa.

Aküjiaa 216. Chi shikiipu'ukai mmakaa nnojolui ni'itaain süküjia tü pütchi laülaasüjatüin süpüla anaatiaakua'ipa, na laülaayuukana namaa naa ne'ipejeejanakana sulu'u tü Ajutkajawaa Mülo'usukoo nayashii e'itaakaa süKüjiaa sünain nnojolinjanain süsalain naya sünainjee tüü süpüshua'a.

Aküjiaa 217. Kettaajapa sükalia wanee pütchi laülaasüjatü süpüla süküjünüin achiki natuma laülaayuu, sünain wattajeejatüin saashajaanüin achiki, apütaasü süpüla nayainjanain na laülaayuukana sulu'u mmakaa anaatajanain sukua'ipa, sükajee tü aashajaashikaa wattapünaa jee müsia analen süpüla mmakaa

Aküjiaa 218. Tü pütchikaluirua anaatiaakaa akua'ipa awastüsü süka wane'ella jee suwanajaain otta saakajennuin sükajee wanee asakiraa, shiaja'a nee'e nnojoleetka atuma tü laülaasükaa pütchi. Eesü süpüla suwanajaain süpüshua'a otta süpüshi wanee pütchi laülaa awanajaanüin süpüshi e'itaanüsü suchukua'a sulu'u waneesia karalo'uta süshajünakaa alu'u tü suwanajaayakaa.

Ja'rai süchikijee: Tü sukua'ipajatükaa

Aküjiaa 219. Tü palajanaajatükaa aashajawaa sutuma tü Ajutkawaa Mülo'usukoo ottajatü sünain saapinnüin anain, ja'ralio'u kashi Eneero süpülawai juya ajattalein po'loopa ja'ralimüin ka'i nülü'ujain Kashikai Akoosto.

Otta müsia suchukua'a sünainjee po'loo ja'ralimüin ka'i kashikai septiembre ajattaleein su'utpünaa po'loo ja'ralimüin ka'i kashikai tisiempüre.

Aküjiaa 220. Tü Ajutkajawaakaa Mülo'usukoo akotchiraajeerü süpüla apan-saajaa wanee aanejawaa jee müsüja'a eekai kajutshaanain aashajaanajatüin oo'u.

Aküjiaa 221. Tü cho'ujaakaa jee tü aa'innajatükaa süpüla kottaa namüin na sulujunakana tü Ajutkajawaakaa Yaajatü Yaa, jee shi'yataaya tü e'itaanajatüin sulu'u sükajeesü pütchi laülaayuu.

Aküjiaa 222. Tü Ajutkajawaakaa Yaajatü yaa eesü süpüla jülüjain saa'in tü alatakaa süpüshuia'a sulu'u tü shi'yataainkaa, sükajee tü eewaakaa süpüla asakinnaa, asakiraa süchiirua kasa, asakijaa sünain kasa, tü aliwataanakaa anain jee tü ooniraanakaa anain natuma yootshoi sükajee tü laülaasükaa pütchi jee tü anaatiaakaa akua'ipa. Su'utpünbaa shi'yataain tü Ajutkajawaakaa atijaanajatü oo'u sukua'ipa na'yataain na sulu'ukana, eesü süpüla suchuntunuin sünüiki sütchin sukua'ipa wayuu sünain.

Aküjiaa 223. Tü Ajutkajawaakaa jee tü e'itaaushikalüirua süpüla een waneepia, eeshi süpüla asakiraa süchiirua eekai natijaahein oo'u sünainpünaajatüin na'yataain.

Napüshua'ale na a'yataaliikana sulu'u laülaapia, eeshjii süpüla süsirüin oota süsalajanain kasakaa supushua'a nnojoluin anain natuma sünain tü na'yataainnkaa.

Pütchikaa tüü alatajatü noo'omüin wayuu napüshua'a, shiaja'a nee'e nnojoleetka e'itaanüin eekai nnojoluoin sutuma tü laülaasükaa pütchi.

Aküjiaa 224. Tü sukua'ipakaa tüü asakiraakaa süchiirua wanee kasa nnojotsü jamajüin sukua'ipa tü wanee shikiikaluirua aluwatawaa. Na anaajüliikana

akua'ipa eenjatü natuma tü karalo'utakaa aküjainjatükaa sünülia sümüin tü e'itaaushikalüirua süpüla mmakaa süpüshua'a.

Piama shi'ipa

Sütchin aluwatawaa natuma laülaashii yaajatü yaa

Palajatü:

Nukua'ipa chi laülaashikai shikiipu'u mmakaa

Aküjiaa 225. Tü sütchinkaa aluwatawaa naa'inrüin laülaashii yaajana yayaa, na ne'pejeejanakana jee süpüshua'a tü a'yataasükalüirua laülaapialu'u sükajee tü laülaasükaa pütchi je tü anatiaakaa akua'ipaa

Aküjiaa 226. Shikiishikai laülawaa sulu'u mmakaa nia laülaashika'aya sulu'u mmakaa süpüshua'a, nia aluwataakaa sünain kasakaa süpüshua'a.

Aküjiaa 227. Süpüla ni'itaanüin wanee laülaashijachi shikiipu'u mmakaa acheküshi Wenesolaanoin otta Wenesolaanain sünainjee jo'uuwaa, nnojoishi sulu'ujeeinjachin wanee mma watta, alatajatü nuuyase süchikijee apünüin shikii juya, ka'wayuusein, jee müsüsja'a ayatajatüin sukua'ipa tü laülaasükaa pütchi.

Aküjiaa 228. Süpüla aneekajaa otta ajutaa noo'u wayuu shikiishinjachi mmakaa sükajeeinjatü sujutuun wayuu süpüshua'a süpa'a mmakaa eere nükanajüin chi maimakai ayuluin ajutuushi wooto münakaa.

Aküjiaa 229. Nnojoishi süpüla nüneekajünüin otta nujutunuin oo'u wanee shikiipu'uinjachin mmakaa, müleka eeshire ni'ipejeejanain chi laülaashikai, sü'laüla mma tü Estaado münakaa, Alkaalen tooloyuu sümaa jiejyuu wanaa sümaa tü e'itawaakaa jee su'utpünaa.

Aküjiaa 230. Tü sükaliakaa nuluwataain wanee shikiipu'u mma aipirua juya. Chi shikiipu'ukai mmakaa eeshi süpüla ni'itaanüin nuchukua'a watua saa'amüin.

Aküjiaa 231. Chi aneekajuushikai toorolen otta jietlen eekai akanajüin naapaainjatü laülawaakaa süpüla aluwatawaa, po'loopa ka'i kashikai Eneero soo'u juya nuttakaa oo'u sünain nüküjainjatüin shiimüin sümüin tü ajutkawawaaka;

müleka sa'le nüchiki tü ka'ikaa e'itaanakaa, naa'inrajatü tüü su'upala tü Anaatüleekaa Akua'ipa Laülaasükaa

Aküjiaa 232. Chi shikiipu'ukai mmakaa laülaa soo'u kasakaa süpüshua'a naa'inrüin jee müsüja'a tü e'itaanakaa apüla nia.

Einjatü nutuma sujutu wayuu süpüshua'a sulu'ukoo Wenesueela jee müsüja'a tü eewaakaa sünain waneejataa, laülawaa sutuma mmakaa jee müsia saa'inmajia. Müleka eere wanee akua'ipaa akatalu'u jülüjainjatü naa'in nümaayalee chi ni'ipejeejanain sünain aluwatawaa sükjajee tü sümakaa tü laülaasükaa pütchi.

Aküjiaa 233. Nnojoishi münajachi chi shikiipu'ukai mmakaa: Müleka o'utulen, un'ulaale a'yatawaakaa, niuluushire sükjajee sünüiki Tü Anaatüleekaa Laülaasükaa, müleka ayuure sa'le nüchiki a'yatawaa, sükjajee sünüiki tü Ajutkajawaa Mülo'usuko, müleka nüpünaale ni'yataain sümaa sütüjaain soo'u tü Ajutkajawaa Mülo'usukoo jee müsüja'a niyuluushire sükjajee wanee asakiraa sünain tü ni'yataainkaa.

Müleka nnojoireere chi shikiipu'ukai mmakaa wanaa sümaa naapaainjachin laülawaa, eejeesü wanee aneekaja'aya maka apünüin shikii ka'i süchikijee. Süma'ainruu nüneekajünüin otta nujutunuin oo'u chi jekechikai shikiipu'u mmakaa, nianjachi laülaakaa sulu'u mmakaa chi shikiipu'ukai tü Ajutkajawaa Mülo'usukoo.

Müleka nnojoireere chi sü'laülashikai mmakaa wanaa sümaa nuliuwataain pienchi juya, acheküshi aneekajünaa wanee jekechi maka apünüinb shikii ka'i süchikijee. Wanaa sümaa tüü, chi ni'ipejeekai sünain aluwatawaa niashi shikiipu'ukaa mmakaa.

Sükjajee tü aküjünüipakaa achiki e'itaanüin ni'iraka chi laülaashikai, najattirajatü sükalia tü aluwatawaakaa. Tü nnojolaakaa wanaale sümaa sajatteepa laülawaa maka piama juya, chi ni'pejeekai tooloyuu jee jeyuu nianjachi ajattirakaa sükalia tü aluwawaakaa.

Aküjiaa 234. Müleka nnojoireere chi shikiipu'ukai mmakaa, eenjachi

no'opünaajana chi ni'pejeejanakai toorolen otta jietlen sünainmüin mekietsat shikii ka'i, eesü süpüla ka'amüin ma'akane'e Sükalia sükajee tü Ajutkajawaa Mülo'usukoo.

Aküjiaa 235. Süpüla nnojolinjachin chi laülaashikai shikiipu'uin mmakaa sulu'u mmakaa, shianjatü kanüikla noo'u tü Ajiutkajawaakaa mülo'usukoo jee müsüja'a eekai shi'itaain tüü, müleka kama'ainjachiren nia makaa ja'rai ka'i.

Piama süchikijee:

Tü naa'inrajatükaa chi laülaashikai shikiipu'u mmakaa

Aküjiaa 236. Shia naa'inrajatükaa chi laülaashikai shikiipu'u mmakaa tüü:

1. Naa'inrajatü kasakaa süpüshua'a sükajee tü laülaasükaa pütchi.
2. Nuluwataainjatü sukua'ipa tü aa'inajatükaa sulu'u.
3. N'taainjana na ni'pejeeinjanakana otta nuwanajaainjana naya'asa.
4. Nuluwataainjatü anain tü e'raajirawaakaa wattapünaa jee tü sünüikimaainjatükaa mmakaa. Aashajawaa, yootoo jee anaawajiraaaakua'ipa sulu'upünaa mma watta.
5. Nuluwataainjatü sutchin sa'apüla mmakaa, niainjachi kajutshaanaka sa'akajee.
6. Nülüikirüinjatü suluwataaya sutchin sa'apüla mmakaa shi'ipa'aya, süpüla yaletajanain ketaapa nakalia na laülaayuukana sulu'u.
7. Nianjachi aküjaka sukua'ipa tü akatalaaka jee müsia saakannUle sujutu wayuu sükajee tü laülaasükaa pütchi.
8. Niainjachi aküjaka saapünapa ekii nümüin tü anaatakaa sukua'ipa kasa sünain kajutajatüin shia.
9. Neenajaainjatü tü Ajutkajawaa Mülo'usukoo süpüla yootaa anaatiajatü akua'ipaa
10. Nukumajüinjatü sukua'ipa tü anaatiaakaa akua'ipaa sünain nnojoluinjatüin nuwanajaan tü shi'itaanakaa anain paalan
11. Naa'inmajüinjatü sukua'ipa sünneetsahe mmakaa
12. Eeeinjachi sünain aashajawaa süchiki sa'anapala mmakaa
13. Eeinjatü nutuma nneerü sa'amüin suliajatü tü cho'ujaaka sulu'u mmakaa'sükajee sünüiki tü ajutkajawaa mülo'usukoo.
14. Eeinjachi sünain tü yootookoo süchiirua tü anakaa sümüin wayuu

- süpüshua'a sükajee tü sümakaa laülaasükaa pütchi.
15. Ni'taainjatü sukajee sünüiki tü Ajutkajawaa Mülo'usukoo chi aa'inmajüinjachiukai sukorolo tü mmakaa jee müshijja'a na laülaayuuinjanakana wappünaa sünüliamaa mmakaa.
 16. Ni'itaainjana na a'yataalikana sulu'u laülaapia müleka sükajeeinjatülen sünüiki tü laülaasükaa pütchi.
 17. Nuluwataainjatü sümüin tü Ajutkajawaa Mülo'usukoo sükajee nünüiki jee müsia nakajee na ni'pejeejanakana karalo'utakaa süpüshua'a sümaajatükaa sukua'ipa ni'yataain.
 18. Nukumajüinjatü sukua'ipa tü anainjatükaa anainjee mmakaa jee müsüja'a shia eemateesü.
 19. Ajutajachi nachiki wayuu suttushii
 20. Ni'taainjatü ekii sukua'ipa je'rain jatülen, jamüinjatüi sukua'ipa jee tü shi'yataainjatükaa tü laülaapiakalüirua miniteeria münaka jee müsüja'a tü laülaapiakaluirua süpushua'a, jee sukua'ipa shi'yataain ajutkajawaa natuma na ni'ipejeejana sükajee sünüiki pütchi saajutu.
 21. Nuwasaje'erüin tü Ajutkajawaakaa Mülo'usukoo sükajee tü süküjaka tü laülaasükaa pütchi.
 22. Eenajaainjachi wayu süpüshua'ale sünain wanee asakiraa, sukajee sünüiki tü laülaasükaa pütchi.
 23. Neenajaainjatü anain jee nia shikiijee tü saa'inmajiakaa mmakaa.
 24. Jee müsüja'a tü sünüikimaakaa tü laülaasükaa pütchi

Chi laülaashikai shikiipu'u mmakaa ayatajatü nutuma suluwataaya kasakaa süpüshua'a, neenajaainjatü tü ni'ipejjejatukaluirua süpüla nuluwataain sünain tü aküjünakaa süka ayaawajjai 7, 8, 9, 10, 11, 12, 13, 14, 18, 20, 21, 22, jee müsia tü püchiru'ukoo nümüin süpüla naa'inrajatüin.

Aküjiaa 237. Sulu'u tü palajatkaa po'loo ka'i süchikijee suttuin shi'yataain tü Ajutkajawaakaa Yaajatü yaa chi shikiipu'ukai mmaka eewalinjatü nutuma nüküjain sukua'ipa tü ni'yataainkaa eere nüküjainjatüin suchukua kasakaa siüpüshua'a alatakaa sulu'u mmakaa, süpülawalinjatü juya nutuma.

Apünüin süchikijee:

Na ni'ipejeejanakana chi shikiipu'ukai mmakaa

Aküjiaa 238. Na ni'ipejeejanakana chi shikiipu'ukai mmakaa a'yataajiraainjana nümaa chi shikiipu'ukai mmakaa aka niain laülaashin sulu'u mmakaa.

Na ni'ipejeejanakana aneekajuushinjana müinyaka nüneekajia chi laülaashikai jee müshija'a naya nnojoliishii nüpüshinjan ain otta kasain nünain chi shikiipu'ukai mmakaa.

Aküjiaa 239. Tü naa'inrajatükaa na ni'ipejeenakana chi laülaashikai sulu'u mmakaa shia tüü:

1. Eejiraainjana nümaa chi shikiipu'ukai mmakaa sünain sukua'ipa aluwatawaakaa.
2. Nakumajüinjatü sukau'ipa a'yatawaakaa sümüinjatü wayu supushua'a sükajee nünüiki chi shikiipu'ukai mmakaa.
3. Naashajaainjatü nümaa chi laülaashikai sukua'ipa nawanajaaya na shikiipu'ukana tü miniteeriakaa
4. Eeshi süpüla shikiijeein wanee yootoo sulu'u Ajutkajawaakaa natuma aluwataashii sükajee nünüiki chi shikiipu'ukai mmakaa.
5. Nakumajüinjatü sukua'ipa shi'yataaya tü laülaapiakaa sümaa tü Ajutkajawaa mülo'usukoo
6. Shikiishinjana sünain aluwatawaa sujutkajaapa laülaayuu aluwataashii.
7. Nawanajaainjatü tü a'yataatkaluirua laülaapialu'u sükajee sukua'ipa pütchi laülaa.
8. Eeinjana sünain aluwatawaa sümaa nnojoikalo'u chi shikiipu'ukai mmakaa.
9. Naa'inrüinjatü tü nümake chi laülaashikai
10. Tü waneeirua eekaa suchuntuin tü laülaasükaa pütchi.

Aküjiaa 240. Müleka eere wanee aashajawaa noo'u na ni'ipajeejanakana chi shikiipu'ukai mmakaa, sükajee nanüiki sümaa najutala na sulu'ukana tü Ajutkajawaa mülo'usukoo acheküshii awanajaanaa. Na a'yataliikana ajuitinnuin sulu'ujee na'yataain nnojotsu süpüla naapaainjatüin wanee a'yatawaa mülo'usüin.

Müleka nayunnule maimatua na a'yataashii sünain ni'ipejeejanain chi shikiipu'ukai mmakaa sünainjee pütchi mojusu namüin sünainjee wanee aainjalaa, chi shikiipu'ukai mmakaa sünainjee tüü eesü süpüla nuwasaje'erüin tü

Ajutkajawaa Mülo'usukoo. Süchikijee tüü, eejeesü wanee ajutaa jee aneekaja suchukua'a sPuppUla ne'itaanüin na neirakainjana sülatapa piama kashi süchikijee suwasajaanüin.

Nnojotsü awastünajatüin tü Ajutkajawaakaa sajatteematapa nuluwataain chi laülaashikai.

Aküjiaa 241. Na ni'ipejeejanakan a chi shikiipu'ukai mmakaa laülaainjana soo'u tü naku'a'ipakaa sümaa naa'inrakaa, sükajee tü sümakaa tü laülaasukaa pütchi.

Pienchi süchbikijee:

Na Ministroyuukana jee tü najutkajaayakaa sünain aluwatawaa.

Aküjiaa 242. Na Ministrokana toloyuu sümaa jieyuu naya ni'ipejeenaka chi shikiipu'ukai mmakaa jee müshija'a naya ajutkajaashii süpüla sukua'ipa tü aluwatawaaakaa.

Chi shikiipu'ukai mmakaa niainjachi shikiijeekaa tü ajutkajawakaa natuma, akatsa eein süpüla nuluwataain wanee laülaashin nutu'ujee süpüla nayain shikijeein muleka sa'le nuchiki nu'nuin sünain.

Tü pütchikaa ajuitakaa sulu'ujee tü ajutkajawaakaa natuma na ni'ipejeenakana chi shikiipu'ukai mmakaa, shiasü pütchi kajutsu natuma napushu'a na sulujunakana, jalu'usa eere wanee nnojotsu wanüikimaajatüin müin.

Aküjiaa 243. Chi laülaashikai shikiipu'uin mmakaa nianjachi e'itaaka na ni'ipejeenakana sulu'u mmakaa, sumajo'o eein naya sünain a'yatawaa nümaa chi laülaashikai kaalianjachi napüla chi shikiipu'ukai mmakaa sünain sukuaipa tü aluwatawaaakaa.

Aküjiaa 244. Süpüla tü miniistraakaa achekushi weneolaanain jee nuuyase alatajatü suulia piama shikii juya, jee müsia julujainjatüin naa'in tü sümakaa tü laülaasaükaa pütchi.

Na ni'ipejeejanakana chi shikiipu'ukai mmakaa laülaashii soo'u tü naa'inrakaa supüshua'a sükajee tü laülaasukaa pütchi jee tü anaatiakaa akua'ipaa jee

müshijja'a naya nakujainjatü sukua'ipa tü na'yataainkaa sümüin tü Ajutkajawaa mülo'usukoo, wanaa sümaa piamaawai kashi süpüla juyakaa suchukua tü na'yataainkaa kettaajapa wanee juya, sükajee sukua'ipa pütchi laülaa.

Aküjiaa 245. Na Miniistrokana tooloyuu jee jieyuu eeshi süpüla kanüiküin sulu'u tü Ajkutkajaalee mülo'usukoo, eeshii süpüla naashajaain sünain nnjoluinja'a najutuun.

Aküjiaa 246. Müleka eere wanee pütchi mojuin nüliajatü wanee miniistro sukajee maimasü ajutsu sulujutkaa tü Ajutkajawaa Mülo'usukoo, eeshi süpüla nuwanajaanüin sünainjee ti'a. Na laülaayukana laülaapiualu'u müleka najuitinnule nnojoliishii süpüla naapain wanee a'yatawaa mülo'usüin wanaa sümaa nuñluwataain chi shikiipu'ukai mmakaa.

Ja'rai süchikijee:

Nukua'ipajatü chi Aa'inmajüikai Mmapa'akaa

Aküjiaa 247. Tü laülaapiakaa aa'inmajiakaa mmakaa, sukumaja akua'ipalu anakaa sümüin, kaaliasü süpüla jee müsüja'a shikiipu'uinjatüin tü aa'inmajaakaa tü sukorolokoo mmakaa, jee musia shia asakinna anairü palajana tü sukua'ipakaa.

Tü shi'yataayakaa jee sukumajia sukua'ipa sukajeeinjatü tü pütchikaa anaatiaakaa akua'ipa.

Aküjiaa 248. Tü laülaapiakaa aa'inmajiakaa mmakaa a'yataainjatü sükajee wanee shikiipu'u aa'inmajüi otta aa'inmajülü, a'yatajiraainjatü namaa naa laülaayukana sünbain aluwatawaa jee tü sukua'ipakaa sukajeesu pütchi laülaa

Aküjiaa 249. Chi shikiipu'ukai aa'inmajaa mmakaa wanaawasü nujutu namaa na laülaayuu aneekajuushikana süpüla sulu'uin tü Anaatülee Akua'ipaa Mülo'usukoo. E'itaanajachi nutuma chi shikiipu'ukai mmakaa sükajee nanüiki na sulu'ukana tü Ajutkajawaa Mülo'usukoo.

Aküjiaa 250. Chi shikiipu'ukai aa'inmajaa mmakaa o'unajachi sulu'u tü ajutkajawaakaa natuma laülaayuu aluwataashii.

Aipirua süchikijee:

Sukua'ipajatü Ajutkajawaa natumaa laülaayuu shikiipu'u mmakaa.

Aküjiaa 251. Tü Konseejo Estaado münakaa shia shikiisüjatükaa asakiraa sukua'ipajiraa tü shi'yataaya, suluwataaya sulu'u tü mmakaa shiaalu'u wayuu süpüshua'a. Shiainjatü anaataka sukua'ipa wanee a'yatawaa anasüin süpüla süküjünüin nümüin chi shikiipu'ukai mmakaa.

Akumajünajatü sukua'ipakaa jee shi'yataaya sükajee pütchi laülaa anaatiaa aklua'ipaa.

Aküjiaa 252. Tü Konseejo Estaado münaka nia shikiinjachika chi nutu'ujeejachikai chi laülaashikai shikiipu'uin mmakaa jee ja'raisü wayuue'itaashu nutuma chi shbikiipu'ukai tü mmakaa, wanee sulu'ujeejachi tü ajutkajawaakaa mülo'usukoo, wanee sulu'ujeejachi tü Anaatüleeakaa Akua'ipaa mülo'usukoo jee wanee laulaashin shikioipu'u tü Estaadokaluirua ne'itaalain na waneerua.

Apünüin shi'ipa

Sütchi sünaatia akua'ipaa jee tü anaajüleekaa akua'ipaa

Palajanaa: Tü sukua'ipajatükaa süpüshua'a

Aküjiaa 253. Tü eewwaakaa süpüla shi'yataaya sünaatia akua'ipaa sünainjeeinjatü wayuu süpüshua'a tooloyuu sünaa jieyuu jee shia sünülimaasü tü mmakaa süpüshua'a sükajee pütchi laülaasü.

Einjatü tüü süpüshua'a sünainjee tü süpülajanakaa sutchin sünaatia akua'ipaa, makatka tü anakaa tü shi'yataayajatükaa sükajee tü pütchi ashajuushi natuma laülaayuu shikiisajatüin sukua'ipa.

Tü anaajüleekaa akua'ipaa maimasü, shikijeesü tü Anaatüleekaa Mülo'usukoo, wanee anaatülee akua'ipa matsayuu, laülaapia süljatü wayuu, tü akaaliajüleekaa wayuu, tü süpülajanakaa süsakiriya sukua'ipa eekai kasalajain, tü a'yataatkaluirua sulu'u tü anaajüleekaa akua'ipaa, tü asürüliakaa eekai

kaainjalain, tü anakaa süpüshua'a süpüla anaatiaain akua'ipaa, na alijuna pütchipu'ukana jee wayuu napushua'alee sünain anaa atuma kasa.

Aküjiaa 254. Sukajee tüü a'yataainjatü shimiwa'a, kannejatü shimiwa'a tü sukua'ipaka tü a'yatawaakaa sulu'u tü anaajülee akua'ipaa. Süpüla tüü kannetshesü shimiwa'a sutuma tü laülaapiakaa shikiisükaa aluwatawaa s'püla aninjatüin tü shi'yataainkaa shiaalu'u anaataa sukua'ipa wayuu. Tü sutchinkaa sünaatia sukua'ipa wayuu nnojotsü sünainpünainjatüin achuntaa suwalaaajia kasakaa süpüshua'a eekai shi'yataain.

Aküjiaa 255. Süpüla ekerolaa sünain a'yatawaakaa sulujutu tü anaatüleekaa akua'ipaa jee müsüja'a tü sulikiakaa nakua'ipaa sünain a'yatawaa na anaajülikana akua'ipaa aa'innajatü sükajee natijala jee na'yataain eere atijaanüinjanain sünain anashiii, aatijashinn aneekajuushiin natuma laülaayuu sulu'u maa eeje'ewaliire sükajee sünüiki pütchi laülaa. Tü ne'itaayakaa na Anaajülikana akua'ipaa sutumasü tü Anaatüleekaa Akua'ipaa Mülo'usukoo. Sutuma laülayuu een wanee wayuu süpüla aneekajaa eekai Anaajülinjachin akua'ipaa jee müsia nawanajaaya sükajeesü pütchi sünaatia sukua'ipa.

Sutuma pütchi laülaasü sünain akumajaa sukua'ipa tüü, na e'itaanüin anaajülinjanain achekeeshi wayuun atijashii, asatshiin süka karalo'uta sulu'u Uniwersiraa süpüla na'yataainjanain sünain tüü anaajakaa nakua'ipa wayuu.

Na anaajülikana akua'ipaa wanee wayuuirua laülaayuu aa'inna sünain kasakaa süpüshua'a eekai naa'inrüin, eere wanee mojuin sukua'ipa eekai nnojoluin neishajaain achiki sünainmüinsu nakua'ipa ti'a.

Aküjiaa 256. Süpüla eeninatüin paansaain sukua'ipa jee shi'yataaya tü sünaatiakaa akua'ipaa, na laülaayuu sulu'ukana, na naajülikana akua'ipaa, na e'rajülikana soo'u kasachiki jee na akaalijülikana wayuu, sünainje'eree ka'i ne'itaanakalo'u jee süchikijee n oulaain na'yataain, nnojoshii sünainpünainjanain tü a'yatawaakaa sümaa partiido, a'yatawaa sulu'u sindikaata jee a'yatawaa jayain alu'u washirüü, nnojotsü neitaainjatüin wanee wayuu aa'inrüin wanee kasa müinka tüü no'opünaa, shiaja'a anaka süpüla naa'inrüin tü ekirajaakaa, eeshii nee'e süpüla ajutaa

Aküjiaa 257. Tü sukua'ipakaa a'yataawaa shiaalu'u anaataa sukua'ipa wayuu shia eenjatükaa atumaa waneepia jee müsia tü pütchikaa anaatakaa sukua'ipa tüü süpansaajüin süpüla anainjatüin sümüin wayuu supüshua'a, mama'ainjatü, aashajaaushinjatüin jee müsüja'a shia oupalaainjatü. Miuleka mojuinjatülen nnojotsü aa'innajatüin.

Aküjiaa 258. Sutuma tü pütchi laülaasükaa eenjatü sukumajia sukua'ipa tü aanaatakaa akua'ipa anaamaalu'u sulu'u mmakaa süpüshua'a jee müshijja'a na anaajüliikana akua'ipaa aneekajününjana süka ajutaa, sükajee sümakaa pütchi anaatiaakaa akua'ipa.

Sükajee tü anaatiaakaa akua'ipaa eenjatü tü kanükiaakaa soo'u wayuu, achajawaa anaawaajiraa, jee müsia eekai atijaanüin oo'u anain süpüla anaatia alku'a'ipaa sümaa ksachiki.

Aküjiaa 259. Akaaja'a joolu'u tü sukua'ipa shi'yataaya tüü sünainjeesü tü Anaatüleekaa Akua'ipaa Mülo'usukoo, shia e'rajünjatükaa soo'u tü aa'innakaa süchikimaajatüin kasachiki, sujutumaajatüin wayuu, suchiki na'yataain na laulaayuukana, kasalajanasü tü aapawaakaa nneerü otta awalaajiraa nneerü soo'u tü a'yatawaa sulu'ukoo, sukua'ipa suwalaajia e'ralaa namüin wayuu jee müsia namüliala

Aküjiaa 260. Na wayuu laülayuukana kajutshiikana namüin wayuu napüshua'aya eeshii süpüla een natuma noumainru'u tü nakua'ipakaa, sünain anaataaa wanee kasachiki mapu'uinka natuma na wayuu namaiwajanakana, müleka sukua'ipalene'e wayuun, sünain nnojoluianjatüin shia sünainpunain sukua'ipa alijuna jee müsüja'a tü pütchi anaatiaakaa akua'ipaa. Eejeerü sutuma pütchi laülaayuu tü sukua'ipajat+ükaa süpüla eejiraain kajutujin sukua'ipa wayuu sümaa alijuna süpa'a mmakaa süpüshua'a.

Aküjiaa 261. Tü sünaatiaakaa sukua'ipa türa a'yataashiikana sümaa sa'apüla mmakaa na militaarü münakana shiale'ella supushi tü sutchinkaa tü anaatiaakaa akua'ipaa sulu'u mmakaa, na anajüliikana naüoin aneekajünüshii süka natijala jee na'yataain, kanajiasü sukua'ipa shimiiwa'a. Tü aainjalaa mojusukaa eekai sünainmujinatüin wayu muinka o'utaa wayuu aa'in sunatajatü tü anaatuleekaa sulu'ukoo mmakaa jee müsüja'a tü saainjalakaa militaaluyuu akatalu'usu

shimiiwa'a.

Tü anaatiakaa akua'ipa shiainjatü e'itaaka sukua'ipa sulu'u mmakaa tü saa'inrajatukaa, shi'yataaya tü anaatuleekaluirua, müleka nnojolui sulu'u tü pütchi laülaasükaa.

Piama Süchikijee:

Anaatülee mülo'usukoo anaamaalu'u

Aküjiaa 262. Tü anaatüleekaa mülo'usukoo anaamaalu'u a'yataainjatü sulu'u tü Saala Kontitusional münakaa, poliitika, a'yataaya, aneekajaa jee ajutaa, sukua'ipajatü wayuu, sukua'ipa aainjalaa jee müsia tü shi'yataayakaa sükajeeinjatü pütchi anaatiakaa akua'ipa.

Einjatü wanee süpülajatü tü sukuaipakaa mma, sukua'ipa a'yatawaa jee müsia sukua'ipa tepichi.

Aküjiaa 263. Süpüla laülaaoinjachin wanee wayu sulu'u tü Anaatüleekaa akua'ipaa cho'ujaasü:

1. Einjatü numa'ana karalo'uta wenesaueelaje'ewaliin nia sukajee jo'uuin
2. Waneeinjachi wayuu anashii kajutuun.
3. Waneeinjachi atijashi ma'ain süpüla a'yatawaakaa tü, e'raajünüin, kajutuun, muinchinka maka po'loo ja'ralimüin nukalia sünain a'yatawaakaa tuu, atijashin sünain eikaa sulu'u tura miichikaa Uniwersiraa munaka.
4. Jee müsujaa shi'taakaa tü laulaasukaa pütchi.

Aküjiaa 264. Na atijashiikana laülaayuuin sünain anaataa akua'ipaa suluü tü anaatüleekaa laülaasu, aneekajuushi sünain ajutunaa oo'u süpüla naluwataain maka po'loo piamamüin juya. Eitaanajatü sukua'ipa tü na'yataainkaa sükajee anataa akua'ipaa sutuma laulaayuu, sumaayalee sutchin sukua'ipa wayuu supushua'a. Sukajee tü na wayuukana eeshi süpüla kanulinjanain muleka nnojolui anain tü e'itaanakaluirua su'laulain tüü.

Aküjiaa 265. Na laülaayuukana sulu'u tü anaatüleeka müluosukoo eeshi süpüla nawanaanuin sukajee sunuiki tü ajutkajawaakaa mjulousukoo, sünainjee nanuilki na sulujunakana suka maimasu ajutaa soo'u ti'a, susalajanasü tü eere wanee

kasa aa'innuin mopjuin noupala na wayuukana.

Aküjiaa 266. Tü saa'inrajatukaa tü Anaatulee Mülo'usuko shia tüü:

1. Ayatajatü sukuaipa sutuma tü munaka suluu tü shikiijeekaa mekiisatsu sulu'ukoo tü laülaasukaa pütchi
2. Eeinjatü sunuiki muleka eere wanee kasa mojuin nutuma chi shikiipu'ukai mmakaa, jee mushia eekai ein no'opunaa sukajee sunujiki tü ajutkajawaa mülo'usukoo
3. Eeinjatü sunuiki soo'u süpüla susalajna naainjala na na'atajunakana chi laulaashikai shikiipu'uin mmakaa, tura ministurakaluiruam chi aa'inmajujikai mmakaa, chi e'rajuikai soo'u tura akua'ipakaluirua, na laulaayuukana sulu'u Estado, na su'laulakana sa'apula mmakaa, nala eitaanuin laulaain sunuliamaa mmakaa wattamuin, na akaaliajuliikana wayu jee kasakaa supushua'a süpüla sunaatajatuinb sukua'ipa.
4. Sutujaainjatü soo'u tü atkawaa soo'u nneerü sulu'upunaa mmaka supushua'a, sulu'u tü Estaadokoluirua, munisiippia, laulaapialu'u, eepunaale nee'e.
5. Kanuikinjatü süpüla mojusun otta anasuin sumunajatuin eekai eitaanuin sukua'ipajatuin wanee a'uyatawaa sulu'upunaa maakaa supushua'a.
6. Siutijaainjatü sulkua'ipa shi'taaya tü anaatiakaluirua akua'ipaepunaale saashajaanuin, süpüla supansaajuin sukua'ipa
7. Sunaatajatü sukua'ipa shi'yataaya tü Anaatuleeka akua'ipa sumüin wayuu
8. Shiaawatuinjatü kasapulajatuinb wanee kasachiki süpüla sunaatuin sukua'ipa
9. Jee tü wanee shi'itaaka anaatiaa akua'ipa.

Apünüin süchikijee:

Aluwatawaa sümaa sutchin anaatiaa akua'ipaa

Aküjiaa 267. Shiaainjatü aa'inrakaa tü Anaatuleeka mülo'usukoo anaamaalu'u tü suluwataaqyakaa jee shi'yataaya tü sutchinkaa anaatiaa akua'ipaa, shirajia soo'u jee saa'inmajia tü anatuleekaluirua supa'apuna mmakaa jee tü shipiaka atumaa akaaliaja wayuu, sumaayalejaa sukua'ipa sunneetshi süpüla a'yatawaa.

Süpüla tü shiyataainkaa eeyamuinjatü sulu'upunaa tü mmakañlujirua tü Estado

munakaa shikiisajatü súpüla ayatuin shi'yataain.

Aküjiaa 268. Sutuma tü anaatiakaa akua'ipa eenjatü laülawaa shimiiwa'a jee sunaatia sukua'ipa, shi'yataaya jee supansaajia tü saa'inrajatukaa tü kaaliakaa apula wayuu súpüla eenjee nayaalu'u tü cho'ujaakaa namüin súpüla kaaliainjanain su'utpunaa kasachiki.

Aküjiaa 269. Eenjatü sutuma tü anaatiakaa akua'ipa tü shi'yataayakaa tü mmkaluirua súpüla eeyaa sumüin sulu'u tü anaatuleekaa akua'ipa súpüla eenjatüin shia supa'apunaa mmakaa.

Aküjiaa 270. Na ajutkajaakana súpüla aneekaja na laulashiijanain súpüla anaataa akua'ipaa shia akumajuinjatüka sukua'ipa sutchin nakua'ipa wayuu súpüla naneekajuin na kandidaatainjanakana súpüla sulu'uwaa tü Anaatuleeka mülo'usukoo, na anaajuliikana akua'ipaa. Na ajutkajaakana súpüla aneekajaa ein wayuu sulu'u ti'a supa'apunaa mmakaa súpüla kanuikin wayuu supushua'a.

Aküjiaa 271. Nnojotsü súpüla nnojoo sumunajatuin najuitia na wattaje'ewaliikana sulu'u mmakaa eekai kaainjalasuin sünain sukua'ipa nneerü, yüi, aluwajaa jee sünainpunawaa naatajatü suulia jee musia e'raa wayumuin, jee musia nnojoluinjatüin sajattuin susalajana wanee aainjalaa mujlo'u shipamüin wayuu.

Sukua'ipa tüü sumaa tü susalajatkaa ein atumaa su'upala wayuuu, aashajaaushinjatüin jee musia shia nnojoluinjatü kama'ain, eere einjanain na laülaayuukana sünain anaatakaa akua'ipa eekai kepin eeinsúpüla waneejatuin sukua'ipa.

Aküjiaa 272. Tü sü'laülakaa mmakaa eenjatü sutuma wanee súpülajunaa susurutnuin eekai mojuin saainjala, suypula shiaawajaain jatuin sulu'ujee, eere kajutuinjatüin atumaa, eejeerü a'yatawaa sulu'u, atijaa karalo'uta, asheitajawaa, emi'ijawaa, eere saa'inmajunuinjatüin natuma atijashii supuleerua ti'a, sünainjee joolu'u ti'a a'atapunusu sunaataainjatüin eekai sulu'uin.

Pienchi shi'ipa
Sutchin sukua'ipa wayuu

Palajanaa: Sukua'ipajatükaa süpüshua'a

Aküjiaa 273. Tü shi'yataayakaa tü shitchinkaa sukua'pa wayuu shia akaa-liajaakaa wayuu, tü laülaapiakaa süpülajatukaa wayuu jee tü Aa'inmajutkaa sukua'ipa mmakaa jee müshiija'a na eenjanakana sulu'u e'itaanushii sutuma tü Ajutkajawaakaa anaamaajatü Yaaajatü yaa chni shikiipu'uinjachikai namaalee na ni'ipajeejanain.

Tü sutchinka sukua'ipa wayuu alaülaasü sukajee tü ajutkajawaakaa sünain anaamaajatü, eere wanee Akaaliajuikai wayuu, Chi e'rajüikai soo'u tü sunaatiakaa akua'ipaa sulu'u mmakaa. Jee musia shia'yataajatü ajuiteerü sukajee laülaasükaa putcxhi.-

Aküjiaa 274. Tü shi'yataayajatükaa tü sutchinka sukua'ipa wayuu eesü süpüla maima kasa sünainjee tü suumaka tü laulaasukaa pütchi, süpüla susakiruin sünain wanee kasa, suchiyaaain jee kasalajanain wanee kasa sutuma sumaa sujutu, kasakaa supushu'a shipamüin tü anaakaa akua'ipa, anaakaa a'yataain, pansawaakaa akua'ipa, aa'inmajakaa sukorolo mmakaa jee müsujaja'e einjatüin atijaa mülo'u sulu'ujee, ekirajaa wayuu jee musia kajutujirawaa, kaaliajirawaa, anamiasa wanaawaa, taashaa jee a'yataawaa.

Aküjiaa 275. Na eekana sulu'u tü ajutkajawaakaa sumaa anaamaajatü nachuntajatü sumüin tü laulaayuukoo sulu'u tü laulaapuakaa, nakujuinjatü sukuiaipa nnojolui pansaain shi'yataain tü anaatiakaa akua'ipaa, eesü supuila anainsukujiaa namüin na wanee laulaayuukana süpüla natijaaain soo'u jee musia ne'itaainjatjuin susalajana. Shia sukajeesu tü anaatiakaa akua'ipaa.

Aküjiaa 276. Chi shikiipu'ukai tü Ajutkajawaakaa sünain anaammajatü akujainjana sukua'ipa tü na'yataainkaa sumauin tü Ajutkajawaakaa mülo'u-sausukoo sulu'u makaa sünain eenja'a shia süpüla suchuntunuin suchukua tü na'yataainkaa soo'u wanee ka'i.

Aküjiaa 277. Napushua'alee na a'yataaaliikana laulaapialu'u eeshi süpüla ksalajanainjatüin namüin kasakaa supushua'a nnjoluin anain sjukua'ipa, anakaa namüin kaalianjatuin sukuaiipa na'yataain n a suliu'ukana tü Ajutkajawaakaa anaamaajatü süpüla susakiruin sünain eekai nnjoluin anain, sukajee tü eesü

süpüla pansaain waneepia shi'yataaian tü laulaapiakaa sumüin wayuu.

Aküjiaa 278. Tü ajutkajawaakaa sumaa anaamaajatü süpülajatü eikaa, ekiraja wayuu supushua'a süpüla shi'raajunuin tü laulaasukaa pütchi, saali woumain watuma, anasaa namüin wayuu noumainru'u, sa'anasia akua'ipaa sulu'u mmakaa jee musia kajutujirawaa sutuma wayuu supushua'a.

Aküjiaa 279. Tü Ajutkajawakaa mülo'usukoo sumaa anaamaajatü aanejaainjatü suüla nachajaanuin na anakana sulu'uin tü sutchinjatükaa sukua'ipa wayuu, kalu'ujatü maima wayuu eepunaale anain palajana wanee asakiraa jee wanee yootaa süpüla eenjanain na laülaashiinjanian sulu'u sukua'ipajatukaa a'yatawaa süpüla anainjatüin ma'in tü mmapa'akaa.

*Piama süchikijee:
Sukua'ipa sükaaliajia wayuu*

Aküjiaa 280. Tü akaaliajaakaa wayuu süpülajatü sujutu jee shirajia tü ajutuukoo supushua'a jee tü eenjatükaa atumaa sulu'u tü laülaasukaa pütchi, tü aashajaaushikaa wattapunaa sutuma mmakaa suchukua sujutu wayuu jee musuja'a kasakaa supushua'a nanainpunain wayuu.

Tü akaaliajaakaa wayuu a'yataainjatü sukajee nakua'ipa na wayuu e'itaanakana sünain akaaliajulii wayuu, achekushii sulatuin nouyase suchikijee apunuin shikii juya jee mushiija'a atijain naya supuleerua kanuikaa soo'u tü najutakaa jee naalia wayuu

Aküjiaa 281. Shia saa'inrajatukaa tü Akaaliajaakaa wayuu tüü:

1. Jülüjainjatü saa'in kajutaa jee musia eenjatüin waneepia najutu wayuu sukajee tü manakaa sulu'u tü laülaasukaa pütchi, sumaayalee tü aashajaaushikaa wattapunaa suchukua sujutu wayuu eekai sunuikimaain tü mmakaa.
2. Jülüjainjatü saa'in muleka anale sukua'ipa shi'yataaoain tü eenjatükaa atuma tü chio'ujaakaa sumüin wayuu, saa'inmajuinjatü sukua'ipa wayuu, tü eekaa nama'ana süpüla ksalajanainjatüin shi muleka shinnule amüin wayuu
3. Eenjatü shiaalu'u wayuu kasakaa supushua'a aa'inmajuin nakua'ipamuinka

- tü sumakaa tü anaatuleeka akua'ipaa
4. Aapinnajachi chi e'rajuikai soo'u sunaatia sukua'ipa mmakaa süpüla eematuin susalajanaa saainjala tü a'yataakakuirua laulaapiualu'u.
 5. Achuntunajatü sumüin tü akjutkajawaakaa süpüla eematuin soo'u tü a'yataatkaluirua laulaapialu'u kasalajanain summüin eekai mojuin aainjala sulu'u tü laülaapiakaa, muleka aeere naliajatü wayuu sulu'u
 6. Achuntuinjatü sümüin tü aa'inrajatuka otta ea'itaainjatükaa susalajana wanee aainjalaa mojusü süpüla sa'inmajunuinjatüin nakua'ipa wayuu waneepia.
 7. E'itaanajatü sumüin tü munisiipiokloo, Estaadokoluirua jee supa'a mmakaa tü pütchikaa anakaa süpüla saa'inmajunuin sukua'ipa wayuu
 8. Julüjainjatü saa'in sukua'ipa najutu wayuu sumaa suchajanajatuin sukuja'ipa süpüla nnojoluinjanain muliain wayuu kajutajachi waneepia.
 9. E'raajanajatü supushua'a tü shipiakaa aluwatawaa sulu'u mmakaa süpüla saa'inmajunuinjatüin sukua'ipa wayuu
 10. Aküjünajatü shipamüin laulaapia anaatajatukaa sukua'ipa anakaa sumüin tü aa'inmajakaa nakua'ipa wayuu napushua'a supa'apunaa mmakaa
 11. Akujunajatü supushua'a tü alataka sumüin wayuu süpüla kaalia jee kajutaa.
 12. Supushua'a tü eekaa sumüin tü laülaasukaa pütchi.

Aküjiaa 282. Chi Akaaliajuikai wayuu kajutuinjacha'in sumaa ni'yataainkaa jee sünnainjee tü nnojishi apuleeruainjachin, ataunajachin jee musia nnojolinjachin e'itaanujin sünnain kasa eekai sünnainpunain tü ni'yataainkaa.

Aküjiaa 283. Tü anaatiaakaa akua'ipaa akumajuinjatü sulkua'ipa tü shi'ya-taayakaa tü akaaliajaakaa wayuu sulu'upunaa tü munisiipiokaa, sulu'upuna Estaado je musia eekai eitaanuin. Tü ni'yataainkaa o'unajatü süka sukua'ipa tü majutaaka, eejeekaa anain wayuu waneepia, aneesü, kawachireesü, pansajeesü jee musia tutaa sünnain süpüla anian jatuin wayuu.

Apünuin süchikijee: Sukua'ipa laulaapia sumüin wayuu

Aküjiaa 284. laülaapiakaa sumuinjatükaa wayuu niainjachi aluwataakaa sulu'u chi e'rajuikai soo'u sunaatia sukua'ipa kasa supushua'a suluü mmakaa, eere ni'yataain jachin wanaa tü wanee laulaapiakaluirua.

Süpüla eenjachin wanee laulaa süpüla e'rajaa soo'u tü anaatiakaa akua'ipaa ayatuinjatjuin nujutu muinka na sulu'ukana tü AnaatUleekaa Akua'ipa Mü-lo'usukoo, eere nia aluwataainjachin maka akaratshi juya.

Aküjiaa 285. Shia saa'inrajatukaa tü laülaapiakaa sümuinjatükaa wayuu tüü:

1. Eenjatü sutuma sulu'u anaatuleekaa akua'ipaa sujutu tü laülaasükaa pütchi, najutu wayuu waneepia sumaayale tü aashajaaushikaa wattapunaa sutumaa mmakaa.
2. Eenjatü sutuma shi'yataain tü sunaatiakaa akua'ipaa jee kawachirainjatüin eekai een ama'ana kaainjalaa
3. E'itaajatü shikii suchajaaya otta susakiriya tü aainjalaa mojusukaa süpüla julujainjatüin saa'in shia, süpüla suchajaanuin anakaa sumuin.
4. A'yataainjana sünüliamaa mmakaa, kasakat supushua'a kanain aainjalaa süpüla suchajaanuin tü anakaa sumüin soo'ujee.
5. Eenjatü kajutuin atuma kasakaa supushua'a süpüla anainjatüin sukua'ipa tü wayuwaakaa, sukua'ipa a'yatawaa, sukua'ipa a'yataashii suka sa'apulaa mmakaa, aainjalaa nojusu, a'yatawaa mojusu natumajatü na a'uyataaliikana sulu'u tü laülaapiakaa.
6. Süpushua'alee tü shi'itaakaa tü sumakaa tü laulaasaukaa pütchi

Aküjiaa 286. Tü anaatiakaa sukua'ipa kasa sulu'u mmakaa shiainjatü e'itaakaa tü sukua'ipajatuka sulu'upunaa tü munisiipiokaa, Estaadokoluirua jee tü supa'apunaajatukaa mmakaa, süpüla eenjatüin waneepia sünain anashaanain tü a'yatawaakaa sünain pansawaa jee atijalaa natuma na shikiipu'ukana.

Pienchi süchikjee:

Sukua'ipajatü tü laülaapia aa'inmajiakaa mmakaa

Aküjiaa 287. Tü laulaapiakaa Aa'inmajiatukaa mmakaa süpülajatü aa'ainmajaa, e'rajaa soo'u jee shirajia soo'u tü sünneetshikaa mmakaa, tü akataajunakaa sulu'u, tü eekaa sulu'u mmakaa jee musuja'a tü a'yatawaakaa sümaa kasakat supushua'a sulu'u Wenesueela.

Aküjiaa 288. Tü Laulaapiakaa süpüla aa'inmajaa nuluwataainjatü alu'ujee wanee aa'inmajüikai mmakaa, eere nia Wenesolaanoinjachi sukajee jo'uuin,

apaayaainjachi suchikijee po'loo shikii juya jee mushija'a nia atijashi anasü ma'in nayataain.jee mushia nia chi e'itaaushikai nutuma chi shikiipu'ukai mmakaa süpüla ni'yataainchi, akaratshi juya.

Aküjiaa 289. Shia saa'inrajatukaa tü laulapiakaa aa'inmajutkaa sukua'ipa mmakaa tüü:

1. Eenjatü sünain aa'inmajaa, e'rajaa soo'u jee atijawaa soo'u sukua'pa tü nneetkaa antakaa, akataajunakaa, saainjuinkaa mmakaa jee tü shi'yataayakaa sünain nnojoluinjatüin jamajuin tü mmakaa suchikijee.
2. Jülüjainjatü saa'in tü juyaalakaa sünain nnojoluinjatüin sünainpunain tü mmakaa suukua'ipa tü Estaadoakolauairua jee tü munisiipiokoo sukajee tü laulaasükaa pütchi.
3. Shirajaainjatü shi'yataayakaa süpüshua tü laülaapiakaluirua eekaa süpa'apünaa mmakaa, süpüla eenjatüin asakiraa suchiirua eekai nnojoluin pansaain sukua'ipa shi'yataaya süpüla suchajaanajatuin tü anakaa sumuin, muleka eere aa'inralaa nnojoluin anain acheküsu kasalajanain sutuma laülaapiaka.
4. Eenajaainjatü chi e'rajuikai sso'u sukua'ipa tü sunaatiakaa akua'ipaa jee mushija'a chi aa'inmajuikai sukorolo mmakaa süpüla kasalajanain shia natuma, atijaanajatü oo'u tü eekaa sulu'u mmakaa, tü eekaa sulu'uwai tü laülaapiakalüirua.
5. Saa'inrajatü tü anakaa sumüin shiaawatia a'yataawaakaa tüü sulu'upunaa tü laulaapiakaluirua jee tü mmakaluirua kalu'ukalüin süpüla sutüjaanüin oo'u tü eekaa, tü neerü ekerolokaa, tü *akatajünakaa* jee korolo eekaa sulu'u laülaapia.
6. Tü waneerua eekaa sutuma tü laülaasukaa pütchi.

Aküjiaa 290. Tü anaatiakaa akua'ipaa shiainjatü akumajakaa shi'yataayapala tü Aa'inmajütkaa akua'ipaa mülo'usukoo sulu'u Mmakaa jee müsia tü sukua'ipajatükaa shi'yataaya nneerü.

Aküjiaa 291 Tü laülaapiakaa aa'inmajakaa sukua'ipa tü sa'apülapala mmakaa shiale'ella sumaaajatü sukua'ipa aa'inmajaa mmakaa supushua'a. Shia eenjatükaa atuma shi'rajia soo'u sünneetshi, sukataajia jee sukorolo tü kama'anasukaa sa'apula mmakaa jee musuja'a tü a'yataasukaa supushua'a sulu'u

sünain shi'yataajirainjatüin sumaa tü laulaasukaa sunian aa'inmajaa sulu'u mmakaa. Tü shi'yataayakaa jee sukua'ipa akumajaainjatü sukajee tü akumajutkaa akua'ipaa sünain nunuikimaaainjatüin shia chi laulaashikai shikiipu'uin tü aa'inmajakaa sulu'u mmakaa. jee nia e'itaanajachi na'akajee eekai atijashiin.

Ja'rai shi'ipa

Sütchin sukua'ipa aneekajaa jee ajutaa.

Aküjiaa 292. Tü Sutchinkaa Sukua'ipa Aneekajaa jee Ajutaaa sukajeeinjatü tü Ajutkajawaa Mülo'usukoo Yaajatü yaa aka shikiisuin shia, jee musuja'a tü a'yatajiraainjatükaa sumaa shiaja'a tü Ajutkajawaakaa natuma shikiipu'ujana tü aneekajaa sumaa ajutaa, na ajutkajaakana süpüla ashajulaa nanulia ajutuinjana, na ajutkajaakana süpüla eewaa süpüla laulaawaa jee achajawaa nneerü süpüla kasakat supushua'a, sukua'ipa jee shi'yataaya shi'taakaa tü akumajutkaa sukua'ipa.

Aküjiaa 293. Tü Sutchinkaa Sukua'ipa Aneekajaa jee Ajutaaa e'itaaushi süpüla saa'inrajatuin tüü:

1. Shiainjatü akumajaka sunaatia sukua'ipa tü aneekajaakaa jee musuja'a ajutaa, kanüiküinjatü soo'u eekai akumajaain sünainjee.
2. Akumajuinjatü sukua'ipa nneerü cho'ujaakaa süpüla shi'yataain, suchajaainjatü sukua'ipa süma'anamuinb tü Ajutkajawaa Mülo'usukoo jee musuja'a shia laulaainjatü shimiwa'a sumaa tü aapunakaa sumuin.
3. Shiainjatü e'itaakaa tü sukua'ipajatukaa sujutajatü jee tü suchukuawakaa süpüla shiraajunuinn tü eeninatükaluirua jee musuja'a kasalajanainjatüin sutuma eekai mojuin atumaa.
4. Eeninatü süpüla majutuinn sutuma supushua'alee otta supushiren tü ajutaakaa jee aneekajaa.
5. Tü sukua'ipajayukaa, shi'yataaya, suluwataaya jee saa'inmajia supushualee tü e'itaanakaa apulan makatka tü aneekajaakaa laulaayuuinjana sulu'u tü laulaapiakaluirua jee musuja'a tü asakiraakaa.
6. Sukumajuinjatü akua'ipa aneekajaa jee ajutaa sulu'u tü sintikaataluirua, nekiipu'ujanakaa wayuu atujashii jee musuja'a kasakaa supushua'a ajutkajaanuin oo'u süpüla wanee a'yatawaa sukajee tü anaatiakaa akua'ipaa. Eesu süpüla sunaatuinn sukua'ipa suneekajia shikiipu'u mma

eepunaale suchuntunuin, jee musuja'a sunuikimaajatulen tü Anaatuleekaa Akua'ipaa Mulu'usukoo, kasakaa supushua'a sulupunaaya makaa mmakaa achekuin sukua'ipa laulawaa nawalaajuinjatü sujutu tü a'yatawaakaa sünainkaa.

7. Saa'inmajuinjatü akua'ipa, sukumajuinjatü akua'ipa, suluwataainjatü anain jee julujaainjatüin saa'in tü ashajuleekaa anuliee süpüla aneekajaa jee ajutaa.
8. Sukunajuinjatü akua'ipa tü ashajiraakaa süpüla kanuliaakaa süpüla eewaa sünain aainraa a'yatawaa shiaalujutu wayuu otta julujainjatüin saa'in tü anakaa sumüin suulia mojujain sukua'ipa süpüla pansaainjatüin sukua'ipa tü e'itaanakaa süpüla sutuma tü laulaasukaa pütchi jee tü anaatiaakaa akua'ipaa. Eeninatü süpüla sukumajuin sukua'ipa eekai alaulaajeein sumuiwa, jeketyeein sukua'ipa otta tü aakajenneein shi'yataain shiaalujutu wayuu, e'itaaninatükaa na shikiipu'ujanain shiimuinshiin, tü sunuliajatuin, sünainjatüin sumaayalee eekai shiawasheinjatüin.
9. Saa'inmajuinjatüin akua'ipa, julujainjatü saa'in jee musuja'a susakiruinjatüin sünain jalejeejatuin sujuituin nneerü shi'yataakaa aka tü kasakaa supushua'a e'itaanuin nanuliamajatuin wayuu.
10. Supushua'ale tü shi'itaakaa tü anaatiaakaa akua'ipaa sulu'u mmakaa.

Tü shi'yataakaa aka tü Sutchinkaa Aneekajaa jee Ajutaa eeninatü sutuma tü wanaawaakaa, kajutaakaa, nnojoljuinjatü ooniraain shikiira wanee kasa mojuin, pansaainjatü shi'yataain, anasuinjatu, shiimuinjatü tü saa'inrakaa sulu'u tü aneekajaakaa jee tü ajutaakaa, jee sumaa tü kajutuinjana waneeshiwai wai wayuu sünain aneekajaa eekai nujuteeibn oo'u jee musuja'a nakua'ipa na aneekajunakana sulu'uwai mmakaluirua.

Aküjiaa 294. Tü shi'yataakaa aka tü sutchinkaa aneekajaa jee ajutaa o'unajatü suukua'ipa sukajee tü suno'utiakaa pütchi makatka tü kajutaakaa shimiwa'a, kanneetshee shimiwa'a, a'yatawaa shimiwa'a, nnojoljuinjatüin sünainpunain partiido, kajutuinjatüin nunulia wayuu waneepia sutuma, eeyamjuinjatüin supa'apunaa mmakaa jee musuja'a pansaainjatüin shiaawajia tü ajutuushin noo'u na eekai aneekajuinuin süpüla laulawaa.

Aküjiaa 295. tü ajutkajawaakaa süpüla aneekajunaa ajutunuinjana oo'u tooloyuu sumaa jeyuu sulu'ujanain tü Ajutkajawaakaa mülo'usukoo süpüla aneekajaa jee

ajutaa, eenjatu sulu'u nekiipu'ujana wayuu napushua'lee jee musuja'a alijuna, sukajee tu putchi sumakaa tu anaatiakaa akua'ipaa.

Akujiaa 296. Tu Ajutkajawaakaa Mulo'usukoo supula laulaasauin soo'u aneekajaa jee ajutaa eeeinjana ja'raishii wayuu sulu'u eekai nnojoliin sunainpunain a'yatawaa sumaa partiido otta kasa supushua'a nanjuliamaain wayuu; apunuinshii na'akajee e'itaanajana natuma wayuu napushua'a, wanee tooo otta jietlein shi'itaanjatu tu miichi ekirajulee mulo'usukoluirua sulu'u mmakaa jee wanee shi'itaanjatu tu sutchinkaa sukua'ipa wayuu.

Na apunuinshii e'itaanakana sutuma wayuu supushua'a eenjana wanee ne'ipejeeinjana sunain a'yatawaaakaa, jee mushiija'a na na e'itaaushiikana sutuma tu miichi ekirajulee mulo'usukoo jee na e'itaaushiikana sutumna tu sautchin sukua'ipa wayuu eenjana piamashii ne'ipejeejana. tu ajutkajawaakaa yaajatü yaa supula aneekajaa jee ajutaa, na ajutkajaakana supula asahajaa anuliee supula ajutaa, na ajutkajaakana supula eewaa sunain a'yatawaa jee mushiija'a nasumajanakna tu sujutkoo a'yatawaa sunain tüü, shia shikijeeinjatuka waneesuwai sukajee waneesia jieru otta toololen e'itaaushikana natuma wayuu napushua'a.

Na sulujunakana tu Ajutkajawaa Yaajatü yaa supula shikiipu'uwaa aneekajaa jee ajutaa eenjana supula akaratshi juya sulu'u na'yataain sunain aneekajuushin janain naya akatalu'u sutuma wayuu supushua'a supulapunaa sutuin shi'yataain tu Ajutkajawaa Mulo'usukoo sunain akumajaa putchi jee wanee piamashii sa'amuiin suse'erupunaapa shi'yataain tu ajutkajawaakaa.

Na sulujunakana tu Ajutkajawaakaa Yaajatü yaa shikiipu'u aneekajaa sumaa ajutaa tooloyuusumaa jieyuu, e'itaanajana sutuma tu Ajutkajawaa Mulo'usukoo sunainjee nanuiki maimashii na sulujunakana. Na suklijunakana tu Ajutkajawaakaa Yaajaty yaa shikiipu'u aneekajaa sumaa ajutaa naneekakuinjachi na'akajee napushua'a chi shikiipu'uinjachikai, sukajee tu sumakaa tu anaatiakaa akua'ipaa.

Na sulujunakana tu Ajutkajawaakaa Yaajatü yaa shikiipu'uinjatuin aneekajaa sumaa ajutaa awanajaanajana sutuma tu Ajutkajawaakaa Mulo'usukoo sunain akumajaa putchi sukajee sunuiki tu Anaatuleekaa Akua'ipaa laulaasukaa yayaa

sulu'u mmakaa.

Aküjiaa 297. Tü sukua'ipakaa a'yatawaa sünain aneekajaa sumaa ajutaa noo'u laulaayuuinjana shiain laulaakaa soo'u tü Saala supu'ujanakaa sulu'u tü Anaatuleekaa Akua'ipaa laulaasukaa jee musuja'a tü anaatuleeirua eekaa sulu'u mmakaa sukajee sukua'ipa pütchi anaatiaa akua'ipaa.

Aküjiaa 298. Tü anaatiaakaa akua'ipaa akumajuinjatükaa sukua'ipa tü aneekajaakaa otta ajutaa noo'u laulaayuuinjana nnojotsu een süpüla suwanajaanuin wanaa sumaa een tü aneekajaa otta ajutaa jee aipirua kashi süpülapunaa saa'innuin tuu.

**AIPIRUA SHIKIJEE
TÜ SUKUA'IPAJATÜKAA SHI'YATAAYA
KASA SUTUMA WAYUU**

Wanee shi'ipa
Sukua'ipajatükaa shi'yataaya wayuu
jee tü saa'inrajatükaa sü'laüle'eria mmakaa

Aküjiaa 299. Tü sukiua'ipajatukaa shi'yataaya wayuu sulu'u Mmakaa Woliwariaana wenesueela o'unajatü sukua'ipa sukajee suno'utia piutchi anasu makatka tü kajutaa anaalu'umaa natuma wayuu, kajutujirawaa sumaa wanaawaa, tutaa, anasaa, eejirawaa suka anakaralu'u, aa'inmajaa tü mmapa'akaa, eewaa atumaa maima kasa jee kaaliajirawaa, süpülamüin anainjatjuin wayuu supushua'a sünainjee. tü sju'laulasukaa mmakaa sumaayale'eya tü kasakaa supushua'a een atuma kasa suka nneerü kottuinjana sünain anain tü mmapa'akaa supushua'a süpüla eenjatuihn a'yatawaa sulu'u, soo'omüin sujutu kasa sulu'u mmakaa, anaiwaja'a sukua'ipa wayuu sünainjee jee musuja'a katchinjatüin shi'yataain mmakaa supushua'a, eeiwaa kajutaa anaalu'umaa, yalayalaa aa'in, tutaa sünain a'yatawaa, kajutaa sünainjee, eewaa aa'in sünain a'yatawaa waneepia jee musuja'a shileraaionjatuin eekai ama'anaain, süpüla eenjatüin sulu'umjee tü shiaawatia supajiraaya suwashiruin tü mmakaa, sukajee shi'taanuin wanee pansaasuin sukua'ipa a'yatawaa een atuma kajutaa jee asakiraa wayuu.

Aküjiaa 300. *tü* anaatiaakaa akua'ipaa yaajatukaa yaa shiainjatü akumajaka sukua'ipa süpüla eenjatüin sukua'ipamaajatü a'yatawaa kakataawain sulu'u mmakaa, süpüla eenjatüin sulu'ujee a'yatawaakaa supushua'a natuma wayuu, kanainjeeinjatükaa een atumaa maima kasa sulu'u mmakaa kalu'ujeeinjatükaa anaa sumüin wayuu supushua'a sukajee nneerü a'yataanjuin aka sulu'u.

Aküjiaa 301. Tü su'laulasukaa mmakaa shia shikiisujatuka tü a'yatawaakaa supushua'a sukajeein nneerü süpüla eenjatü kajutuun sutuma tü aa'inakaa sutuma a'yataakaa sulu'u laulaapia sunuliamaajatuun wayuu jee musuja'a tü nneetkajatuun natuma akatalujuna. Nnojotsu süpüla saapunajatuun sumüin eekai laulaajeein soo'u shimiwa'a otta wayuu naatajatuun suulia mmakaa, nneerü analeeinjanain ma'in noulia naa kepiashiikana sulu'u mmakaa yayaa. tü nneerü e'itaannuin yayaa natuma wattaje'ewalii süpüla a'yatawaa yayaa, ayatajatü sukua'ipa muinyakaa tü yaaje'ewatkaluirua yaa.

Aküjiaa 302. Tü su'laulasukaa mmakaa su'laain sumüin sukajee tü anaatiaakaa akua'ipaa süpülaajatukaa tü jee musuja'a shiaalujutuun tü anakaa sum uin tü mmakaa laulaasukaa, tü a'yatawaakaa sumaa shira mena jee tü a'yatawaa mülo'uyuukoo shiaalujutuun wayuu maima jee kajutsuin shia sumüin mmakaa. Tü su'laulasukaa mmakaa julujainjatü saa'in tü a'yatawaakaa ajapukajatukaa yaajatü yaa, sukajatuun klasa sulujutu mmakaa yayaa matijain ke'irakaa, süpüla eenjatüin akumajaaain sünainjee wanee atijaa mülo'u, eenjatüin alu'ujee maima a'yatawaa jee washiruu sumüin wayuu supushua'a.

Aküjiaa 303. Sünainjee laulawaa shimiwa'a sünain a'yatawaa, sünain aa'inraa jee kajutaaa akua'ipa sulu'u mmakaa, tü su'laulasukaa mmakaa suma'anainjatü supushua'a nneerü shi'yataakalaka tü laulaasukaa soo'u tü Shirakaa mena sulu'u Wenesueela, S.A., jee musuja'a eekai e'itaanuin shikiipu'uin a'yatawaakaa tuu, shia oulaanakaa tü akumajuushin suapula shi'ipejeejanain suniain a'yatawaakaa jee musia wane'eya eekai e'itaanuin a'yataain sünain shi'ipa'aya mülo'uin shi'yataain jee sunneetshi tü a'yataasukaa Shirakaa Mena sulu'u Wenesueela. S.A.

Aküjiaa 304. Tü wuinkaa eekaa supushua'alee sulu'u mmakaa Wenesueela nayaalujutu wayuu napushua'ale, mawala'atasalü sünain cho'ujawaa süpüla kataa o'u jee musuja'a anaa. tü anaatiaakaa akua'ipaa shiainjatü e'itaakaa tü

anakaa sumüin süpüla eenjatüin saa'inmajia, shi'yataaya, sule'ejiria, sünain kajutajatuin tü sukuwakaa wuin suka sukua'ipa jee tü aa'innajatukaa shiaawashepalain mmakaa.

Aküjiaa 305. Tü su'laulasukaa mmakaa kajutuinjatü sutuma tü sukua'ipakaa apunajaa sulu'upunaa tü mma anain süpüla, anainjatüka wayuu sünainjee, eenjatükaa sünainjee shikuin wayuu supushua'a, ayaawatüinjatü shiain anain süpüla nnojoluinjatüin cho'ujaain ekuulu sulu'upunaa mmakaa supushua'a. Tü anakaa sumüin süpüla eenjatüin waneepia ekuulu sulu'u tü mmakaa achekusu shiain kajutuin atumaa tü a'yatawaakaa sünain apunajaa jee nusia aepijaa murulu, shialeja'a supushua'a tü eekaa sünainjee apunajaa, epijaa murulu, olojoo jime, eewaa ama'ana wuin. tü eenjatüin atumaa ekuulu waneepia sulu'u mmakaa cho'ujaasu süpüla anainjatüin wayuu supushua'a sünainjee. Süpüla eenjatü tuu, tü su'laulakaa mmakaa shi'itaainjatü tü cho'ujaakaa süpüla makatka tura nneerü shi'yataajatu, suikaaya sumaa she'ejena, kasakaa supushua'a anain shi'yataaya, saa'inmajia mma a'yataanajatü alu'u, shipiajatü jee sunaajaale, shi'ikiya wayuu sünain jee kasakaa supushua'a anakaa sumüin süpüla susitujain nama'ana müin na cho'ujaaakana amuin. Jee musuja'a, saa'inrajatuin sulu'u shi'yataain mmakaa yayaa jee wattapunaa süpüla ka'amüin tü sutchin tü a'yatawaakaa sünain apunajaa sulu'u mmakaa.

Sutuma tü su'laulakaa mmakaa saa'inmajuinjatü tü mmakaluirua supushua'a eeyamakaa noumaain wayuu olojulii jime toloyuu sumaa jieyuu, kasakaa supushua'a een nama'ana nalojiain sotpunaa, shirokumüin tü palaa mülo'usukoo jee sulujulepunaa mmakaa mülo'usukoo akumajuushin akua'ipa sukajee tü anaatiaakaa akua'ipaa

Aküjiaa 306. Tü su'laulakaa mmakaa sunaatajatü akua'ipa süpüla eenjatüin anaa supa'apunaa mma anoipa'ajatü suulia tü pueewulokoluirua, süpüla eenjatüin a'yatawaa sulu'u jee musia eenjatüin wanee anaa nayaalu'u na wayuu jee alijuna kanpesiina munakana, supukla eenjanain naya apashii sünain a'yatawaa sulu'u mmakaa mülo'usukoo, jee musuja'a anainjatüin sukua'ipa a'yatawaa sünain punaju sulu'upunaa mmakaa, shi'itaanajatuin tü cho'ujaakaa sumüin mmakaa anaiwa a'yatawaa sulu'u, shipiajatü wayuu, shipiajatü a'yatawaa, a'yataayajatu, nneerü a'anapajinnuin jee musia shikirajaaya kasa eekai nnojoluin atijunuin apuleerua.

Aküjjiaa 307. Tü kama'anakaa mma mülo'u maa'inruinyuule nnjotsu anain shiaalu'u wayuu, Sutuma tü anaatiaakaa akua'ipaa eenjatü suwalaajia tü mmakaluirua maa'iraain jee musuja'a suchajaainjatüin sukua'ipa tü anakaa sumjuin süpüla shia'yataaanajatuin alu'u tü mmakaa shiaalu'u wayuu, a'yatennajatü mma eekai anasuin süpüla apunajaa. Na wayuu namaa alijuna kanpesiina munakana jee mushia naa een waneepia sünain a'yatawaa sulu'u mma kajutuinjana süpüla nayainjanain shikiipu'uin tü mmakaa na'yataakaa aliu'u sukajee pütchi anaatajatukaa sukua'ipa. tü su'laulasukaa mmakaasaa'inmajuinjatü jee kajutajatuin sutuma tü paa'inwaakaa soo'u shi'yataaya mma jee tü a'yatawaakaa nutuma wayuu numuiwa'a sulu'u mma sünain apunajaa. tü su'laulakaa mmakaa julujainjatü saa'in shiaawashepala mmakaa supushua'a anakaa süpüla aapunajunaa alu'u süpüla jouluinjatüin ekuulu sulu'ujee.

Akatannajatü sukua'ipa shimiiwa'a sunnetshipala süpüla suchajaanuin tü anakaa sumüin eenjatükaa anainjee nneerü süpüla tü cho'ujaakaa sumjuin, süpüla asakiraa suggiirua eekai nnojoluin atujunuin apuleerua, sukua'ipa shi'yataaya jee musuja'a kasakaa supushua'a aa'innajatuin eenjatükaa atuma maima kasa jee a'yataajirawaa sünain tü apunajaakaa. Eejeere wanee sunaatiajatü sukua'ipa tuu.

Aküjjiaa 308. Tü su'laulasukaa mmakaa saa'inmajuinjatü sumaa kajautajatuin sutuma tü a'yatawaa matsayuukoo, tü paa'inwajirawaakaa sünain a'yatawaa, tü anaajawaakaa nneerü jee tü akataajaakaa, sumain paa'inwaa natuma maimashii sünainjana süpüla kachinjatüin sukua'ipa a'yatawaa sulu'u mmakaa, eere su'ulaanuin naa'inrajatuin wayuu suka naa'in nemiiwa'a, shiaja'a nee'e eenjatükaa atumaa tü ekirajunaakaa, tü eraajaakaa kasa jeketü jee musuja'a nneerü sujutujatü a'yatawaa.

Aküjjiaa 309. Tü shi'yataainkaa wayuu jee alijuna supajapunaa mmakaa, kajutshaanajatü sutuma tü su'laulakaa mmakaa, süpüla ayatajatuin sujutu sumaa sukua'ipa sukalu'u ka'i jee musuja'a shia achajanajatü sukua'ipa süpüla eenjatüin nneerü süpüla shi'yataanuin anain jee musuja'a suikunajatuin.

Aküjjiaa 310. Tü o'unajawaakaa jee waraitaa wanee musuka sukua'ipa

a'yatawaa kajutsu nayaalu'u wayuu napushua'a, kajutsu sulu'u mmakaa Wenesueela aka kalu'ujeein shia wanee anaa sukajee a'yatawaa. Sulu'ujee tü pütchi kajutkaa atumaa tü a'yatawaakaa supushua'a sukujakaa tü laulaasukaa pütchi, tü su'laulasukaa mmakaa eenjatü sutuma tü kajutuinjatüka atuman. tü su'laulakaa mmakaa julujainjatü saa'in eeionjatujin sukumajaaya jee shi'yataaya wanee a'yatawaa mülo'u sumaa tü sukua'ipakaa o'unajawaa jee e'raajaa.

Piama shi'ipa

*Tü sukua'ipajatukaa suwalaajia wanee
kasa jee musia nneerü*

Palajanaajatükaa:

tü sukua'ipajatükaa sujutu nneerü

Aküjiaa 311. Tü a'yatawaakaa sumaa Sukua'ipa Nneerü Awalaajiaajatü o'unajatü suyku'ipa sukajee pütchi anasu makatkaa tü anaakaa a'yataain, anamiasa, laulawaa aa'in jee tü pansawaakaa sünain awlaajaa. tü wanaawainjatü sumaa sukua'ipa eepunaale saapunuin juyawai tü nneetkaa, sukajee tü tü nneetkaa antakaa sumüin wayuu iipunaainjatü suulia tü suwalaajuinjatükaa aka tü cho'ujaakaa amuinwaa.

Tü shikiisukaa aluwatawaa shi'iyatuiunjatuin sumüin tü Ajutkajawaa Mülo'usukoo sünain akumajaa pütchi supuila kajutajatuin sutuma shia juyawalin sukua'ipa süpüla shi'itaanajatuin tü nneerü cho'ujaakaa sumuin, ayaawatakaa tü cho'ujaakaa jee tü neeru juyaalain atijanajatukaa oo'u sutuma laulaayuu. tü anaatiaakaa akua'ipaa shiaawatuiinjatüin sukua'ipa tü shi'itaayakaa juyawai, tü achuntunukaa supuleerua süpüla suwanajaanuin jee musuja'a tü pansaainjatükaa atumaa sukua'ipa tü nneetkaa.

Tü nneetkaa ekerolokoo sukajee a'yatawaa sünain washiruu mmapajatü jee tü sa'anasiankaa ipa, supushua'ale shiaaluinjatü eekai chio'ujaain ma'in sumüin mmakaa, tü atijaakaa jee ekirajawaa sumaayalee anainjatüin wayuu, nnojoluinjatuibn ayuulin.

Tü pütchi anasu e'itaanakaa sukua'ipajatuin tü a'yatawaakaa suka nneerü sulu'u mmakaa supushua'a, shianjatia nee'e anaatakaa sukua'ipa tü sulujutkoo shi'ipairua mmakaa Estaado munaka jee tü sumotsoliakaa mmakaa Munisiipia munakaa, muleka eepunaale saapunuin.

Aküjiaa 312. Tü sunaatiaakaa akua'ipaa shiainjatü e'itaaka shiawashe tü sujuyaalakaa mmakaa ayaatunusu sünainjee tü eekaa sulu'u otta tü eekaa suma'ana, tü akataajunakaa shi'iree een wanee kasa jee musuja'a eere a'yatawaa süpüla sujuitajatuin nneerü shiaalu'u sujuyaala mmakaa. tü aa'inajatukaa supushua'a süpüla een a'anapajiraa nneerü kachuntiasu süpüla kajutuin, sukajee wanee pütchi laulaa aapakaa shikii, shia nnjotkaja'a aapunjuin eekai nnjoljuin sukua'ipalu'ujatuin sunaatia sukua'ipa. tü pütchi anasu anaatajatukaa sukua'ipa shieru akujaka tü anakaa sumüin tü aa'inajatukaa jee tü aapuinjatükaa shikii tü nneerü cho'ujaakaa sukajee wanee pütchi akumajakaa sukua'ipa tü nneetkaa.

Tü pütchi laulaasu anaatajatukaa sukua'ipa nneerü juyaala süpülawai juya akujunajatü sumüin tü Ajutkajawaakaa Mülo'usukoo Yaajatü yaa sumaayalee tü sunaatiakaa akua'ipa nnmeeru cho'ujaakalü

Tü su'laulasukaa mmakaa nnjoluinjatü kajutuin sutuma wanee kasa'aya nnojoluin sünainpunaajatuin tü laulaapiakaa aluwataanakaa alu'ujee, sukajee pütchi laulaa akumajakaa sukua'ipa.

Aküjiaa 313. Tü sukua'ipajatukaa saa'inmajia jee shi'yataaya sunnetshi mmakaa sukajeeinjatü wanee nneerü e'itaanusu juyawai, tü shikiisukaa aluwatawaa saapuinjatü sumüin tü Ajutkajawaa mülo'usukoo, sukajee pütchi anaatiakaa sukua'ipa, tü sukumajiakaa sunaatia sukua'ipa nneerü sujutumaaajatü kasa. Muleka shiale tü shikiisukaa aluwatawaa aapuin sumüin Ajutkajawaakaa mülo'u tü sukumajiakaa sunaatia sukuja'ipa nneerü sujutujatu kasa sukajee pütchi laulaa anain sukua'ipa, jee musuja'a shiyoutajunule akua'ipa, ayatajatia sukua'ipa tü

sunaatiakaa su'unakaa aka paala nnojoluiwa'a een wanee jeketu.

Tü Ajutkajawaa Mülo'usukoo eesu süpüla suwanajaaain sukua'ipa tü nneetkaa sujutujatukaa kasa, akatsa nnojolujinjatüin aapuin shikii wanee kasa ashakatiruinjatüin sunnetshi mmakaa jee musuja'a eekai maimaleein ma'in suulia tü eekaa suma'ana sukajee tü sukumajiakaa sukua'ipa nneerü.

Sumaa suntinnjuin tü sukua'ipakaa maimatuain süpüla juya tü nneetkaa, tü anaatiakaa sukua'ipa juyaala jee tü nneerü aapunakaa süpüla juya, tü shikiisukaa aluwatawaa shiajatü akujaka tü suntajatukaa anain kakalia suchiki süpüla tü sukua'ipa juyaala eere sukujaainjatüin jamuinjatüin atumaa shia süpüla pansaaain sukua'ipa sukajee tü pütchi pansaakaa atuma ayaawataa suwalaajia kasa.

Aküjiaa 314. Nnojotsu eeninatüin wanee akatajaa atumaa muleka nnojolui suluin tü sunaatiakaa sukua'ipa nneerü sujutujatü kasa. Waneesuja'a nee'e suchuntunule sa'amüin tü juyaalakaa sünainjee sukua'ipa nneerü sujutujatü kasa, supulia sulia kasa nnojolui kanuliain kajutajatuin sain suchiki tü nneetkaa aapunakaa, eesu süpüla saapununuin neetkaa muleka nneerü sulu'u tü sunntshipalakaa mmakaa; süpüla muinatüin sukua'ipa yaa achekusu nanujikimaajatuin na sulu'ukana tü Ajutkajawaakaa natuma laulaayuu ni'ipejjejana chi laulaashikai shikiipu'uin mmakaa jee musuja'a kanuikinjatüin tü Ajutkajawaa Mülo'usukoo.

Aküjiaa 315. Sulu'u tü nneerü juyawaikaa süpülajatuin akatajunaa, sulu'iupunaa laulaapiakaa supushua'alee. Sukujuinatü sukua'ipa pansaaain tü nneerü a'napalaakaa suliajatü kasa, kasain ma'in kapulajatuin, tü aju'iteetkaa sünainjee jee mushilja'a na a'yataaliikana laülaapialu'u tooloyuu sumaa jiejyuu laulaayuuinjanakana soo'u tü sukua'ipakaa. tü ayaawatunajatü je'rain shia sukajee tü ayaawajuleekaa süpüla muleka eere süpüla saa'nnuin ti'a. tü shikiisukaa aluwatawaa suchikijee aipirua kashi sulatapa kettaajuin sukua'ipa tü a'yatawaaakaa wanee juya, e'iyatunajatü sumüin tü Ajutkajawaa Mülo'usukoo süpüla sutujaanuin soo'u tü aa'innakaa suka nneetkaa su'utpunaa juyakaa ti'a.

Piama süchikkijee:

Sukua'ipa sukotchajia nneerü

Aküjiaa 316. Tü Sukua'ipakaa Sukotchajia Nneerü sunaatajatü akua'ipa tü sa'aniasiakaa supaajiraaya suwalaajia mmakaa sukajee nneerü eekaa nama'ana na awalaajushiikana, sünainjee pütchi anasuinjatü shi'ipa'aya, jee musia saa'inmajia sunnetshi mmakaa yaajatü yaa jee shialeraaya sukua'ipa wayuu supushua'a, eeninatükaa anainjee anashaanain sukua'ipa tü sukotchajiakaa wanee awalaajiajatu.

Aküjiaa 317. Nnojotsu achekujunajatuin nneerü awalaajia, jee sukua'ipa nneerü asulajalaa muleka nnojolui suluin sukua'ipa tü anaatiaakaa akua'ipaa, nnojotsu eeninatüin wanee akatatnuin suulia awalaajia jee chii ashakatinnuin sulia numüin jee musuja'a wane'ella akataluin sukua'ipa tü awalajaakaa juyaala. Aka shia sukajeein pütchi laulaa. Nnojotsu eeninatüin wanee awalaajaa asutunuinjatüin aka wanee kasa

Nnojotsu süpüla eeninatüin atumaa awalaajunajatukaa nneerüin muleka numuinjatule wanee nimiiwa'a. Muinka nnjorüle suwalaajunuin tü nneetkaa awalaajunapu'ukoo kasalainjatü ti'a

Muleka tü mawalaajuinwaakaa naa'inrule na a'yataaliikana laulaapialu'u kasalajanainjatü namüin piantua süliya.

Supushua'a tü sunaatiakaa sukua'ipa awalaajiaa eematuinjatu. Muleka nnojorülein e'itaanajatü süpüla eenin maka aipirua shikii ka'i pachiiruain. Sukua'ipakaa tü nnojotsu shiu'ipamüin tü sumakaa tü shikiisukaa aluwatawaa sünainjee tü sumakaa tü laulaasukaa pütchi.

Tü shi'yataayakaa sukotchajia nneerü yaajatü yaa eesu süpüla laulawaa sünain atijaa shimiiwa'a, sünain a'yatawaa jee sünain kannetsee jee tü shikiipu'uinjatüin e'itaanajatü nutuma chi laulaashikai shikiipu'uin mmakaa eesu süpüla tooloin otta jieruin, sukajee sukua'ipa tü pütchi anaatiaakaa sukua'ipa.

Apünüin süchikijee:

Sukua'ipa sunnetshi mmakaa yayaa

Aküjiaa 318. Tü sukua'ipakaa aluwatawaa sumaa nneerü sulu'u mmakaa shiainjatü laulaaka soo'u tü Miichi Mülo'usukoo Nneetpalakaa sulu'u Wenesueela. tü kapulajatukaa tü Miichi mülo'usukoo nneetpala shia saa'inma-juinjatükaa tü sujutkoo kasa supushua'a, sujutu sulu'u mmakaa jee anoipa'amüin tü sunnetshikaa mmakaa yayaa. Tü shikii sunnetshe Mmakaa Woliwariaana Wenesueela nia chi woliwakai. Muleka sukumajaale sukua'ipa wanee neeru ya'asa sukajee tü mmakaluirua mülo'uyuu sa'ato'upunaakaa jee tura shirokujatukaa palaa kariwe, eesu süpüla een wanee nneerüya'asa sunuikimaajatuin mmakaa.

Tü Miichikaa Mülo'usukoo Nneetpalakaa sulu'u Wenesueela musuka wanee kajutsu eere shia laulaain süpüla saa'inrajatuin tü kapulajatukaa shia e'itaanuin. tü Miichikaa Mülo'usukoo Nneetpalakaa sulu'u Wenesueela saa'inrajatü tü e'itaanakaa apulan sumaa tü shikiisukaa a'yatawaa sulu'u mmaka, süpüla susawatuin tü suchekakaa tü su'laulakaa mmakaa jee musuja'a mmakaa supushua'alee.

Süpüla anainjatüin tü saa'inrajatukaa, tü Miichikaa Mülo'usukoo Nneetpalakaa sulu'u Wenesueela eeninatü süpüla akumajaa jee e'itawaa sukua'ipajatü nneerü sulu'u mmakaa, sunaatajatü akua'ipa tü awanajawaakaa nneerü, akumajaa sukua'ipa nneerü, tü nneerü juyaalakaa jee tü suchonkoo, aa'inmajaa sukua'ipa sunnetshe mmakaa wattajatü jee kasakaa supushua'a sunuikimaajatuin tü pütchi anaatiaakaa akua'ipaa.

Aküjiaa 319. Tü Miichikaa Mülo'usukoo Nneetpalakaa sulu'u Wenesueela o'unajatü sukua'ipa sukajee pütchi anasu süpüla laulaain saa'in wayuu, sünainjaee tü akujainjatü sukua'ipa shi'yataain, tü susawatakaa shi'yataainn sumüin tü Ajutkawaa Mülo'usukoo sukajee tü anaatiaakaa akua'ipaa. Een sutuma suchukua shi'yataain pejeewawai sünain sukua'ipa tü a'yatawaa mülo'usuko nneetkajatukaa sulu'u mmakaa jee musuja'a eekai achuntunuin sumuin. Muleka nnojolui pansaain sukua'ipa tü shi'yataainkaa e'itaanakaa apulan, awanajaanajatü tü laulaayuukoo sulu'u jee musia shia kasalajanasu ti'a, sukajee pütchi anaatakaa sukua'ipa.

Tü Miichikaa Mülo'usukoo Nneetpalakaa sulu'u Wenesueela a'yataasu sünain julujain shia saa'in tü Aa'inmajutkaa laulaasukaa sulu'u mmakaa jee musia shia e'rajuno'ulu sutuma su'laulakaa shirajia tü anaajaaleekauirua nneerü, sukajee tü ojuitusu pütchikaa sunuliamaajatü shi'yataain sumüin tü Ajutkajawaa Mülo'usukoo sulu'u maakaa. tü nneetkaa aapunakaa süpüla akatajunaa sünain a'yatawaa sutuma tü Miichikaa Mülo'usukoo Neetpalakaa sulu'u Wenesueela sukajeeinjatüin sunuiki tü Ajutkajawaa Mülo'usukoo jee musuja'a tü sunnetshikaa, sukataajakaa sünain tü shi'yataainkaa sukajeesu tü sunaatiakaa akua'ipaa.

Pienchi süchikijee:

Sukua'ipa a'yatawaa mülo'u nneetkajatü

Aküjiaa 320. Tü sü'laulakaa mmakaa eenjatü sujutu sutuma jee kaalianjatuibn shia süpüla tü ayataakaa sünain kanneetshaa sutuma mmaka, suulia matchinjaain sukua'ipa nneerüin jee musuja'a julujainjatüin saa'in ayatuinjatüin tü nneetkaa jee tü sujutkoo kasa supushua'a süpülaje'e anain wayuu sünainjee.

Tü laulaapia Miniteeria munakaa laulaainjatükaa soo'u tü nneetkaa sumaa tü Miichikaa Mülo'usukoo Nneetpalakaa sulu'u Wenesueela eenjatü natuma anaawaakaa sünain a'yatawaa sutuma sukua'ipa awalaajia jee sukua'ipa nneerü süpüla anainjatüin tü a'yatawaa mülo'usukoo nneetkajatuin sulu'u mmakaa. Sumaa shi'yataain tü Miichikaa Mülo'usukoo Nneetpalakaa sulu'u Wenesueela nnojotsu aluwataanajatuin sutuma tü shikiisukaa aluwatawaa jee musuja'a nnojoluinjatüin aapuin shia sujutu suwalaajia kasa mojuin.

Tü aa'inraakaa natuma na shikiipu'ukana aluwatawaa jee musuja'a tü Miichikaa Mülo'usukoo Nneetpalakaa sulu'u Wenesueela sukajeesu oonirawaa juyawai sünain aa'inajatukaa, eere shia suchajaanuin sukua'ipa tü achekunakaa sajattapa tü anaatawaakaa, sukua'ipa tü eekaa anoipa'a jee kjutaa sumüin kasa sukajeejatü nneerü, shialeja'a sukua'ipa nneerü awalaajijatu, suykua'ipa nneerü awanajaanajatu, akumajaa sukua'ipa nneerü jee musuj'a maima sukua'ipa atu a'yatawaa nneetkajatü süpüla susajunuin tü achekunakaa. Oonirawaakaa tü nushajiraainjatü chi shikiipu'ukai toorolen otta jjerülen tü Miicbikaa Mülo'usukoo Nneetpalakaa sulu'u Wenesueela jee mushija'a chi shikiipu'ukai tü laulaapia supu'uyakaa sukua'ipa nneerü akujuinjatükaa suchiki tü nneetkaa kanuikuipaka

oo'u tü ajutkajawaa Mülo'usukoo. Naya laulaainjanaka soo'u na ashajakana nanulia süpüla ayatajatiuin sukua'ipa tü ooniraanaka anain süpüla anainjatüin tü achekunakaa jee musuja'a shia akujunajatü tü shi'yataajatukaa jee tü suntajatukaa anaimuin. tü anaatiaakaa akua'ipa shiajatü akumajaka sukua'ipa tü oonirawaakaa juyawai sünain tü aa'inajatukaa jee sukua'ipa a'yatawaa suma'alee tü akujunajatuin skukuaipa shi'yataaya nneetkaa.

Aküjiaa 321. Eeinjatü sukajee tü anaatiaakaa akua'ipaa wanee sunaajia sukua'ipa Neeru süpülajatü a'yatawaa mülo'usu, süpüla eeinjatüin waneepia shi'yataain tü shi'ipakaluirua mma Estaado munaka sünainmuinreeja'a tü sumotsojiakaa mma munisiipia munakaa, shi'ipamüin tü su'unajiakaa tü nneetkaa cho'ujaakaa süpüla akataajunaa. Sukua'ipajatü shi'yataaya tü nneerü süpülajatukaa a'yatawaa mülo'usu sukajeeinjatü pütchi anasu makatka a'yatawaa anasu, wanaawaa, kajutujirawaa, eere eejiraainjatüin tü mmakaluirua supushua'a.

AIPIRUA SHIKIJEE
SUKUA'IPAJATÜ SAA'INMAJIA MMAKAA

Wanee shi'ipa
Tü sukua'ipajatükaa süpüshua'a

Aküjiaa 322. Tü saa'inmajiakaa mmakaa shiainjatü kajapulu'ukaa sukua'ipa tü su' laüle'eriakaa saa'in, kakajeekaa laulawaa sutuma jee musuja'a saalia aainjatü napula na wenesolaanakana napushua'alee tooloyuu sumaa jiejyuu, jee musia tü laulaayuu sumaa laulaapia eekaa sulu'u, saainjuin wayuu supushua'a jee musia eekai kakatalujutuun eeyamüin sulu'u mmakaa.

Aküjiaa 323. Tü Ajutkajwaakaa süpüla Kaaliainjatüin tü Mmakaa shiainjatü laulakaa shikiisuin sukua'ipa tü asakiraakaa jee atijawaa soo'u natuma na shikiishiikana aluwatawaa sulu'u mmakaa, sünain kasakaa supushua'a süpülajatuin saa'inmajunuin mmakaa, laulawaa sutumaa jee waneesiasuin waneepia mmakaa supushua'a. Süpüla tuu, shiajatü e'itaaka sukua'ipa jamuinjatüin mmakaa supushua'a, nunainjee chi laulaashikai shikiipu'uin tü mmakaa toorlen otta jierlen, chi nutu'ujeejachi chi shikiipu'ukai mmakaa, toorolen otta jerulen, chi shikiipu'ukai tü Ajutkajawaa Mülo'usukoo Yaajatü yaa, toorolen otta jierulen, chi shikiipu'ukai tü Anaatuleekaa Akua'ipaa Mülo'usukoo, toorolen ottra jierulen, chi shikiipu'ukai otta shikiipu'ukaa tü Ajutkajawaa Anaamaajatü Yaajatü yaa jee naa neipajeejanakana chi shikiipu'ukai mmakaa sünain aa'ionmajaa mmakaa, sünain aa'inmajaa mmakaa sulu'upunaa, na eekana sünain aa'inmajaa shiraajiraaya mmakaa wattapunaa jee sukua'ipa shi'yataaya sunneetshe jee musia supushua'ale tü aa'inmajuinjatükaa sukua'ipa mmakaa. tü sukua'ipakaa supushua'a kanaatiasau yaajee yaa sukajee pütchi kajutsu.

Aküjiaa 324. Shiaja'a nee'e su'laula mmakaa eeninatükaa ajapulu'u sa'apula atkaayakaa, eekai een supushua'a suma'ana, eekai akumajuushin yayaa jee tü ekerotsuin yaamüin yaa, shiainjatü laulaakaa mmakaa soo'u supushua'a majutoule. tü sutchinkaa sa'apula mmakaa shianjatü shikiisukaa sünain akumajaa sukua'ipa, aa'imajaa sukua'ipa sukajee tü anaatiaakaa akua'ipaa kasakaa supushua'a makatka akumajaa, antiraa yaloushin, o'uniraa aikuushin, akotchajaa, alu'ujaa, akatajaa, aa'inmajaa, e'rajaa soo'u, aikaa jee kama'ana kasakaa supushua'a a'apulaa'in, a'apulauwaa jee asote'eriaa.

Aküjiaa 325. Tü shikiisukaa aluwatawaa shia kama'anajatukaa sukatajia jee sukujia achiki kasakaa supushua'a sumaaajatuin jee sünainpunaajatuin tü akumajaakaa sukua'ipa jee a'yatawaa sünain saa'inmajia mmakaa, sukajee tü sumakaa pütchi laulaa anaatiaa akua'ipaa.

Piama shi'ipa

Pütchi anasü süpülajatü saa'inmajia mmakaa süpüshua'a

Aküjiaa 326. Tü Saa'inmajiakaa Mmmakaa Supushua'a sünainjeesu tü su'laulakaa mmakaa jee ayuu supushua'a jee musia shia süpüla pansaainjatüin sukua'ipa tü sünainjeesu pütchi makatkaa waneejataa, wanaawaa sünain

kajutaa, wanaawaa, anaa sutuma wayuu, taashaa, kajutaa anaalu'umaa, kaaliajirawaa, sujutu jee saa'inmajia tü mmapa'akaa, suchiki najutumaajatü wayuu, sumaayalee tü anainjatüin wayuu supushua'alee sünainjee, eeninatüin wanee anaa mülo'u ayatuin waneepia, een atuma kasa supushua'a shiaalu'u wayuu yaajana yaa napushua'a. Tü pütchi anasukaa süpülajatukaa ka'yataainjirawaa een sünainpunaa makatkaa sukua'ipa a'yatawaa supushua'a, sukua'ipa apushii, shirajiraaya wayuu, saa'inraain wayuu, sukua'ipa wayuu, suumain wayuu, mmapa'akaa supushua'a jee musuja'a sa'apula mmakaa.

Aküjiaa 327. Tü julujaakaa aa'inn sulujule mmakaa kajutajatü ma'in süpüla pansaainjatüin tü pütchi anasu su'unakaa aka tü saa'inmajiakaa mmakaa. Süpüla tuu, eeninatü atumaa saa'inmajia sulujule mmakaa sulu'iupunaa supushua'lee, eere eeninatü sukua'ipa sünain tü sa'ajapuinkaa, a'yatawaa waneepia süpüla een anaa sumüin wayuu supushua'a kepiakaluirua sulu'upunaa, jee musia shia sukajeeinatü anaatiaa akua'ipaa, süpüla saa'inmajunujin sa'anasiainkaa mmapa'akaa, tü mmakaa nepijaakaa alu'u wayuu koumainshiikana yalapunaa yala jee musia tü mmakaluirua aa'inmajuushikaa akatalu'u shimiwa'a.

Apünüin shi'ipa *Sukua'ipajatü Sütchin Sa'apüla Mmakaa*

Aküjiaa 328. Tü Sutchinkaa Sa'apula Mmakaa wanee laulaapia mülo'u süpülajatia tü e'itaanakaa anain, nnojotsu aa'inraatuin wanee kasa waneejatuin suulia, akumajuushi sutuma tü su'laulasukaa mmakaa sjupula eeninatüin kachin sukajee tü akatalu'uwaakaa jee waneejataa, laulawaa sumüin tü mmakaa shimiwa'a, waneeseesu waneepiain tü mmakaa, suka tü eesu süpüla kaalianjatuin, kottiraain na sulu'ukana süpüla anainjatüin mmapa'akaa sulu'ujee jee na kepiashiikana sulu'u paa'inwainjana sünain a'yatawaa shiaalu'u sukajee sunuiki tü sumakaa tü laulaasukaa pütchi. Jee tü anaatiaakaa akua'ipaa. Süpüla anainjatüin sukua'ipa shi'yataain, achekusu sumüin supushu'a tü mmakaa, nnojotsu nanainpunainjatüin wayuu nee'e jee musuja'a partiido eekai een nee'e. Tü Sutchin Sa'apula Mmakaa shialeja'a supushua'a tü surulaatkaluirua, tü surulaat anualujutukoo, surulaat katunasulujutukoo jee tü waariaakaa yaajatukaa yaa, eere na'yataajiraainjanain napushua'a sunuanijee tü natujakaa apuleerua süpüla pansaain tü e'itaanakaa apulan, eere kajutuin nayaalu'u kasakaa

supushua'a cho'ujaain namuin, sukajee pütchi laulaa sutumajatü tü anaatiakaa akua'ipaa.

Aküjiaa 329. Tü Surulaatkaa supushua'a, tura anualujutukoo jee tü sulujutukoo katunasu nayainjana napushua'a kajapulu'ukaa sukkumajia sukua'ipa, shi'yataaya jee saa'inmajia supushua'ale tü aa'innajatukaa sukajee sa'apula mmakaa süpüla saa'inmajunuinjatüin suka. tü Waariakaa yaajatukaa yaa eejiraainjatü sumaa tü waneerua süpüla pansaain shi'yataainkaa supushua'a akatsa shiainjatüin sa'apulujin sukua'ipa tü aa'inmajaakaa kasakaa supushua'a sulu'upunaa mmakaa süpüla anainjatüin mmapa'akaa. tü Sutchin Sa'apula Mmakaa eesu süpüla saapain laulawaa soo'u tü shi'yataayakaa sukua'ipa mmakaa jee musuja'a asakiraa suchiirua aainjalaa mojusuin sukajee tü pütchi akumajakaa sukua'ipa.

Aküjiaa 330. Na eekana napushua'alee tooloyuu sumaa jieyuu sulu'u tü Sutchinkaa Sa'apula Mmakaa, eeshin sünain a'yatawaa kajutshi süpüla naneekajuin otrta najutuin sukajee tü munakaa sutuma putcni anaatat sukua'ipa, sünain nnojoluinjatüinja'a een süpüla najutunuinjanain oo'u süpüla laulawaa jee musuja'a yootokummaa suchukuakasa maima shi'ire ajutunaa oo'u jee ajutiraa noo'u wane'eyaasa.

Aküjiaa 331. Tü shialeriakaa najutu na sumajanakana sa'apula mmakaa sünainjeeinjatü natijala, nayaleraaya jee cho'ujaale shikiipu'u wanee kasa sulu'u tü laulaapia eere naya. tü supushua'alee saa'inrajatü tü Sutchinkaa Sa'apula Mmakaa jee musia shia eeninatü akumajuushin sukua'ipa suka pütchi laulaa anaantiaa akua'ipaa.

Pienchi shi'ipa

Sukua'ipajatü laülaapia süpüla aa'inmajaa mmakaa

Aküjiaa 332. Tü Shikiisukaa Aluwatawaa süpüla eeninatüin anain jee pansaain sukua'ipa kasa supushua'a, naa'inmajunaiwa wayuu tooloyuu jee jieyuu, miichi-pa'akaa supushua'a jee tü apushiikaa supushu'a, süpüla kajutajatuin tü namakaa laulaayuu anaiwa mmapa'akaa supushua'a jee musuja'a eeninatüin tü eeninatüin kajutaa sumüin wayuu supushua'a, sukajee tü sumakaa tü anaatiakaa akua'ipaa, sukumajiunjatü akua'ipa:

1. Wanee wayuuirua kashe'injainjatü akatalu'u aa'inmajuluinjatü mmpakaa
2. Wanee wayuuirua asakiijuluinjatü shuchiirua maima kasa kajutsu, aainjala mojusu sumaayale sukua'ipa womiyuuwaa.
3. Wanee wayuuirua süpülajatü ayokulujaa suki jee musuja'a tü a'yatawaakaa supushua'a sumuinjatüin wayuu.
4. Wanee sukua'ipa a'yatawaa sünain aa'inmajaa wayuu jee sukua'ipa kasachiki.mülo'u.

Tü laulaapiakaa süpülajatukaa sukua'ipa aa'inmajaa süpülajatü wayuu supushua'a eere kajutajatuin wayuu sumaa nnojoluinjatüin akatajunaa sünain.

Tü saa'inrajatukaa tü sukua'ipa aa'inmajaa wayuu sünainpunaajatü supushua'ale tü laulaasukaa aluwatawaa sulu'u tü shi'ipakaluirua mma sukajee tü sumaka tü laulaasukaa pütchi jee tü anaatiaakaa akua'ipaa-.

MEKIISALÜ SHIKIJEE
SUKUA'IPA SAA'INMAJIA TÜ LAÜLAASÜKAA PÜTCHI

Wanee shi'ipa
Tü eeninatikaa atuma sujutu tü laülaasukaa pütchi

Aküjiaa 333. Nnojotsu aakajaainjatü sujutuTü Laulaasukaa Pütchi muleka mojutalaa sumunuin atuma sukajee wanee e'raa wayumüin jee musuja'ja saakajeennule sünainjee wanee kasa waneemjatuin suulia tü eekaa sunuikuin.

Su'iutpunaa wanee munika tü chi wayuu otta tü wayuu laulaain sulu'u mmakaa jee musuja'a eekai e'raain atairu majutuin, achekushii kajutajatuin natuma süpüla ayatuin sutchin sukua'ipa jee sunuiki sulu'u mmakaa.

Aküjiaa 334. Napushua'ale'eya na Anaatuliikana akua'ipaa tooloyuu sumaa jieyuu sulu'u mmakaa, sünainjee tü e'itaanakaa apulan jee musuja'a pansa-ainjatüin sukua'ipa tü sumaka tü laulaasukaa pütchi jee sulu'u tü anaatiaakaa akua'ipaa, nayainjana aa'inmajakna sukua'ipa tü Laulaasukaa pütchi.

Mulekaa suntiraale sutchin tü laulaasukaa pütchi sumaa wanee pütchi anaatulu

akua'ipaa, shia kajutajatukaa atumaa tü pütchikaa e'itaanakaa süpüla muinka tuu, shiainjatüka aa'inruin tü sukua'ipajatukaa tü Anaatuleekaa akua'ipa süpüla shiain kanuikuin soo'u

Shiainjatü nee'e tü miichi süpülajatukaa laulaasu pütchi sulujutkoo tü Anaatuleekaa Akua'ipaa Mülo'usukoo yaajatü yaaa shimiiwa'a, aapajatukaa sunuiki süpüla majutsalu tü pütchi anaatiaakaa akua'ipa sumuinjatüin, jee musuja'a kasakaa supushua'a saa'inruin tü laulaapiakakuirua akumajuushin süpüla kajutshaanain shia.

Aküjiaa 335. Eejinjatü sutuma tü Anaatuleekaa akua'ipaa Mülo'usukoo tü sujutkoo waneepia tü laulaasukaa pütchi soo'opunaa kasakaa supushua'a; Shiainjatü shikiisukaa tü aatiijaakaa sukua'ipa tü Laulaasukaa Pütchi, shia julujainjatüka aa'in tü saashajaayakaa jee tü suchuntiakaa sukua'ipa tü Laulasukaa pütchi. tü sumakaa tü süpülajatü pütchi laulaa soo'u tü sulujunakaa jee tü saawainkaa tü pütchikaa sulu'ukoo tü Laulaasukaa pütchi sünainpunaajatü supushu'a tü a'yatakaluiirua sünain pütchi sulu'u tü Anaatuleekaa Akua'ipaa Mülo'usukoo jee musia Anaatuileekaluirua Akua'ipa supa'apunaa mmkaa.

Aküjiaa 336. Shia saa'inrajatukaa tü shiipalapakaa supu'uyajatukaa sukua'ipa Laulaasukaa Pütchi sulu'u tü Anaatuleekaa Akua'ipaa Mülo'usukoo yaajatü yaa tuu:

1. Kanuikinjatü süpüla majutuin sutuma supushua'a otta supushi tü pütchikaa anaatiaakaa akua'ipa yaajatü yaa jee musuja'a eekai akumajain pütchi anaatajatuin wanee akua'ipaa sulu'upunaa tü akumajuleekaa pütchi supa'apunaa mmaka, muleka nnojoljui pansaain sumaa tü sumakaa tü Laulaasukaa pütchi.
2. Kanuikiinjatü süpüla majutuin sutuma supushua'a otta supushi tü Laulaasukaluirua pütchi sulu'uyaa sumakaa tü shi'ipakaluirua mmakaa jee musia pütchi anaatiajatuin akua'ipa sulu'upuna tü shi'ipakaluirua mmakaa Estaado munakaa, tü pütchikaa akumajunakaa sulu'upunaa munisiipia, akumajuushin sünain nnojoluin pansaain sumaa tü sumakaa tü laulasaukaa pütchi.
3. Kanuikajatü soo'u süpüla majutuin supushua'a otaa supushi shiale tü kasakaa supushua'a saa'inruin tü shikiisukaa aluwatawaa sulu'u mmakaa,

- sünain nnojoluin pansaain sumaa tü sumakaa tü Laulaasukaa pütchi.
4. Kanüikinjatü süpüla majutajatuin sutuma supushua'a otta supushi nee'e kasakaa supushua'a aa'innuin soo'opunaa jee suchikijee tü laulaasukaa pütchi sutuma wanee laulaapia supa'apunaa mmakaa
 5. Shirajuinjatüin akua'ipa, sukajee nunuiki chi laulaashikai jee laulaasukaa shikiipu'u mmakaa otta shiale shikiipu'u tü Ajutkawawaa Mülo'usukoo Yaajatü yaa, tü sunuikikaa tü Laulaasukaa pütchi sumaa aashajawaakaa wappunaajatukaa sunuikimaain mmakaa süpülapunaa sushajunuin sukua'ipa.
 6. Shirajaainjatü sukua'ipa supushua'a muleka pansaale sukua'ipa pütchi e'itaanuin sukua'ipajatuin tü nnojotkaa sünainpumanain tü anaatiaakaa akua'ipaa sulu'u mmakaa, nukujain achiki chi laulaashikaa jee laulaasukaa shikiipu'uin mmakaa.
 7. Kanuikuinjatüin süpüla majutuun sutuma eekai motuin saa'in tü ku'yamatkaluirua pütchi, sulu'u tü mmakaa mülo'usukoo, sulu'u tü estaadokoluirua jee tü munisiipuokoo, wanaa sumaa nno'ulaain akumajaa sukua'ipa pütchi süpüla kajutajatuin tü laulaasukaa pütchi, wanaa sumaa sukumajunuin wanee pütchi nnojotsu kottuin, sünain shi'itaanajatuin wanee sa'atapajia mule ka cho'ujaalen süpüla pansaajatuin pütchi anakaa sumuin.
 8. Sunaatajatü akua'ipa suntiraale pütchi akumajuushi süpüla shi'itaaninatüin tü anakalu akua'ipa.
 9. Eeinjatü sünain sunaatuin sukua'ipa tü aulijirawaakaa ajuituin sulu'upunaa laulaapiakaluirua sulu'u mmakaa.
 10. Shirajaainjatü tü aa'innakaa sünain kajutuun sutuma tü laulaasukaa pütchi jee musuja'a aa'inmajaa sukua'ipa tü pütchi akumajaain anaatiajatuin akua'ipaa sutuma tü Anaatuleekaluirua akua'ipaa sulu'u mmakaa, sukajee tü pütchi sulujatkaa tü anaatiaakaa akua'ipaa.
 11. Tü wanee kasakaa supushua'a sumakaa tü Laulaasukaa Pütchi jee tü anaatiaakaa akua'ipaa.

Piama shi'ipa
Sukua'ipajatü tü nnojotkalü
saa'inmajüin anaatiaa akua'ipaa

Aküjiaa 337. Chi Lauaashikai otta tü laulaasukaa shikiipu'uin mmakaa, jutkatuun sumaa tü ni'ipajeejanakana, eeshi supüla kanuikin shi'ipamüin sukua'ipajatü tü

nnojotkalu saa'inmajuin tü anaatiaakaa akua'ipaa. E'itaanajatukaa mui8n akua'ipaa yaa tü kasakaa supushua'a alatuin sumüin wayuu, sukua'ipa a'yatawaa, wanee kasa aleinjatüin sukua'ipa supa'a mmakaa, eekai mulian atuma saalia mmakaa, tü laulaapiakaa supushua'a, mulian atuma wayuu, eere nnojoluin kasakain atuma sukua'ipa tü alatakaa. Muleka eere wanee muinka ti'a, eesu süpüla, saawannuin sukua'ipa tü eeninatükaa atuma ajutuu sukujakaa achiki tü Laulaasukaa Pütchi, shiaja'a nne'e akatanneetkaa kajautuin atumaa waneepia tü kataakalu o'u, nnojoluin suchekuinin tü maashaje'erin wanee wayuu sumaa nupushi jee musuja'a tü ajulajaakaa wayuu, kanuikijachi wayuu kasai alatuin numuin, kajutajachin wanee wayuu süpüla nutujaain soo'u kasa maima jee tü najutumaaajatukaa wayuu supushua'a.

Aküjiaa 338. Eesu süpüla sujuituin sukua' wanee karalo'uta pütchimaajatü eere wanee ashapajawaa su'utpunaa wanee kasachiki mülo'u, muliaa sumüin wayuu jee musuja'a kasakaa supushua'a kau'ujeein wanee muliaa mülo'u, nnojoluin anain sumüin tü mmakaa supushua'a, nnojoluin anain namüin wayuu tooloyuu namaa jieyuu. Mulekaa eere tü natuma laulaaayuu eeninatü maka wanee kashi, eesu süpüla su'ulaanuin maka wanee kashi sa'amuin.

Eesu süpüla een pütchi soo'u wanee cho'ujawaa mülo'u, shinnuleje'e ma'in wanee mulia sumüin mmakaa. Sukalia tuu, eesu süpüla wanein kashi sünain eenja'a süpüla shi'itaanuin wanee kashi soo'omuin.

Eesu süpüla een pütchi soo'u wanee kasachiki ashapajaain sukua'ipa sulu'u mmakaa, eere wanee aulujirajawaa otta atkawaa, nnojoluin anain sumüin mmakaa, nnojoluin anain sumüin wayuu jee tü laulaapiakaa supushua'a. Eesu süpüla shi'itaanuin sukua'ipa sukalia maka apunuin kashi süpüla sunaatajatuin.

Tü e'itaakaa sukua'ipa sukalia saashajaaya sünainmuinree sushatuin shia Ajutkajawaakaa Mülo'usukoo Yaajatü yaa. Eejeere wanee pütchi kuyamalujinatü sukua'ipa kasachiki eekai muinka tü jee tü anakaa sumüin eepa shia soo'u

Aküjiaa 339. Tü Pütchi ajuitakaa süpüla sukua'ipajatü tü nnojotkalu saa'inmajuin tü anaatiaakaa akua'ipaa, eere mjulujuinjatüin aa'in akua'ipaa sukajee saakatunuin supushi tü kajutuinjatükaa atuma wayuu, eeninatü atuma tü sulu'u mekiisatsu ka'i suchikjee sujuituin pütchikaa, sumüin tü Ajutkajawaa

Mülo'usukoo jee musuja'a sumüin wanee e'itaaushi süpülajatü munka tuu, süpüla shiishajaanuin achiki jee musuja'a kajutajatuin shia atumaa, jee musuja'a sumüin tü shiipalakaa supu'uyajatü laulaasukaa pütchi sulu'u tü Anaatuleekaa Akua'ipaa Mülo'usukoo, süpüla kanuikinjatüin shia kajutsulen sutuma tü laulaasukaa pütchi. Tü pütchikaa e'itaanakaa ayatajatü sutuma tü pütchi anasu sulu'ujakaa supuleerua wanee Aashajawaa Mülo'u kottiraa maajanulu wattajatü suchiki ajutuu namüin wayuu jee tü sukua'ipakaa aa'inraa natuma wayuu jee musuja'a tü aashajaanakaa sulu'u tü ajutkajawaakaa Merikaana soo'u Najutumaaajatü Wayuu. Chi Laulaashikai otta laulaasukaa shikiipu'uin mmakaa eeshi süpüla nuchuntuin otta nachuntuin soo'omüin sukalia muinyaka tü aapunakaa jee musia shia aakaleetkaa sukua'ipa tü shikiisukaa aluwatawaa sulu'u mmakaa, eesu supuñla shiain tü Ajutkajawaa Mülo'usukoo shia ya'asa otta tü shi'itain soo'opunaa, süpülapunaa sajatuinsukalia jee musuja'a sajattuin tü kasachiki kanainjeekaluin

Eere wanee akua'ipaa muinka tuu, sünain akunajaa saukua'ipajatü tü kasachikakaa alatuin, nnojoluinjatüin ojooloin shi'yataain tü laulaapiakaa supushua'a.

MEKIETSALU SHIKIJEE **SUKUA'IPA SUWANAJAAYA TÜ LAÜLAASÜKAA PÜTCHI**

Wanee shi'ipa *Sukua'ipajatü pütchi saa'amüin*

Aküjiaa 340. Tü sukua'ipajatukaa pütchi saa'amüin tü laulaasukaa süpülajatü kaa'amüin atumaa otta suwanajaanulee akua'ipa supushi tü pütchikaluirua akujunakaa achiki sulu'u, sünain nnojotleeinjatüin suwanajaanuin supushua'a tü eeka sulu'u.

Aküjiaa 341. Tü Sukua'ipajatukaa pütchi suwanajaayajatü sulujutkaa tü laulaasukaa pütchi muinjatü yaa:

1. Tü anuliikaa ajuitajatü sutuma maimasu wayuu tooloyuu sumaa jiejyuu, ashajuushin anuliala sulu'u tü karalo'uta ashajuleeka anuliee süpüla aneekajaa jee ajutaa, jee musuja'a maimasu sulu'ujeejatü tü eekaluirua

sulu'u tü Ajutkajawaa Mülo'usukoo jee nunuikimaajatiulen chi laulaashikai otta laulaasukaa shikiipu'uin mmakaa kottuin sumaa tü ni'ipajee-janakanairua.

2. Muleka shiale kanuisuin palajanaa tü Ajutkajawaakaa Mülo'usukoo, tü pütchi awanajaainjatükaa achekusu nanuikijeeijatuin maimashii na sulujunakana jee musia shia aashajaanusu suka tü sukua'ipakaa shi'itaakaa tü Laulaasukaa pütchi süpüla akumajaa shikii pütchi anaatiaajatü akua'ipa.
3. Tü Sutchinkaa Aneekajaa jee Ajutaa susakireeru anain suka'ipa namjuin wayuu napushua'a, wanee kashi suchikijee saapinnuin sünain achekunakaa.
4. Anasu sukua'ipa tü pütchikaa ka'amuinjee otta suwanaanein sulu'u tü laulaasukaa pütchi muleka pansaale sukua'ipa sukajee tü anaatiaakaa akua'ipaa jee musuja'a tü asakirakaa wayuu sünain.
5. Tü pütchikaa sa'amuinjatükaa pachiiroyaa muinjatü e'raajuna munuinjatia sulu'u tü laulaasukaa pütchi sünain nnojoluinjatüin suwanajaain tü ashajuushikaa sulu'u, akatsa ashajaunajatuin suchukua tü akujiaakaa aashajaanakaa achiki jee musuja'a kaso'ulajatuin ka'amüin pütchikaa awanajaakaa sukua'ipa tü eejatukaa ashajuushin.

Piama shi'ipa

Sukua'ipa suwanajaaya tü Laülaasükaa Pütchi

Aküjiaa 342. Tü sukua'ipakaa suwanajaaya tü Laulaasukaa pütchi achajaasu wanee shi'rajaaya supushi tü laulaasukaa pütchi jee musuja'a suwanajaaya waneesia otta maimasulen sukua'ipa pütchi sulu'ukoo, nnojoluin awanaja'aleein sukua'ipa tü e'itaanakaa paala jee tü süno'utiakaa pütchi sulu'u tü Laulaasukaa pütchi.

Tü kanuikaa palajanaa süpüla suwanajaainjatüin supushi pütchi suulu'u tü Laulaasukaa pütchi shiainjatü tü Ajutkajawaa Mülo'usukoo yayaa sukajee nanuiki maimashii na sulujunakana, jee niale chi laulaasjhikai otta laulaasukaa shikiipu'uin mmakaa sumaa kottjuin nia sumaa ni'ipajeejana jee musuja'a suchuntuushire natuma maimashii na wayuu ajutapu'uin tooloyuu sumaa jieyuu ashajuushin anulia sulu'u tü Ashajuleekaa Anuliaa süpüla wayuuwaa, Aneekajaa jee Ajutaa.

Aküjiaa 343. Tü kanuikaakaa süpüla awanajawaa supushi pütchi sulujutu tü laulaasukaa pütchi o'unajatü sukua'ipa sutuma tü Ajutkawawaakaa Mülo'usukoo sünain müin sukua'ipa yaa:

1. Tü karalo'utakaa sunuliamakaa tü Awanajawaakaa pütchi, eesu wanee palajanaa saashajaaya wanaa sumaa kettaajapa sukalia sutuma tü ajutkawawaa mülo'usukoo suchikijee shi'ikajaanuin anulaa.
2. Eetaalasu wanee aashajawaa suchikli ya'asa, sukasu shikijee jee shi'ipa eekai een.
3. Eesu wanee sajattia apunuinkalu amaa saashajaaya sukasu tü akujiakaa waneesuwai.
4. Tü ajutkawawaa mülo'usukoo shia kajutajatka anüiki süpüla suwanajaain tü laülaasukaa pütchi, sünain nojolünjatüin sülatüin piama juya süchikijee süsakinnüin.
5. Tü sukua'ipakaa suwanajaaya tü laülaasukaa pütchi kajutsu müleka nanüikimaajatüle jee sujutuushi oo'u natuma na sulu'ukana tü ajutkawawaa mülo'usukoo.

Aküjiaa 344. Tü Karalo'uta sunuliamakaa awanajaayakaa pütchi sulu'u tü laulaasukaa pütchi kajutuin sutuma tü Ajutkawawaa Mülo'usukoo, e'itaanusu süpüla susakinnuinjatüin anain maka wanee kaashi suchikijee keetajuin saashajaanuin. Tü asakiraakaa soo'uleesu kasakaa supushua'a eekai atijaa-neein oo'u akatsa een süpüla sujutunuin oo'u waneewai sukua supushi tü e'itaanakaa. Muleka kajutule sutuma maimasuuirua tü sulujunakaa tü Ajutkawawaa Mülo'usukoo, jee musuja'a pütchikaa numajarale chi laulaashikai shikiipu'uin mmakaa jee musuja'a namajarale maimashii na ajutshiikana kanuliain sulu'u ashajuleekaa anulaa süpüla aneekajaa jee ajutaa.

Aküjiaa 345. Kettaaipa kajutuin munajatü tü awanajaayakaa sukua'ipa pütchi sulu'u tü laulaasukaa pütchi, muleka maimasule tü ajutuushikaa anasuibn, maimain suulia nojoo makaa sumuin. Shirajaanapa tü anuikiikaa soo'u wanee awanajawaa pütchi nojotsu süpüla shi'itaanajatuin suchukua'a su'utpunaa tü sukaliakaa aluwatawaa shi'itaanakaa oo'u paala sumuion tü Ajutkawawaakaa Mülo'usukoo.

Aküjiaa 346. Chi Lauaashikai otta laulaasukaa shikiipu'uin mmakaa niajachi otta shiajatü jierulen e'itaaka süpüla shiraajunuin sutuma mmakaa supushua'a tü pütchi saa'amuinkaa jee pütchi suwanaayakaa supushi tü Lauaasukaa pütchi, makaa po'loo ka'i suchikijee supansaajunuin sukua'ipa. Muleka nnpojole naa'inruin, sukeechi chi pütchikaa süpülaajatukaa ti'a sulu'ukoo tü Lauaasukaa pütchi.

Apünüin shi'ipa

Sukua'ipajatü tü Ajutkawawaa Mülo'usukoo sünain akumajaa shikii pütchi laülaasajatü

Aküjiaa 347. Na Wenesueelaje'ewaliikana napushua'aya naya kama'anaka sutchin supushua'a tü eetujuülüwaakaa. Sñukajee tü katchinwaakaa akua'ipa, eesu süpüla naanejiraain sünain Ajutkawawaa Mülo'u süpüla akumajaa shikii pütchi, süpüla suwanajaainjatüin tü sukua'ipa aluwatawaa jee tü suyku'ipakaa mmakaa, süpüla eeninatüin jeketuiun pütchi anaatiajatü akua'ipaa jee musuja'a akumajaa wanee pütchi laulaasujatü.

Aküjiaa 348. Tü anuikiikaa süpüla aanejawaa wanee Ajutkawawaa Mülo'u süpüla akumaja shikiisüjatü pütchi niainjachi aa'inrakaa oota shiainjatü aa'inrakaa jierulen tü shikiipu'ukoo mmakaa kottuin sumaa tub ni'ipajeejanakana; tü Ajutkawawakaa Mülo'usukoo yaajatü yaa sukajee nanuiki maimashii na sulujunakana; tü Konseejokoo sulujutkaa Munisiipia sünain paa'inwainjatüin nanuiki wayuu maima, sukajee nanuiki jee najunala maimashii na wayuu tooloyuu sumaa jeyuu ashajuushikana anulia sulu'u tü ashajuleekaa anuliee süpüla aneekajaa jee ajutaa.

Aküjiaa 349. Chi laulaashikai otta tü laulaasukaa shikiipu'iuin mmakaa nnojotsu süpüla mojuinjatüin nunuiki sumüin jeketkaa laulaasuin pütchi.

Tü shikiikaa aluwatawaa eesuin nnojotsu kasajatuin sunuiki shi'ipamüin tü Ajutkawawaa Mülo'usukoo süpüla akumajaa pütchi laulaasujatu. Jee süpüla shi'raajunajatüin tü jeketkaa laulaasuin pütchi, ashajunajatü sulu'u tü karalo'uta kajutsukaa sunuikimaajatü Mmakaa Wenesueela jee musuja'a sulu'u tü sunuikimaajatukaa tü Ajutkawawaa Mülo'usukoo kuyamatkaa pütchi.

Aküjiaa 350. Na wenesueelaje'ewaliikana napūshua'aya, sūnain ayatūin tū nakua'ipakaa sulu'u noumain, sūnain sukua'ipa taashaa waneepia, sūnain tū anaakaa, nnojotsu kajutajatūin natuma, eekai nnojoluin pansaain atuma sukua'ipa kasa anasū, kajutaa jee wanaawaa akua'ipa sulu'u mmakaa.

E'ITAAUSHI SAAKAJAAYA

Shia'ane'e. Ajattūsū sūkajee tūū, tū laūlaasūkaa pūtchi sulu'u mmakaa Wenesueela akūjūūshikaa paala su'utpūnaa piama shikii apūnūinmūin ka'i kashikai eneero nūmaa juya po'lotua po'looin shikii sūnainmūin mekietsattua po'looin shikii jee aipirua shikii waneeshimūin. Tū sūpūshikaa pūtchi anaatiain akua'ipa ayate'eria sūtchin sūnain tū nnojotkaa sūnainpūnaajatūin tū laūlaasūkaa pūtchi joolu'u.

E'ITAAUSHIIRUA SŪMA'AINRU'U

Palajanaa. Tū sūnaatiajatūkaa sukua'ipa tū shikiisukaa mmakaa aashajaanaka sulu'u tū akūjiaakaa 18 sulu'u tū laūlaasūkaa pūtchi, shiainjatū akūjaka tū Ajutkajawaakaa Mūlo'usukoo kuyamatkaa shikii pūtchi jee mūsūja'a shia ayate'eria waneepiain suumainb Estaado Miraannta. Sūma'ainru'u shikettajūnūin sūnaatiajatūkaa sukua'ipa, ayate'eria su'nuin aka sunaatia sukua'ipa Tistūriita Pederaalū sūkapitaatshe mmakaa jee mūsia sūnaatia sukua'ipa tū Munisiipiokaluirua.

Sūchikijee Waneesia. Sūma'ainru'u sukumajūnūin sūnaatia sukua'ipa tū eenijatūkaa sulu'u tū sūmakaa Akūjiaakaa 38 sulu'u tū laūlaasūkaa pūtchi, sūmaajatūkaa aapawaa, aneekajaa, oulawaa jee ale'ejiraa sukua'ipa koumainwaa jee wayuwaa, ayateenaya kepiashiin sulu'u Wenesueela na watta-je'ewaliikana tooloyuu sūmaa jeyuu ekerotshiin paala sūka anakaralu'u sulu'u-mūin mmakaa, jee mūshiija'a nachekalai makateein naya sulu'u mmakaa, anain tū na'yataakaa amaa jee mūsūja'a jimatūinjanain naya sulu'u mmakaa Wenesueela majuituinyuule maka piama juya.

Tū kepiaakaa shiajaa'a tū eewaakaa sulu'u mmakaa sūnain jimatūinjanain naya. Tū akūjiaakaa sukua'ipa makataa sulu'u mmakaa tū aashajaanakaa achiki sūka tū akūjiaakaa 32, 33 y 36 sulu'u tū laūlaasūkaa pūtchi naa'inrajatū wayuu

napüshua'a tüü laülaapa nna'in otta nakumajüle sukua'ipa na laülaain noo'u müleka nnojoluyütle'eya nekettaajüin piama shikii waneeshimüin juya

Süchikijee Piama. Tü Ajutkajawaakaa Mülo'usukoo wanaa sümaa aipirua kashi shi'yataain, süküjainjatü achiki tü makaa:

1. Wanee suwanajaaya süpüshi tü sünaatiakaa sukua'ipamaajatü aainjalaa süpüla shi'taanüin tü aainjalaa eere suujunnuin wayuu, e'iyatünakaa sükaa aküjiaa 45 sulu'u tü laülaasukaa pütchi. Süma'ainru'u nnojoluin sümbaatünüin tü awanajanatükaa ayate'eria tü sümaka pütchi sulu'ujeejatü Ajutkajawaakaa sulujutu mmakaa merikaanakaa süpüla aashajawaa süchiki wayuu machiküin atumaa
2. Wanee sünaatia akua'ipaa süpülajatü akatalaa sukua'ipa wayuu
3. Wanee sünaatia akua'ipaa anashaanain süpüla shi'itaanüin tü anakaa sümüin tü Munisiipiokalüirua Jose Antonio Pérez jee Romulu Gallegos sulu'u mmakaa Apuure. Süpüla saa'innajatüin tü anaatiakaa akua'ipa acheküsü aapünaa nünüiki chi laülaashikai shikiipu'ukai mmakaa, tü sutchinkaa sa'apüla mmakaa, na shikiipu'ukana pütchi e'itaanakana sutuma mmakaa Apuure jee süpüshua'ale tü laülaapiuakaa süljüleru'ukoo mmakaa.

Süchikijee Apünüin. Süchikijee wanee juya ayaajuushin sünnainjee shi'itaanüin tü ajutkajawaakaa mülo'usukoo aküjainjatü:

1. Tü pütchikaluirua sünaatiajatükaa sukua'ipa süsalaja tü ajulajaakaa wayuu.
2. Wanee pütchi sünaatiajatü sukua'ipa wayuu onjulaahii otta a'luwataashii otta a'luwataasüirua, sükajee tü sümaka tü laülaasukaa pütchi jee müsüja'a tü pütchikaluirua aashajaaushikaa sutuma Wenesueela wattapünaa.
3. Sükajee suwanajaayatü sünaatiakaa sukua'ipa a'yatawaa, eesü wanee anainjatü suwalaajia a'yatawaa sünnainjee sulu'usu tü aküjiaakaa 92 sulju'u tü laulaasukaa pütchi, aaneetkaa alu'ujee suwalaajia wanaawain sukua'ipa sükañlia a'yatawaa kettaain sümaa tü sajattiakaa suwalaajia süpüla kashi. Nnojoluiwa'a kettaajüin sukua'ipa tü suwanajaayakaa ayate'eria e'itaanüin tü sukua'ipapu'ukaa suwalaajia a'yatawaa sulu'ukoo tü anaatiakaa a'yatawaa. Eejere tü süma'ainkaa a'yatawaa, sükaliakaa jee müsika süshakatiriya kakaliapa a'yatawaa sükajee tü aashajaaushikaa sulu'u tü Orkanisation Internasionaal sümaajatükaa a'yatawaa jee sünniliamaakaa

mmakaa.

4. Wanee anaatia akua'ipaa sümaajatü a'yatawaa eenijatü atumaa shi'iyataayawanee sü'laüla a'yatawaa shimiiwa'a atijasüin jee müsia naa'inmajia na a'yataaliikana toloyuu jee jieyuu sükajee tü sümakaa pütchi laulaasukaa. Tü sunaatiakaa sukua'ipa a'yatawaa o'unajatü suka suno'utia pütchi makatka tü jayainjatüin atumaa, pansaainjatüin, aashajaaushi, mama'ainjatüin, eematüin, wanaawajatüin jee kanain janain wayuu atijashii shia.

5. Tü pütchikaluirua sünainpünaakaa tü sukua'ipakaa anaatülee akua'ipa shi'yataaya shiaalujutu wayuu, tü sutchianka sukua'ipa wayuu, sütchin aneekajaa jee ajutaa, pütchi sünaatia suwalaajia nneerü, pütchi sümaajatü nneerü suwalaajijatü kasa atumaa jee tü pütchikaa sünaatia nneerü a'anapalaa.

Wanee anaatiaa sukua'ipa kajutaa süpüla kanülee su'utpünaa kasachiki, wane'eree kettaapa sukua'ipa pütchikaa tüü, e'itaaushikaa süpüla shi'yataaya jee sünaatia sukua'ipa tü pütchijatükaa kajutsu, shia kajapulu'uka tü a'yataatkaa sümaa sünain shimiiwa'ain sutuma tü kanüleekaa su'utpünaa kasachiki süpüla eenijatüin kajutaa.

6. Wanee anaatiaa akua'ipaa süpüla anainjatüin sünnetshi tü mmakaa Estaado münakaa, sünain sükajeeinjatüin sünüiki laülaasukaa pütchi, tü eekaa atuman, tü sukua'ipajatükaa shi'yataaya jee saa'inmajiakaa

7. Tü pütchi anainjatükaa atuma tü sümakaa laülaasukaa pütchi soo'u tü su'laülajanakaa Munisiipio. Sukajee Ajutkajawaakaa kuyamatkaa pütchi sulu'u tü Estaadokoluirua eenijatü laülawaa süpüla akumajaa shiaalu'u tü Munisiipiokaluirua, süpaajiraaya mmakaaa. Ayatajatia tü Munisiipiokee jee parookiairua eekaa sünainmüinree kettaain sukua'ipa tü sulu'ukoo pütchi laülaa

8. Tü anaatiakaa akua'ipaa su'unajatükaa aka tü Miichi mülo'u nneetpala sulu'u mmakaa Wenesueela. Pütchikaa tüü, shiainjatü akumajaka sukua'ipa tü shi'yatraaainkaa jee sukumajia anakaa sümüin, sükalia shi'yataain, sukua'ipa süneekajia eekai laülaainjanain sulu'u eekai laülainjatüin sulu'u, suwanajaaya, anakalü süpüla aneekajaa na laülaashiijanain sulu'u, sukua'ipa ayaawajiaa süpüla sütüjaanüin oo'u tü sulu'ukoo eere suluwataanüin süpüla atijashii süpüleerua jee musuja'a saa'inmajia süchikijee sutuma tü laülaapiakaa sulu'u mmakaa süpüla pansaain sukua'ipa tü pütchikaa, shiimüinjatü, atijasüinjatü ma'in sukua'ipa a'yatawaa

süpüla shi'raajünüin tü a'yataayakua'ipakaa sulu'u tü miichikaa mülo'usukoo nneetpala sulu'u Wenesueela.

Tü pütchi anaatiakaa akua'ipaa shieerü anaka atuma nakua'ipa na shikiipu'ukana e'itaanüin süpüla jülüjainjatrüin naa'in tü cho'ujaakaa sümüin mmakaa, süpüla ti'a eesü sukua'ipa oupalaa, ayaawataa suka atijaa jee sükaralo'utase eekai e'itaanüin süpüla shikiipu'uin.

Tü pütchi anaatiakaa akua'ipa shieerü akumajakaa nakua'ipa na laülaashiikana sulu'u mmakaa, süpüla kanüliainjanain naya süpüla nee'itaain süse'eru'rpü naa tü eeninatükalüirua sü'laülain tü miichi mülo'usukoo nneetpala sulu'u wenesueela, jee müshiija'a n a sulujunakana tü Ajutkajawaakaa Mülo'usukoo kanülinjanain ya'asa Punain e'itawaa na shikiipu'ukana.

9. Tü pütchikaa anaatiajatü n akua'ipa na aa'inmajülüikana mmakaa jee wayuu yaajatü yaa. Pütchikaa tüü, sukumajüinjatü sukua'ipa sünain kottirainjatüin na atijashiikana aa'inmajaa, e'rajaa süpüna jee tü e'ejetuu mmapünaajatükaa, namaa na aa'inmajülüikana mma jee wayuu sulu'u mmakaa.

Süchikijee Pienchi. Nnojoluiwa'a sülatüin wanee juya süchikijee suttuin shi'yataain tü laülaasükaa pütchi, tü Ajutkajawaakaa Mülo'usukoo eeninatü sutuma wanee suwanajaaya tü pütchikaa anaatiakaa sukua'ipa nneerü awalaajijatü, süpüla eeninatü makatkaa:

1. Tü shiaawatiakaa sukua'ipa pütchi sünaatia shi'taaya nneerü awalaajia.
2. Aakaje'eraa tü nnojotkaa atuma su'ttia pütchi sünain a'yatawaa jee akatalaa
3. Tü a'ajapülaakaa shi'yataaya awalaajia süpüla anainjatüin sukua'ipa a'yataaya sümaa nneerü.
4. Aakaje'eraa tü su'ulaanüin tü aainjalaakaa mojusukaa sümaajatü nneerü awalaajia, jee shia alatinnajatü sajumpulu'u pütchi sünaatia sukua'ipa nneerü awalaajijatü.
5. A'ajapülaa sujutu aainjalaa ne'ipamüin na kanüishii soo'u tü a'yataa-sülalüirua, shi'yataale pütchipü'ü, e'raajüshii sulujuna otta anoipa'ajeejana, eejiraashii sünain mujaa aainjala sulu'u a'yatawaaakaa tüü, e'itaanüshii yayaa na ma'yataainsaliikana.
6. A'ajapülaa süliaajatü jee sujutajatü suwalaajia saainjala sümüin eekai soo'ujee mawalaajüinwaa nneerü sulu'u mmakaa.

7. Tü e'rajawaakaa sukua'ipa aawale'eria jee saa'amüin aliaya jataa süpüla ka'amüinjatüin shia namüin eekai mojuin aainjala.
8. Tü a'ajapülaakaa kapülajatükaa tü a'yatawaakaa sünain nneerü awalaajijatü jee müsia shi'rijia soo'u.
9. Süliikiria süchon nneerü sutuma akama'ajaa sukua'ipa awalaajia.
10. Sa'ajapülia tü sukua'ipakaa kaaliajirawaa süpüla eenjatüin suwalaajia natuma na shikiipu'ukana sükajee kasa nama'anain, müleka eere wanee aainjalaa mojuin.
11. Shikerole'eria karalo'uta e'raajainjatü sukua'ipa.

Süchikijee Ja'rai. Tü Ajutkajawaakaa Mülo'usukoo wanaa sümaa piama juya aashajaainjatü schiki tü sulu'ukoo tü laülaasükaa pütchi. kajutajatü palajana tü pütchikaa sünaatiajatükaa suka'ipa wayuu süpüshua'a, pütchi sünaatia sukua'ipa ekirajaa jee pütchi sünaatia sykua'ipa süljülekaa mmakaa sümaa tü mmakalüirua mülo'uyukoo sa'aato'upünaa.

Süchikijee Aipirua. Süpüla ayatajatüin sukua'ipa tü aküjiaakaa 125 sulu'u tü laülaasükaa pütchi, eejeerü süma'ainru'u wanee anaatiaa akua'ipaa süpüla naneekajünüin na wayuukana shikiipu'uinjanain pütchi sulu'umüin tü ajutkajawaakaa mülo'usukoo jee sulu'u tü akutkajawaakaa kuyamatkaa pütchi sulu'u Estaado jee Munisiipiairua, m shia müinjatü sukua'ipa yaa:

Süpüshua'a tü mmakaluirua jee tü sukua'ipammajatükaa wayuu eesü süpüla ne'itaain na Kandidaatainjanain sulu'u wayuun naya.

Tü cho'ujaaka ma'in süpüla een wanee kandidaato otta kandidaata shikiipu'uinjanain pütchi, naashajaain nanüiki wayuu jee müsüja'a ayatajatüin tüü natuma:

1. A'yataashiin sünain kajutuinjanain naya sulu'u noumain.
2. E'raajünajatüin tü nachukuakaa sünain a'yatawaa jee e'rajiraa nakua'ipa
3. A'yataashin shiaalu'u wayuu sümaayalee noumain
4. Sulujunain a'yatawaa sükajee sykua'ipa wayuu akunajüshii akua'ipaa sümaa sülatüirüin maka apünüin juya shi'yataain.

Eejeerü atumaa apünüinsü shi'ipa mmakaa: Palaamüin eekaa alu'u tü Estaa-

dokoluirua Suuria, Meerira je Turujiiya; Wopumüin, eekaa alu'u tü Estaadokoluirua Amasoonaa jee Apuure jee müsüja'a Uuchimüin eekaa alu'u estaadokoluirua Woliiwat, Tetta Amakuurom Monaaka Ansuaateki jee Suukure.

Waneesüwai tü Estaadokoluirua sulu'uko tü apünüinsükaa shi'ipa mmakaa, ne'itaainjachi wanee shikiipu'ujachi. Tü Konseejo süpülajätükaa ajkutaa jee aneekajaa shiajatü aküjakaa jaralin akanajüin süchikijee maimasüin tü ajutaka noo'u

Süpüla eeninatüin wayuu shikiipu'u pütchi sulu'u tü Ajutkajawaakaa sulu'u Estaado, sulu'u tü Konseekoluirua munisiipiajatükaa eekai ein alu'u wayuu, sükajeejeerü tü Sensokoo aa'inruushikaa 1992 oo'ulu sutuma tü Opisiina Sentraalü süpülajätükaa Ayaawajaa jee nüsüja'a tü ajutaakaa sükajeeinatü pütchi laülaa yaajatü yaa.

Tü Konseejokoo süpülajätükaa ajutaa jee aneekajaa ayatajatü sukua'ipa sutuma tü münakaa yayaa sükajee nanüiki laülaayuu kajutshii sünainjee e'rajaa sukua'ipa wayuu.

Süchikijee Akaratshi. Süma'ainru'u ein jeketü sukua'ipa tü aneekajaakaa otta ajutaa sulu'ukoo tü laülaasükaa pütchi, tü sukua'ipakaa a'yatawaa süpüla ajutaakaa eenajaanajatü, akumajünajatü akua'ipa, aluwataainjatü sünain jee müsüja'a shi'rüjüninatüin soo'u tü Konseejokoo yaajatü yaa süpüla aneekajaa jee ajutaa.

Süpüla tü palajanaajatükaa sukua'ipa shi'yataain sümakaa laülaasükaa pütchi, na suliujunakana e'itaanajana wanaa sümaa. Süse'eru'upünaapa sükalia shi'yataain awanajanajana piamashii sükajee pütchi laülaa.

Süchikijee Mekiisatsü. Süma'ainru'u sukumajünüin tü jekennuukoo anaatiaa akua'ipa eeninatükaa atuma tü pienchikaa shi'ipa sulu'ukoo shikijee pienchi, ayatwe'eria atumaa tü sünaatia sukua'ipa tü laülaapia süpülajätükaa wayuu jee tü laülaapia aa'inmajütkaa sulu'u mmakaa. Tü sukua'ipa akaaliajüleekaa wayuu, chi shikiishikai e'itaanajachi süma'ainru'u sutuma tü Ajutkajawaakaa Mülo'usukoo sünain akuimajaa shikiijatü pütchi. Na akaaliajülüikana wayuu nakumajeerü sukua'ipa tü shi'yataayakaa sünneetshikaa, shipiajatükaa, sükajee tü sümakaa tü

laülaasükaa pütchi.

Süchikijee Mekietsat. Tü aküjünakaa sulu'u ayaawajiai 4 sutuma aküjiaa 167 sulu'ukoo tü laülaasükaa pütchi, saajutukaa tü saa'inrajatükaa tü Estaadokoluirua sünain naapajatüin süse'eru'upünaa tü nneetkaa saapaka sü'laülakaa mmakaa süpüla sükatajünüin, wane'erejeerü pansaain sukua'ipa sülatapa wanee juya nüchikijee juyakai 2000.

Süchikijee Po'iloosü. Süma'ainru'u shikettaajünüin tü pütchikaa sünatiajatükaa sukua'ipa tü mmakalüirua maa'inrüinsatkaa, tü shi'yataayakaa ayatajatia sükajeein sünüiki laülaayuu.

Süchikijee Po'loo Waneeshimüin. Tü sükataliakaa suumain wayuu, aasha-jaanakaa achiki süka aküjiaa 119 sulu'u tü laülaasükaa pütchi, aa'innajatü maka piana juya süchikijee sükalia shi'itaanüin tü laülaasükaa pütchi.

Süchikijee Po'loo Piamamüin. Wane'erejea'a een sukua'ipa sutuma tü Estaadokoluirua tü ashajünakaa süka 7 sulu'u akujiaa 164, sulu'u tü laülaasükaa pütchi süma'ainru'u ayatajatü tü sukua'ipaka joolu'u.

Süchikijee Po'loo Apünüinmüin. Süpülapünaa nnojoluin shi'itaanüin tü pütchikaa eenjatükaa atuma laülaasükaa pütchi soo'u shi'yataain Munisiipia, ayatajatia tü sukua'ipakaa eekaa, sukumajia, shi'yataaya, saa'inrajatü, sünneetshi jee süchekajia; sükajee tü anaatiaakaa akua'ipa, nnojoluiwa'a shi'itaanüin tü laülaasükaa pütchi.

Süchikijee Po'loo Pienchimüin. Wane'erejea'a kettaajapa sukua'ipa pütchi soo'u, tü münakaa sulu'u aküjiaa 105 sulu'u tü laülaasükaa pütchi, ayatajatiaa tü sünaatiakaa sukua'ipa süpülapünaa tü sulu'ukoo tü laülaasükaa pütchi.

Süchikijee Po'loo Ja'ralimüin. Süpüla anastataalain suchukua woumain chi ashajuikai süchiki tü alataka sulu'u tü Ajutkajawaakaa sünainb akunajaa shikii pütchi, mukumajüinjatü sukua'ipa tü anakaa sümüin süpüla saa'inmajünüin tü karalo'uta ashajuushikaa, peliikula, ayaakuaa, ashajalaa, anüikii, kasakaa süpüshua'a akunajuushin sutuma.

Karalo'utakaa tüü süpüshua'a saa'inmajüinjatü tü süpü'uyakaa anaajawaa kasa kajutsu sulu'u mmakaa.

Süchikijee Po'loo Aikpiruamüin. Sünülia tü mmakaa kettaajapa sukua'ipa tü laülaasükaa pütchi " Mmakaa Woliwariaana Wenesueela " münajatü, müinyakaasünüiki aküjjaakaa 1. Ayatajatü sukua'ipa sutuma tü laülaayuukoo jee laülaapia sulujutu mmakaa jee müsia tü awalaajuushikaa, süpüla saapajatüin karalo'uta, atijaamaajatü jee kaaralo'uta süpüshua'a eemaatüinjatü sünülia mmakaa sulu'u "Mmakaa woliwariaana Wenesueela " müin.

Tü karalo'utakalürua eekaa sulu'u mmakaa ajattajatü atumaa, jeketeerü shi'ipa'aya, nnojotsü alatajatüin süchikijee ja'rai juya.

Tü nneetkaa süpa'akaa mmakaa sünüliamaakaa Wenesueela, sünainje'eree tü sünaatiakaa sukua'ipa Miichi Mülo'usukoo Nneetpala sulu'u Wenesueela, akujunakaa sulu'u tü pütchi süma'ainrujutu po'loo waneeshimüin, sulu'ukoo tü laülaasükaa pütchi süpülaajatü shikettaajünüin sünülia mmakaa.

Süchikijee Po'loo Akaratshimüin. Süpüla pansaain sukua'ipa pütchi münakaa süka aküjjaakaa 113 sulu'u tü laülaasükaa pütchi. Tü Ajutkajawaakaa e'itaajeerü shi'rajia sukua'ipa süpüla sütüjaanüin oo'u pansaainjatü tü pütchikaa süpüshua'a.

Wayuu süpüshua'a eekai e'itaanüin shikiipu'uin tüü, nanüikimaainjachi na diputaadokana sulujunakana tü Ajutkajawaakaa yaajatükaa yaa, sükajee manüiki na e'itaaushikana süpüla tüü.

Tü sünaatiakaa sukua'ipa wayuu a'yataashii laülaapialu'u, na anaajülüikana akua'ipaa, atijaainjatükaa soo'u tüü ayatajatü sukua'ipa laülaain, eekai aashajaashin süchiki kajutajatü pütchi natuma, nnojotsü eenjat'juin wanee pütchi shi'ipamüin.

Tü pütchikaa anaatajatükaa süpüshua'a tü cho'ujaakaa sümüin wayuu ayatajatü atumaa sümaayalee tü aikaanüin jee nneerü süliajatüin kasa maima, panasaainjatü sukua'ipa akatalu'u suulia pütchikaa tüü.

Shia'ane'e. Tü laülaasükaa pütchi ottajatü sujutu soo'ulee ka'ikaa sükujúkaa

achiki sulu'u sünükipalakaa mmakaa kajutsükaa sulu'u Wenesueela, süchikijee anain pütchi sümüin natuma na Wenesueelaje'ewaliikana.

E'itaaushi, ashajuushi sümaa shejeetshi sulu'u mmakaa Karaaka maka Po'loo akaratshimüin ka'i kashikai Nowiembre nümaa juya Po'lotua po'looin shikii, mekietsatmüin shikii sünainmüin mekietsat shikii mekietsalümüi. Juya 189 sünain tü laülawaakaa emiiwawaa jee 140 sünain laülawaajiraa sulu'u mmakaa.

SHIKIIPU'U LAÜLAASHIKAI, Luis Miquelena
CHI PALAJACHIKAI NI'IPAJEE, Isaías Rodríguez
CHI NA'ATAAJUCHIKAI NI'IPAJEE, Aristóbulo Istúriz

KU'YAMALII PÜTCHI YAAJE'EWALII YAA

Alberto Franceschi
Alfredo Peña
Allan Brewer Carías
Ángela Zago
Claudio Fermín
Earle Herrera
Edmundo Chirinos
Eustoquio Contreras
Guillermo García Ponce
Hermann Escarrá
Jesús Rafael Sulbarán
Jorge Olavarría
Leopoldo Puchi
Luis Vallenilla
Manuel Quijada
Marisabel de Chávez
Pablo Medina
Pedro Ortega Díaz
Reina Romero García
Ricardo Combellas
Tarek William Saab
Vinicio Romero Martínez

KU'YAMALII PÜTCHI TISTÜRIITA PERERAALÜJE'EWALII

Desirée Santos Amaral

Eliézer Otaiza Castillo

Ernesto Alvarenga

Freddy Bernal Rosales

Julio César Alviárez

Nicolás Maduro Moros

Segundo Meléndez

Vladimir Villegas

KU'YAMALII PÜTCHI AMASOONAJE'EWALII

Liborio Guarulla Garrido

Nelson Silva

KU'YAMALII PÜTCHI ANSOATEKIIJE'EWALII

Ángel Rodríguez

David De Lima Salas

David Figueroa

Elías López Portillo

Gustavo Pereira

KU'YAMALII PÜTCHI APUUREJE'EWALII

Cristóbal Jiménez

Rafael Rodríguez Fernández

KU'YAMALII PÜTCHI ARAAWAJE'EWALII

Alberto Jordán Hernández

Antonio Di Giampaolo

Carlos Tablante

Humberto Prieto

Oscar Feo

KU'YAMALII PÜTCHI WARIINAJE'EWALIII

Francisco Visconti Osorio

José León Tapia Contreras

KU'YAMALII PÜTCHI WOLIÍWARÜJE'EWALII

Alejandro Silva Marcano

Antonio Briceño

Daniel Díaz

Leonel Jiménez Carupe

Victoria Mata

KU'YAMALII PÜTCHI KARAWOOWAJE'EWALII

Elio Gómez Grillo

Manuel Vadell Graterol

Américo Díaz Núñez

Blancanieve Portocarrero

Diego Salazar

Francisco Ameliach Orta

Juan José Marín Laya

Oscar Navas Tortolero

Saúl Ortega

KU'YAMALII PÜTCHI KOJEEREJE'EWALII

Haydeé de Franco

Juan Bautista Pérez

KU'YAMALII PÜTCHI TETTAMAKUUROJE'EWALII

César Pérez Marcano

Ramón Antonio Yáñez

KU'YAMALII PÜTCHI PATKÓNJE'EWALII

Jesús Montilla Aponte

Sol Mussett de Primera

Yoel Acosta Chirinos

KU'YAMALII PÜTCHI WAARIKOJE'EWALII

Ángel Eugenio Landaeta

Pedro Solano Perdomo

Rubén Alfredo Ávila Ávila

KU'YAMALII PÜTCHI LAARAJE'EWALII

Antonio José García

Enrique Peraza

Henri Falcón

Lenin Romero

Luis Reyes Reyes

Mirna Vies de Álvarez

Reinaldo Rojas

KU'YAMALII PÜTCHI MEERIRAJE'EWALII

Adán Chávez Frías

Florencio Porras Echezuría

Pausides Reyes Gómez

KU'YAMALII PÜTCHI MIRAANTAJE'EWALII

Elías Jaua Milano

Freddy Gutiérrez

Haydée Machín

José Vielma Mora

José Vicente Rangel Ávalos

Luis Gamargo

Miguel Madriz

Raúl Esté

Rodolfo Sanz

William Lara

Wulliam Ojeda

KU'YAMALII PÜTCHI MONAAKAJE'EWALII

José Briceño Torrealba

Marelis Pérez Marcano

Numa Rojas Velásquez

KU'YAMALII PÜTCHI NUEEWAPATTAJE'EWALII

Alexis Navarro Rojas

Virgilio Ávila Vivas

KU'YAMALII PÜTCHI PORTUKEESAJE'EWALII

Antonia Muñoz

Miguel Garranchán Velásquez

Wilmar Castro Soteldo

KU'YAMALII PÜTCHI SUUKREJE'EWALII

Jesús Molina Villegas

José Luis Meza

Luis Acuña Cedeño

KU'YAMALII PÜTCHI TÁACHIRAJE'EWALII

Iris Varela Rangel

Ronald Blanco La Cruz

Samuel López Rivas

Temístocles Salazar

KU'YAMALII PUTCHI TURUJIIYAJE'EWALII

Gerardo Márquez

Gilmer Viloría

KU'YAMALII PÜTCHI WARÜKAJEÉWALII

Antonio Rodríguez

Jaime Barrios

KU'YAMALII PÜTCHI YARAKUIJE'EWALII

Braulio Álvarez

Néstor León Heredia

KU'YAMALII PÜTCHI SUURIAJE'EWALII

Alberto Urdaneta

Atala Uriana

Froilán Barrios Nieves

Gastón Parra Luzardo

Geovanny Finol Fernández

Jorge Luis Durán Centeno

Levy Arron Alter Valero

María de Queipo
Mario Isea Bohórquez
Rafael Colmenárez
Roberto Jiménez Maggiolo
Silvestre Villalobos
Yldefonso Finol

KU'YAMALII PÜTCHI NANÜLIAMAAJANA WAYUU

Guillermo Guevara
José Luis González
Noelí Pocaterra

NA ASHAJÜLIKANA

Elvis Amoroso
Alejandro Andrade

